


MULI MWANARUMI MUNO UYO WANGAMANYA KUBUSKA MAGESI

 Yewo m'bale. (Mozomerezgeni iyo wayimbe.) Tiyeni tisindamiske mitu yithu sono.

Wadada w̄ithu W̄akuchanya, ise tikumuwongani Imwe mlenji uwu chifukwa cha uweme Winu na lusungu, chifukwa cha kutipasa ise mwaŵi wa kuwungana pamoza kamazaso, dazi ilo chigaŵa ichi cha Umuyaya ukuru, kuti timusope Yumoza wakutemweka, Fumu Yesu Khristu. Ise tikumuwongani Imwe chifukwa chakuti Iyo wakiza ku charu chapasi kuti—kuti watiwombore ise ku—umoyo wa kwananga, na kuti watipe ise chiharo chikuru ichi icho ise tiri nacho kwizira mu urunji Wake. Ndipo apo ise, mlenji uwu, tiri muno ngati w̄akazembe W̄ake, kuti—kuti timenye Chingwa ichi cha Umoyo ku gulu ili likulindirira, nkhuromba Mzimu Mutuŵa wakuw̄irizge Lizgu lirilose ndipo waŵike ichi mu mitima ya w̄anthu, umo ise tikusoŵekera. Ise tikuromba ichi mu Zina la Yesu. Amen.

Khalani pasi.

² Ine mwakufikapo nkhorta uwu, ndipo mwaŵi ukuru, kamozaso mlenji uwu, kuyimilira pano na imwe. Phepani kuti ise tirije chipinda chinyake kuruska icho ise tiri nacho, kuti tikhazikemo w̄anthu. Kachisi withu nthā ndi mukuru chomene. Ndipo ise ndise w̄akuwonga chomene kuŵa kuno, mu maholide agha, kufumira—kufumira kusika kukaya kwithu mu...ku Tucson. Ndipo mphepo zanguŵa zakusuzgirapo, kweni ise tangukondwera kuŵa kuno na kuti tiŵe na ungoro.

Sono, ine nkhuKhumba kuti ndilengeze kuti usiku uwu kuwenge chisopo cha machirisko usiku uwu, panji kurombera w̄arwari. Ndipo ine nangumuphalira Billy sono nthena. Iyo wanguti, “Enya, kasi iwe uchitenge vichi?”

³ Ine nanguti, “Enya, panyake ntchiweme iwe upereke makadi ghanyake usiku uwu, pafupifupi sikisi-sate, mwakuti uko w̄anthu nthā...”

Ndipo, wonani, mwazura chomene muno, ise tingamanya umo ise tingawachemera iwo, yumoza na yumoza, mwakuti imwe mungamanya kuchemeka kugwiriska ntchito nambala ya kadi linu, ndipo nthēura paŵengeveye kufyenyekekgana kulikose. Ise tingawachema waka iwo, yumoza na yumoza, kuŵapanga iwo w̄ayende mu mzere apo ise tikuw̄arombera iwo.

⁴ Nthēura, imwe, usange imwe mwarwara, panji muli na w̄akutemweka mbarwari, ndipo mukukhumba kuti mwize nawo,

fikani pafupifupi sikisi-sate, yinyake ngati iyo, seveni koloko, ndipo torani kadi lapemphero. Iyo wazamkuwa pa muryango, panji munthowa yiriyose iyo wakupereka agha, para imwe mukunjira.

⁵ Ndipo, ntheura, iyi panyake yizamkuwa pafupifupi nyengo yaumaliro para ine nkhwizaso, pa kanyengo kanyake, chifukwa ine ndiri na mndandanda ukuru chomene sono. Kusika, ndipo nichali mu United States mpaka nyengo iyi yakuphuka, ku umaliro. Ntheura, ise, ise panyake tizamkwizaso ku umaliro pachoko mu chihanya ichi.

Usange Fumu yazomerezga, ine nkhukhumba kuti, usange ise tisangenge—malo kudera uku usange ichi chiri na vyakuzizimiskira mphepo. Ine nate ndimufumbenge Billy. Ine nkhukhumba kuti ndiyowoye pa Mbata Seveni zira, kuwa na unga- . . . ungoro kuno wa Mbata Seveni, usange—usange Fumu yazomerezga. Chifukwa, kuti, a—Miwirowo Seveni ya Mpingo, na Vididimizgo Seveni, ndipo sono Mbata Seveni. Ndipo tingatora nyengo yinyake ngati mu Juni uko wanthu wali na maholide ghawo, kuwapa iwo nyengo mwakuti iwo wangamanya kwiza.

⁶ Ndipo ine ndine wakukondwa kuwona M'bale Shepherd muno mlenji uwu, kufuma ku chipatala. Ine nkharuta kuti nkhamuwone iyo dazi linyake. Ndipo Mlongosi Shepherd, ine nkhwakwaniska yayi kuti nikuyimbire iwe mayiro. Loto lira ilo iwe ukandituma ine likawa liweme chomene, liweme chomene. Iwe ukawona, umu likawira, Khristu mu—pa a . . . mu—mu mitambo, pa kavalo mutuwa uyu, kweni ndipouli wakukakika, imwe wonani. Kweni, ndipouli, pambere ili likawa lindamare, banja lako lose likwenera kuti lichiwone ichi. Kutu, kutanthauzira kwa loto, ndi kwakuti banja lako lachiwona chakuchitika Chake cha mazuwa ghaumaliro agha pambere ili likawa lindamare, icho Ili likawa. Ntheura, ili ndi, lira likawa lauzimu chomene, ndipo thumbiko liweme chomene kwa iwe, banja la iwe. Banja lira likayendera mu kusauskika kunyake kukuru, kuti lifike uko iwo wali muhanyauno.

⁷ Ndipo sono ise tiri na chinyake, chichoko ku chigawa cha chitima, mlenji uwu. Kufumira apo ine nkhwakumana nawo kuno . . . Yumozza wa wabwezi witu wakutemweka, ndipo—ndipo wakwiza ku kachisi uyu, banja la Coats; cheneicho, ise tose tikuwatemwa iwo. Iwo wakwiza kufuma kuvuma, ndipo, panji kufuma ku Chicago, chakufupi. Ndipo Mlongosi Billie Habib, na—na munung'una wake, Armstrong, na wasungwana wose. Iwo . . . Ine nkhwughanaghana kuti iwo pakudankha waka wa Nazarene, ndipo wali kiwiza kwa Fumu, ndipo iwo ndi wabwezi witu waweme chomene.

Ndipo M'bale na Mlongosi Coats, dada na mama wawo, waka pa ulendo kuruta kwawo dazi linyake, kufuma Kuzambwe, ndipo munyake wakaterere pa msewu ndipo—ndipo

wakakoma Mlongosi Coats, penepapo. Ndipo—ndipo para iwo wakati waniyimbira ine kuti nirute, mu—mu Tucson, ndipo ine nkhapulika za ichi, ine nkhaŵa chikhalire kula nyengo yira niri na kapaketi ka maswiti ako iyo wakanipangira waka ine, chikhalire pa—pa thebulo. Ndipo imwe mukumanya yayi umo ine nkhwaskira na ichi. Kweni ine—ine nkughanaghana kuti, nkhuwonga Fumu mlenji uwu, iyo wakenera kuti wasuzgike. Iyo wakafikanga pa kuchekura, ndipo iyo nthawakayenera kuti wasuzgike. Ndipo iyo wakaruta Kukaya kukakhala na Chiuta.

⁸ Ine naghanaghananga waka, ndipo nayowoyanga ku wasungwana ŵake ŵawiri, sono nthena, mu chipinda mwenemula. M'bale Coats wali muno mlenji uwu; iyo wali na mbambo zinyake zakuphyoka. Ndipo ine nangumuyimbira iyo mu chipatala na chipatala uko iyo wakagonekeka, kula mu Missouri, ndipo mbambo zake zakaphyoka na vinthu, kweni mwakufikapo iyo wakawa na chikanga cheneko, Mukhristu mweneko; kumanyanga kuti fumukazi yake yichoko yindafwe, iyo ngwamoyo muyirayira, wali na Khristu, ndipo kuzamkuwako nyengo yakulumikizana.

⁹ Job wakayowoya, nyengo yimoza, “O, kuti Imwe mundibisenge ine mu dindi, na kundisunga ine mu malo ghakubisika, kufikira kuti ukali Winu ujumphe.”

¹⁰ Kasi imwe mukamuwonapo Chiuta, mu chilengedwe, wakuchita chinthu chenechira? Ngati umoyo uwo uli mu makuni muchanya umu, ukukhala mu mahamba; ndipo pambere nyengo yakuzizima yindafike, ukali uwo ukuthika pa charu chapasi... Wonani, pa nyengo yimoza charu chapasi chikaŵavaye na nyengo yakuzizima. Ndipo mu Mileniyamu muzamkuwavye nyengo zakuzizima, imwe wonani. Ntheura uwu ndi ukali pa charu chapasi. Ntheura para chira chikati chachitika... Wonani, pambere ukali undafike, Chiuta mu lusungu Lwake wakutuma umoyo ula pasi nkhanira mu... kusi kwa dongo, mu misisi ya khuni lira, ndipo yikuwusunga uwu kula kufikira kuti ukali wa mphepo yakuzizima yinjumphe, pamanyuma yikuwuskiraso uwu muchanya kamosaso, wonani, mu nyengo yakuphuka.

“O, kuti Imwe mundibisenge ine mu dindi, na kundisunga ine mu malo ghakubisika, kufikira kuti ukali Winu ujumphe.” Icho ndicho Iyo wamuchitira mlongosi withu. Icho ndicho Iyo wakumuchitira Mukhristu yose.

¹¹ M'bale Coats, Chiuta wakutumbike iwe. Ine ndine wakukondwa chomene kumanya icho, kuti Chididimizgo cha Chiuta chikukhozga mu ora la suzgo. Ine nkhumanya icho iyo wakwendamo, chifukwa ine nkhajumphamo mu chinyake chakuyana, virimika vyajumpha. Kweni ine ndine... Yumoza na yumoza ise tikwenera kuti tiyambuke mronga ukuru uwu; ndipo, ine, ndipo yizamkuwa nyengo yane, limoza la mazuwa agha; ndipo nyengo yinu, limoza la mazuwa agha. Kweni umo

David wakayowoyera, “Ine ndiwopenge uheni yayi; pakuti Imwe muli na ine. Nthonga yako na ndodo Yinu vikundipembuzga ine.”

¹² Sono mu chikumbusko cha Mlongosi Coats, mlongosi withu wakutemweka uyo waruta kwa Chiuta. Ine...Ngati chikumbusko chichoko kwa iyo, mlenji uwu, ine nkukhumba kuti mpingo uyimire pa kanyengo waka.

Tiyeni tisindamiske mitu yithu ndipo tighanaghane za yumoza uyo nyengo yimoza, mazuwa ghachoko ghajumphu, wakayenda mu—mu kachisi uyu, mkati na kuwaro pakati pithu, wakakorako mawoko ghithu, Mukhristu wachitemwa, sono wali mu malo agho Chiuta wakanizomerezga ine kughawona igho nthu kale chomene, mwanakazi mwanichi kamoza, kulindizganaga banja lake ilo likizanga.

¹³ Wadada wathu Wakuchanya, ise tikumuwongani Imwe chifukwa cha vikumbutima vya Mlongosi Coats. Muweme uli, mlongosi wakutemweka! Ndipo sono nyengo yikwiza kuti para ise tikukhala kumaliza ulendo withu mu umoyo, uwo uli kugawikirika kwa ise, ise tikwenera kuti tiyambuke mronga. Ise tikumuwongani Imwe chifukwa chakuti iyo wakayenera kuti wasuzgike. Pakwenera kuti paliye chinyake chakususkika kwa iyo pano, icho iyo wakayenera kuti nthena wakasuzgikira. Iyo wanguruta waka mwakurunjika mu mawoko gha Chiuta, mu kanyengo waka.

¹⁴ Mfumu wake, wana wake, wali pano mlenji uwu, Fumu, nkhanira wawerera ku malo ghawo gha ntchito. Umo ise tikumuwongerani Imwe chifukwa cha chipulikano chikuru chira! “Chipulikano cha wadada wathu chichali chamoyo, m'malo mwa ndende, moto, na lupanga.” Ise tikumuwongani Imwe chifukwa cha vinthu vyose ivi.

¹⁵ Pumuzgani uzima wake wakuzirwa, Fumu. Iyo waka wamlongosi withu. Chitima, masozi ghakukhira mu mtima withu, chifukwa cha kuruta kwake, kweni chimwemwe chikuphuka kufuma ku masozi ghakuthika, chikutipangiska ise kumanya na chisimikizgo cha Mazgu Ghinu kuti iyo wakukhalirira mu umoyo wambura chivundi uwo ufwege yayi. Ndipo kwamkuwa ngozi yayi kumalo uko iyo wali sono, kweni wakulindizga iwo weneawo wizenge pamanyuma kuzaka wa na iyo.

¹⁶ Tumbikani M'bale Coats, ndipo tumbikani wasungwana wara na banja lake, Fumu, na wakutemweka wara, na wose awo wakumutemwa iyo. Ndipo dazi linyake, Wadada, ise tikugomezga kuti tamkukumana nayo kumtunda kula mu chikuru chira Kusirya, uko kulije urwari, chitima, panji nyifwa. Kufikira nyengo yira, tisungeni ise tose wathanzi na wamusuma, kumutumikiraninge Imwe, na kulindizganga dazi lira. Mu Zina la Yesu Khristu ise tikuromba ichi. Amen.

17 Nkhuromba Mzimu Mutuŵa mukuru uwo ukuchita na ise pano pa kachisi, mu kuvumburanga Mazgu Ghake, nkhuromba Iyo wapumuzge uzima wake wachikanga mu mtende mpaka ise tikakumane nayo.

18 Sono ndi mwakuthukira muno mlenji uwu, chifukwa ndi mathupi, imwe mukumanya, chomenechomene pakuŵa chithukivu cha thupi la munthu.

19 Sono, ise tikukhumba kuti tipange chimanyisko sono. Nyengo zinyake visopo vithu muno, pakuŵa vitali, vya—vya mlenji, chifukwa icho ichi chiri nthaura... Chiri makora viŵi yayi kuŵa na chisopo chitali chantheura, chifukwa, ora, ora na hafu, panji nyengo zinyake maora ghaŵiri. Kweni icho ine nkhuwuchita, ine nkhuwambura kumanyuma uku, wonani, ndipo tepi iyi yikuruta charu chose zingirizge. Ndipo icho ndicho ine... ise tikuwungana, nyengo yitali, ya mlenji, ndi—ndi chifukwa chakuti ine nkhwiza kuno kuti ndipange matepi agha. Icho ntcha... Ine... iwo ndi... Wonani, imwe mungamanya kuwona mu chipinda mula, a—matepi agho gha—ghakupangika. Sono... Ndipo igho ghakuruta kulikose charu chose.

20 Sono, mwasonosono, para Fumu yazomerezga, yikwiza iyi, para ine nanyamuka waka kufuma kuno... Ine ninyamukenge, para Fumu yazomerezga, machero mlenji, nyengo yinyake, kuwerera ku Arizona, chifukwa ine ndiri na ungano uwo ukwiza. Ndipo pamanyuma ichi ndi ulendo waka wose kujumpha Kumwera. Ndipo mwaŵanthu imwe ŵa kumwera mwafumira kusika ku Georgia, na Mississippi, na Texas, na Alabama, ise tifikenge nkhanira kwenekula, ulendo wose kufika mu Florida, nkhanira mwasonosono.

21 Tirutenge kufuma kuno kuruta ku Phoenix, pamanyuma ku California, na kuwerera nkhanira ku Dallas, ndipo—ndipo panyake kuyima mu San Antonio, ine nkhuwomezga ndiko uku, na kuwerera mu Alabama, na Florida, na kujumpha kwenekula. Ntheura ise tiŵenge kuti tikumuwonani imwe kusika kula, para Fumu yazomerezga, nkhanira mwasonosono.

22 Ndipo ntheura imwe murutirire kutiromberanga ise, ndipo ise tikumanyiskenge imwe kasi mphauli, usange ise... Fumu yaŵika pa mtima withu sono kuti tikhale—mazuŵa ghachoko kuno, chihanya chikwiza ichi.

23 Ine nkhanozga mndandanda wa maungano. Ndipo ŵanandi ŵa imwe mu New York mukumanya para mboniwoni yikati yafika, iyo yikayowoya kuti maungano ghara mu charu cha Scandinavia... Imwe mukukumbukira ghakunozgeka ghara kula? Ndipo nthaura, para ine nkhaŵa mu New York, mboniwoni yikiza, kuti uliwose wa maungano ghara utondekenge, pa chifukwa chinyake. Ndipo ine nkhuwumbukira kuti ine nkhamuphaliranipo ŵanyake ŵa imwe kuno, para ise tikaŵa mu New York. Icho ndendende ndicho chikachitika, chifukwa

iwo wose wakakhumbanga dazi limoza ndipo wakatondeka kuyitora nyumba yira.

Ntheura, pamilyama, icho panyake chingatilekera mwaŵi uchoko mu Juni. Ili panyake likaŵa khumbo la Fumu, ine nkhanghanaghananga, panyake kuti nizakizeso chifukwa cha Mbata zira nkhanira kuno, pambere nyengo yindamare chomene. Mukuwona? Ntheura ise tikumanya kuti chirichose chikuchitira waka makora. Ntheura icho chikaŵa pa mtima wane, ntheura ichi panyake ndicho Iyo wakukhumba kuti ise tichite.

²⁴ Sono ine nkhuwona imwe mukusinthana mipando na munyake, na—na ŵakuwaro mu maholo, na kunyake ntheura. Ise takhumbanga kuti nthena tanguŵa waka na malo ghakuti mukhale pasi.

Ndipo sono para ise tiri na Mbata zira, ndiko kuti... ise tikukhumba kuti titore sitediyamu ya sukulu yapachanya. Ine nkhuomezga kuti kuti umu mukunjira fifite-fayivi handiredi, ndipo ntheura ise tiŵenge na mwaŵi, nawoso, waliyose kuti wangaŵa na mpando, ndipo wangakhala pasi na kutegherezga mwakachetechete apo ise—apo ise tikupharazga.

²⁵ Panji, uwu, Mbata, igho, ngaweme chomene. Ine nkhalawiskanga pa uwu dazi linyake. Wonani, pa Chididimizgo cha nambala Sikisi, Mbata zose Seveni zikulira nkhanira mula mu Chididimizgo cha nambala Sikisi, wonani, pambere Chididimizgo cha Seveni chindavumbure Kwiza kwa Khristu.

²⁶ Ndipo, usiku uwu, ine ndiri na Uthenga wakuzirwa chomene uwo ine nkukhumba kuti ndipharazge pambere—a—chisopo cha machirisko chindayambe. Ndipo usange imwe muli kuno, ndipo imwe mukhalirirenge, enya, ise tiyezgenge, usange ntchamachitiko kuti tizakayambeko mwakuchererako pachoko, chifukwa kuŵenge mzere wa pemphero. Ine nthā nipharazgenge nyengo yitali chomene, kweni chiripo chinyake icho ine nakhala nkukhumba kuti niyowoye ku mpingo, pa nyengo yitali, ndipo kuŵa ngati kumumanyiskani imwe pa—a—a—a... umu vinthu vikwendera pa nyengo iyi, na apo ise tayimirira, ndipo kumanya kwane kuweme kwizira mu Malemba.

²⁷ Sono, ine nkukhumba kuti imwe mujure mlenji uwu pamoza na ine, usange imwe mukukhumba kuti mulembe panji kusunga vyakulemba uko ise tikuŵazga kufumira mu, Buku la Yesaya. Ndipo ine nkukhumba kuti ndiŵazge kufuma mu Yesaya, chipatulo 42 cha Yesaya.

²⁸ Ise ndise ŵakukondwa chomene mlenji uwu, kweniso, kuŵa na M'bale Dauch wali na ise muno. Apo imwe mukujura... Imwe mukumanya, iwo wakaghanaghana kuti iyo wakhalenge wamoyo yayi, kuno mu Shreveport dazi linyake. Ndipo iyo mwakufikapo wali na chipulikanō. Enya, bwana, iyo wakukwera waka kufuma mu ichi; Fumu yikurutilira kumutumbika iyo, enya. Wonani, M'bale Dauch wali na virimika nayinte-wanu

vyakubabika, ndipo wakaŵa na kubanika kukuru kwa mtima; na suzgo la mtima, pachanya pa ichi. Ndipo dokotala mweneyura uyo wakayowoya kuti iwo ŵakawona chirichose yayi kuti pakaŵa nthowa yiriyose kuti iyo wangakhala wamoyo. M'bale Dauch ngwamoyo, ndipo dokotala wali kufwa. Mukuwona? Chifukwa, iyo. . . Wonani, M'bale Dauch wakhala uku.

²⁹ Ndipo nthaura, a—mwanarumi wa virimika nayinte-wanu vyakubabika, wali na kubanika mtima na suzgo la mtima. Ndipo kula, para ine nkharutanga kumtunda kula, ine nkhamuwona iyo wakwiza wakukhira na msewu; ine nkhamuwona iyo mu tchalitchi. Ndipo ine nkharuta ndipo nkhamuphalira iyo, wali pasi pa machini ghakupereka oxygen, “Mu Zina la Fumu, ine nkukorako chasa chako mu. . . Ine nizamkukuwona iwe mu tchalitchi kamozaso, na kukorako woko lako pa msewu.”

Chisopo chakurondezgako, iyo wakaŵa apo, wakakhala nkhanira kumanyuma uku mu tchalitchi. Ndipo ine nkharuta ku Louisville, uko ise tikurya pa Blue Boar kudera kula, kuti tikarye, ndipo para ine nkhati nakhira waka galimoto yane, nkhayamba kukwera na msewu, apa wakwiza M'bale Dauch wakwenda wakukhira na msewu. Yira yikaŵa apo, nkhanira ndendende. Ndipo umo Fumu yiri kumutumbikira iyo!

³⁰ Sono ise tiyowoyenge pa machirisko, usiku uwu, na vinthu, ndipo niri na vinthu vinyake vyapachanya chomene kuti nimuphalireni imwe usiku uwu.

³¹ Kweni sono, mwakuti ine ningamanya kutora matepi sono, nthaura nozgekani kughajura igho, ine nkukhumba kuti niyambe kuŵazga kufumira mu Yesaya chipatulo 42, ndipo vesi 1 kufika 7. Ndipo Mateyu chipatulo 4, kuyambira, ine nkugomezga, 15 na vesi 16.

³² Sono, mu—mu chipatulo 42 cha—cha Yesaya, ise tiŵazgenge.

Wonani muteŵeti wane, uyo ine nkhumufighilira; wakusoreka wane, mwa mweneuyo uzima wane ukukondwera; Ine ndaŵika mzimu wane pa iyo: iyo wati waperekenge weruzgi ku Ŵamitundu.

Iyo walirenge yayi, panji kuchemereza, panji kupangiska mazgu ghake kuti ghapulikiwe mu msewu.

Ndipo thete lakuphwanyika iyo wati waphyorenge yayi, ndipo chisunda chakugolera iyo wati wazimwenge yayi: iyo wati wizenge na weruzgi wakunyoroka.

Iyo wati watondekenge yayi nesi kugongowa, kufikira kuti iyo wali. . . waŵika weruzgi pa charu chapasi: ndipo vilwa vilindizgenge marango ghake.

Nthaura wakuti. . . YEHOVA, iyo mweneuyo wakalenga machanya, ndipo wakaghatandaula agha; iyo mweneuyo wakalenga charu chapasi, na ivyo vikumera pa ichi; iyo mweneuyo wakupereka mvuchi ku ŵanthu

wakukhala pa ichi, na mzimu kwa iwo weneawo wakwenda mwenemula:

Ine YEHOVA nakuchema iwe mu urunji, ndipo ine nikorengoko woko lako, ndipo nikusungenge iwe, ndipo nakupanga iwe kuwa phangano ku wanthu, kuwa kuwara ku Wamitundu;

Kuti ujure maso ghakuburumutizgika, kuti ufumiske wakayidi kufuma mu gadi, na iwo weneawo wakukhala mu mdima wafumemo mu nyumba ya wakayidi.

³³ Sono mu Ivangeli la Mateyu, chipatulo 4, ine nkukhumba kuti niwazge kukwaniriskika kwa uchimi ula ukaperekeka na Yesaya. Mu chipatulo 4 cha Mateyu, ine—ine niyambenge kuwazga. Usange kungachitika, tiyeni tiyambire na vesi 12 m'malo mwa 15.

Sono para Yesu wakati wapulika kuti Yohane wakaponyeka mu gadi, iyo wakaruta ku Galileya;

...kufumako ku Nazarete, iyo wakiza ndipo wakakhala mu Kapernahum, uyo wali mu mphepepe mwa nyanja, mu mphaka za Zebuloni na Nafutali:

Mwakuti ichi chingamanya kukwaniriskika cheneicho chikayowoyeka na Yesaya muprofeti, kuti,

Wonani, charu cha Zabuloni, na charu cha Nafutali, mumphepete mwa nthowa yakuya ku nyanja, kujumphha Jordan, Galileya wa Wamitundu;

Wanthu . . . wakakhala mu mdima wakawona kuwara kukuru; ndipo kwa iwo weneawo wakakhala mu vigaŵa vya mizgezge ya nyifwa kuwara kwawoneka.

Ndipo kufumira nyengo yira Yesu wakayamba kupharazga, na kuti, Rapani: pakuti ufumu wa kuchanya uli pafupi.

³⁴ Nkhuromba Fumu yisazgireko vitumbiko Vyake ku kuwazgika kwa Mazgu Ghake! Ndipo sono, makani ghachoko ghachilendo agho ine nkhapulika munyake wakuyowoya, wakayowoya ichi, kweni ine nkukhumba kuti nditore ichi kuwa mutu: *Muli Mwanarumi Muno Uyo Wangamanya Kubuska Magesi*. Ndipo sono ise tiyowoyenge pa chisambizgo cha kuwara.

³⁵ Ichi chikurondezgana na visambizgo vitatu ivyo ise takhala tikuyowoyapo.

Chimoza cha ivi, ku Tucson, panji ku Phoenix, pa chifukwa icho Yesu wakizira mu nthowa ya ku Betelehemu. Kuti, Iyo wakwenera, chifukwa Iyo ndi Betelehemu. Betelehemu! *B-e-t-h* ndi “nyumba”; *e-l*, “Chiuta”; *e-h-e-m* ndi “chakurya,” chakurya. “Nyumba ya Chakurya cha Chiuta.” Ndipo Mukhristu waliyose uyo wakubabika mwa Khristu ndi wakubabikira mu Betelehemu, nyumba ya Chiuta ya chakurya.

³⁶ Ntheura, mkati mula, chilinganizgo cha David, uyo wakaŵa wakuchimbizgika pa nyengo ya kukanika kufuma pa ŵanthu ŵake. Iyo wakakanika. Ndipo Betelehemu wakapokeka, ndipo ŵa Filisiti ŵakazingirizga Betelehemu. Ndipo David, wakuchimbizgika, chilinganizgo cha mpingo muhanyauno, wa Khristu. Wonani, Khristu ndi Wakuchimbizgika ku mpingo Wake Yekha muhanyauno. Iwo ŵali... *Wakuchimbizgika* ndi “munyake uyo wakanika.” Ndipo David wakaŵa kuti ŵamukana, kweni iyo wakaphakazgika kuŵa fumu; kweni muprofeti wakamuphakazga iyo.

³⁷ Ndipo mu nyengo iyi, pakuŵa—wakuchimbizgika kufuma pa ŵanthu ŵake, iyo wakatora Ŵamitundu ŵanandi ŵachikanga. Yumoza wa iwo wakakoma ŵanthu eyiti handiredi, dazi limoza, na mkondo, panji lupanga. Ndipo yumoza munyake wakadukira mu chibuwu ndipo wakakoma nk Haramu, pa dazi la chiwuvi. Ndipo—ndipo iwo ŵakakoloranga vuna, zeneizo zikaŵa ntchungu panji zgama, panji chinyake, ndipo—ndipo iwo wose ŵakachimbira, ndipo iyo wakayimirira ndipo wakakoma ŵanthu kufikira kuti woko lake likavuka. Iwo ŵakakomaso ŵabale ŵataliŵatali ŵara ŵa Goliati.

Mwanarumi wachikanga, wakakoreska kwa David, chifukwa iwo ŵakamanya iyo watiŵenge wamazaza. Iwo ŵakamanya, palije kanthu kwali munyake wakayowoya vichi. Chiuta wakaŵa na uphakazgi pa David, ndipo iwo ŵakamanya ichi. Iwo ŵakaŵa Ŵamitundu. Palije kanthu kwali iwo ŵakamukana chomene uli iyo, iwo kweni ŵakamanya kuti iyo watiŵenge wamazaza. Ndipo dazi limoza kula...

³⁸ Ndi chilinganizgo uli ichi chiri muhanyauno, cha—cha Khristu, *Wakuchimbizgika!* Imwe mukuti, “Khristu, *Wakuchimbizgika?*” Kwakulingana na Baibolo, kuti ise... Chiuta mwakufikapo watiyendeska ise mu Miwiro Seveni yira ya Mpingo. Mpingo uwu wa Laodikeya, Khristu wakaŵa *Wakuchimbizgika* kuwaro kwa mpingo Wake, wakakana, kuyezganga kuti wanjireso mkati. Mukuwona? Iyo ndi *Wakuchimbizgika*, ku mpingo Wake Yekha. Ndipo chifukwa icho Iyo ndi *Wakuchimbizgika*, ndi chifukwa chakuti Iyo ndi Mazgu, ndipo iwo ŵaghazomerezgenge Mazgu yayi kuti ghanjire. Iwo ŵali kuzomera vigomezgo, m'malo mwake.

³⁹ Ndipo ise tikusanga kuti, pamanyuma, kuti mu kusuzgika kukuru uku, ŵanthu ŵachikanga ŵara ŵakamuzingirizga—ŵakamuzingirira David, Ŵamitundu.

⁴⁰ Usange imwe mukuwona umo Betelehemu wakazengekera. Nkhukhumba yayi kuti niyambe pa chisambizgo icho, kweni umo Betelehemu... *Mwakufikapo*, Rahab, muzaghali, mwana wake mwanarumi wakaŵa mweneuyo wakasanga Betelehemu. Agha ghakaŵa malo gha tirigu munandi, na maji ghanandi ghaweme kula. Ndipo iyo wakausanga msumba uchoko. Ndipo

uwu ukaŵa uchoko chomene pa misumba yose, chifukwa muprofeti wakati, “Kufuma... Betelehem wa Yudeya, kasi ndiwe muchoko yayi pakati pa ŵakalonga wose ŵa misumba ya Yerusalemu... panji Yudeya? Kweni kufumira kwa iwe muti mubabikenge Kazembe uyo wamkulumulira ŵanthu Ŵane.” Kufumira mwa umoza uchoko.

⁴¹ David, para iyo wakati wasoreka kumtunda kula. Ŵakuruŵakuru, ŵabale ŵaweme, para muprofeti Samuel wakati waruta, kuti wakamuphakazge, iwo wose ŵakayimirira kula. Ŵakuruŵakuru, ŵanarumi ŵachikanga, ŵakawoneka ngati kuti ŵangaŵa, ŵakawoneka, mafumu gha mawonekora ghaweme. Kweni mweneyura wakukanika wakaŵa ndiyo, David, uyo wakaŵa na mafuta ghakapungulikira pa iyo. Msumba wakukanika ukaŵa weneuwo Khristu... .

Ndi wakukanika ndiyo Khristu wakutora, wonani, ŵeneawo mbakukanika.

⁴² Ntheura ise tikusanga kuti, para wakati wafika Obed. Ndipo para wakati wafika Boaz. Ndipo kukiza Wamitundu munyake, uyo iyo wakizira mwa Rute. Ndipo kufumira kula kukiza Jesse. Ndipo kufuma mwa Jesse kukiza David. Ndipo kachiŵaya kachoko mumphepete mwa phiri mukababika Fumu ya mafumu, Yesu Khristu, Mwana wa David, Mwana wake wauzimu.

⁴³ Sono ntheura, iyo wakaŵa, David iyomwene pakuŵa kuti wakababikira mu msumba uwu, iyo wakayenera kuti wafike ku malo ghachoko agha. Ndipo agha ghakachemeka Betelehemu, icho chikung’anamura, “a—nyumba ya chakurya cha Chiuta.” Ndipo Iyo ndi Nyumba ya Chakurya cha Chiuta.

⁴⁴ David, chigonere kula pa phiri dazi lira, ndipo iyo wakalaŵiska pasi ndipo wakawona ŵa Filisiti ŵazingirizga ngati ntheura, kukenera kuti kukawotcha ndipo wakaŵa na nyota. Iyo wakati, “O, usange ine ningaŵa waka na maji ghakumwa kufumira mu chisime chira, kamosaso!” Chifukwa, lichoko chomene la maghanoghano ghake likaŵa langulo ku wake, iwo ŵeneawo ŵakamutemwa iyo.

⁴⁵ Ntheura ndimo kuliri muhanyauno, lichoko chomene la maghanoghano gha Yesu, panji umo ghaŵirenge Mazgu Ghake, ghakwenera kuŵa languro kwa ise Ŵamitundu taŵeneise tikumutemwa Iyo. Pakuti ise tikumanya kuti Iyo walamulirenge, kwali Iyo ŵamukanenge chomene uli. Kuchanya na charu chapasi vimarengi, kweni Agha ghamkuwusa ndipera chimozimozi para kuchanya kose na charu chapasi vyamara. Ndipo ise tikumanya kuti Iyo wazamkulumulira, chifukwa kulije chingatondeska ichi kuchitika. *Uyu* ndi Khristu, uvumbuzi wa Iyo, ndipo ichi chizamkuchitika umo Mazgu ghakuyowoyera kuti ndimo chichitikirenge, chifukwa Iyo ndi Mazgu. Ndipo lichoko chomene la malanguro Ghake kula, palije kanthu kwali ndichoko uli, usange ili ndakuti “mubapatizikeso,” panji

chirichose icho chiriko, ise tichitenge ichi, munthowa yiriyose. Uku ndi kulangura Kwake.

⁴⁶ Ndipo lichoko chomene la ghanoghano la David likaŵa languro ku Ŵamitundu ŵara, pakuti, iwo, chilinganizgo cha Mpingo wa Ŵamitundu muhanyauno. Ŵanarumi ŵachikanga! Wonani, ŵanarumi ŵara awo ŵakayima na David ŵakaŵa Ŵamitundu, kweni, ŵanarumi ŵachikanga. Iwo ŵakaŵavye wofi. Iwo ŵakamanya yayi nanga ndi icho wofi ukaŵa.

⁴⁷ Mwanarumi yumoza wakatora lupanga ndipo wakakoma ŵanthu eyiti handiredi, ndipo iwo wose ŵakamuzungirizga iyo. Ndi Mwanarumi uli yura wakaŵa! Yumoza wa iwo, a . . .

Mwanarumi yumoza munyake. Kukaŵa musirikali wa ku Egupto wakarotoka, wali na mkondo utali. Iyo wakaŵa waka na ndodo mu woko lake. Iyo wakatora ndodo ndipo wakatimba mkondo kufuma mu woko lake; wakatora mkondo ndipo wakamukoma iyo, iyomwene. Mukuwona?

⁴⁸ Yumoza wa ŵataliŵatali ŵara wakaŵa na njoŵe za masentimita sate-fayivi, ngati ntheura. Sono, masentimita sate-fayivi, njoŵe yinu njitali waka ngati chikufi chinu, chakujarika; kumasura ichi, ilo liŵenge woko la masentimita sevente. Ndipo na mkondo! Ndipo wakadukira nkhanira kwenekula ndipo wakamukoma iyo. Mukuwona? Chifukwa? Iyo wakaŵa mwanarumi wachikanga, Wamitundu kulaŵiskanga pa wakuphakazgika uyo iyo wakamanya kuti wazamkulamulira.

⁴⁹ Kasi imwe mwanguwona, iwo pakuŵa ŵachikanga ntheura kwa David, para David paumaliro wakati wayamba kulamulira, iyo wakaŵapanga iwo ŵalamuliri ŵa misumba? Kasi Yesu wakalayizga chinthu chenechira yayi? Chinthu chenechira, kuŵapanga iwo ŵalamuliri.

⁵⁰ Ntheura, mkati mula, para kukhumba kwa David kukaŵa kwakuti wamwe maji ghafureshi. Iyo panyake wakaŵa nagho ghanyake ghakale, maji ghakufunda ghakunangika muchanya mula, iyo wakamwanga. Kweni mbwenu kukachitika kuti iyo wakaghanaghana za maji ghafureshi kusika kula ku Betelehemu, nyumba ya chakurya cha Chiuta. Ndipo iyo wakati, “Usange ine ningamwa maji kufuma mu chisime chira!” Ndipo ŵanarumi ŵara ŵakasolora lupanga lawo ndipo ŵakarwa makilomita twente-foru kujumpha mu Wafilisiti, nthā chifukwa chakuti iyo wakaŵapempha iwo, kweni chifukwa iwo ŵakamanya kuti iyo wakaghakhumbanga agha. Ndipo iwo ŵakaŵakhapa Wafilisiti ŵara, ulendo wose kukafika ku chisime. Apo ŵaŵiri ŵa iwo ŵakarwanga, yumoza munyake wakanyamura—chithini chake cha maji; ndipo ŵakarwa ulendo wawo wakuwerera, ulendo wose kuwerera, ndipo ŵakapereka agha kwa David. Kuyowoya za chikanga!

⁵¹ David, mwanarumi wauchiuta yura, wakati, “Chiuta mungazomerezganga yayi kuti ine nimwe agha kufuma ku

ŵabwezi aŵa awo ŵakaŵika umoyo wawo pa chofyo.” Ndipo iyo wakapanga sembe ya maji ghakumwa; wakathira agha pasi, kwa Yehova. “Wakapereka agha kwa Yehova. Iyo ndi Yumoza wakwenerera wa agho, ine yayi.” Iwo ŵakaŵika . . .

⁵² Chilinganizgo cheneko cha Khristu Iyomwene, na Umoyo Wake Yekha Wamuyirayira mwa Iyo; Jarawe lakutimbika, wakathira Umoyo Wake pasi, ngati sembe ya kwananga ya ise, mwakuti Mazgu agha ghangamanya kuŵa ghamoyo.

⁵³ O, Ŵamitundu, umo ine nayowoyera, ndinjani wasolorenge lupanga lira pamoza na ine? Iyo wakukhumba maji ghafureshi, mlenji uwu, ntha vigomezgo vyakwanangika vyakale vigomezgo vya mpingo na vinthu ivyo ise tikuseŵera navyo. Iyo wakukhumba chipulikano cheneko mu Mazgu Ghake, uyo wagomezgenge Lizgu lililose la Ichi. Tiyeni tirute ku chisime ndipo tikize na maji ghakumwa, ghafureshi; kusopa uko ntha kuli kukhazikika pa vigomezgo na bungwe. Kweni kusopa kweneko kwa Mzimu, na Khristu pakati pithu, kukhalanga Umoyo Wake umo Iyo wakukhumbira, pakati pithu, uwo—uwo ntha uli na vigomezgo na vinthu vyakupambanapambana. Tiyeni waka—tiŵe waka na Iyo mukachitiro ako.

⁵⁴ Sono, chakurondezgako chikaŵa umo Chiuta wakachitira na ŵanthu kwizira mu loto, mu mazuŵa gha—gha Joseph. Kasi imwe mwanguwona? Loto ndi nthowa yachiŵiri. Ndi nthowa yachiŵiri ya kuchita kwa Chiuta. Ŵanthu ŵanyake ŵangamanya kuŵa na maloto, ntha chikung’anamura kalikose. Imwe mungamanya kurya chomene na kuŵa na maloto ghaheni usiku. Ndipo loto ndi nthowa yichoko. Mukuwona? Kweni ntchifukwa uli Chiuta wakamuvikilira Mwana Wake Yekha kwizira mu nthowa yichoko? Iyo wakawoneka kwa Joseph. Chivikiliro cha Mwana Wake Yekha, Iyo wakatuma munthowa yachiŵiri. Kasi imwe mukaghanaghanapo za ichi? Chifukwa, mukaŵavye muprofeti mu charu. Iyo wakenera kugwira ntchito kwizira mu maloto. Ndipo ntha likaŵa loto ilo likayenera kuti litanthauzike. Mungelo wa Yehova wakati, “Yosefe, kuwopa yayi kumutora Mariya muwoli wako, pakuti icho chiri mwa iyo ntcha Mzimu Mutuŵa.”

⁵⁵ Chikaŵa chinthu chachilendo kuti chira chichitike. Yosefe pakuŵa mwanarumi murunji, iyo . . . Chikaŵa chachilendo. Chiuta ndi wambura kupulikiskika. Ndipo chambura kupulikiskika ntchinonono kuchipulikiska. Ndicho chifukwa ntchinonono chomene kupulikiska Uenesko muhanyauno; Ntchachilendo chomene. Mwanakazi kuŵa na mwana kwambura kumanya mwanarumi, chira chikaŵa chachilendo chomene.

Kweni usange iwe ndiwe wakugomezgeka na muneneska, Chiuta wangamanya kuwonekera kwa iwe kweni mu loto. Ichi chikuwoneska kuti chirichose imwe muli nacho, kwali

ndi malingaliro ghinu, kwali imwe mungalizga likhweru, mungayimba, mungachitira ukaboni, panji chirichose imwe mungachita, usange thupi linu lose mwalipereka kwa Chiuta, Chiuta wangamanya kuligwiriska ntchito ili usange imwe mumuzomerezenge waka Iyo wachite ichi.

⁵⁶ Ntheura, usiku wakurondezgako kunena uku, M'bale Neville wakapharazga pa chisambizgo cha “kufyolowoka,” umo—munthu wakafyolowokera. Ndipo ine nkhanghanaghana kuti ichi chikaŵa chiweme.

Ndipo mlenji uwu Mzimu Mutuŵa wakuwoneka ngati kuti wangunituma ine kuti niyowoye pa chisambizgo cha kuŵara, chakurondezgako cheneko. Kuruta nkhanira, mu mtendeko, umo umoyo wa Khristu ukayambira mu chakuryeramo viŵeto, ise tikwenda kuwerera kujumpha mu ichi kamozaso mu makani ghithu ghakurondezgako. Ndipo iyo wakamanya yayi ichi; ine nkhamanya yayi ichi; ndipo ichi chiri apa nkhanira pa chinthu chenechira. Wonani, nkhanira pa, chinthu chakurondezgako ndi kwenekuko Iyo wakunjira mu utumiki Wake. Ndipo usiku uwu ise tiri na chinyake icho chimangiliranenge nkhanira na icho, kuti tirute munthazi, usiku uwu, para Fumu yazomerezga.

⁵⁷ Sono, Kuŵara kukuru! “Ŵamitundu awo ŵakakhala mu vigaŵa vya mizgezge ya nyifwa, Kuŵara kukuru kukawoneka pakati pawo. Mu Zebuloni, na Nefutali, mu...kwizira munthowa ya Galileya ya Ŵamitundu, Kuŵara kukuru, iwo ŵakawona Kuŵara kukuru.”

⁵⁸ Sono kuŵara, nyengo yakudankha para kuŵara, ise tikuchisanga ichi mu Baibolo, chikusangika mu Genesis 1:3. Ghakaŵa, Mazgu ghakuyowoyeka gha Chiuta ghakalenga kuŵara. Chiuta wakati, “Kuŵeko kuŵara,” Genesis 1:3, ndipo kukaŵako kuŵara.

⁵⁹ Sono kumbukirani, ntheura, kuŵara kukwiza mwa Mazgu ghakuyowoyeka gha Chiuta. Ndipo kuŵara ndiko kukhozgera, panji chisambizgo icho Iyo wayowoya, ndi kuŵara, para kuŵara kukwenda, kukuwoneska kuti (Chiuta wakati, “Kuŵeko kuŵara.” Kukaŵavye kuŵara, ndipo Iyo wakati, “Kuŵeko kuŵara,” ndipo kuŵara kukaŵako. Icho ndi chisimikizgo.) kuŵara ndi kukhozgereka kwa Mazgu Ghake ghakuyowoyeka, chinthu chenechira muhanyauno, kukhozgereka kwa Mazgu Ghake ghakuyowoyeka.

⁶⁰ Sono para imwe mukuwona Mazgu Ghake ghakukhozgeka, panji, mukayowoyero kanyake, ghakuvumbukwa, ghakusimikizgika, uko ndi—Kuŵara kwa Mazgu Ghake ghakuyowoyeka. Ndipo, kwambura kuŵara, kulije chingakhala umoyo kwambura kuŵara. Kulije umoyo pa charu chapasi muhanyauno kweni kuti uwu uli kwiza na—kuŵara kwa zuŵa, mu umoyo wa vyakumera, na vinyake ntheura. Ndipo

kulije Umoyo Wamuyirayira kuwaro kwa Mwana wa Chiuta. Mukuwona? Iyo ndi Kuwara.

⁶¹ Sono ise tikusanga kuti, ine nkugomezga, apo ise tikusambira sono, ndipo kuwara uku... “Charu chikaŵa chambura mawonekero.”

⁶² Sono, wanthu wanyake wakususka muhanyauno mu sukulu zithu, na kunyake ntheura, za kuti charu chiri na virimika mamiliyoni ghanandi, ndipo wakuyezga kususka Baibolo na kuti Ili ndakwanangika. Iwo nthu, wakuwazga yayi Baibolo. Mbweni kwamara. Chifukwa, Baibolo nthu likutiphallira ise virimika ivyo charu chiri navyo. Baibolo likati, “Mu mtendeko Chiuta wakalenga kuchanya na charu chapasi.” Mbweni! Para, uli, icho na, ise tikumanya yayi ichi. Sono, icho ndi chakudankha. Ndipo, iyi ni nyengo, apo mphaumaliro wa sentensi yira.

⁶³ “Mu mtendeko Chiuta wakalenga kuchanya na charu chapasi.” Panyake vikaŵa handiredi miliyoni, panji biliyoni, panji chirichose icho chikaŵako. Ndipo umo Iyo wakachitira ichi, icho chiri kwa Iyo kumanya, wonani, nthu kwa ine.

Kweni charu, enya, “Charu chikaŵa chambura mawonekero, na chambura kanthu; ndipo maji ghakaŵa pa—charu chapasi. Ndipo Chiuta,” wakati, “wakendanga pa maji.” Ndipo wakati, “Kuŵeko kuwara.”

⁶⁴ Sono, ine nkugomezga kuti zuŵa, na vinyake ntheura, vikaŵa kuti viriko kale, ine nkugomezga, mwezi. Apo ili likurutilira, Genesis 3, kuti warongosore ichi... Kweni ine nkugomezga kuti, icho chikaŵa apa, kuti charu, ise tikati tichigwiriskenge ntchito ichi, ndipo ipo... Ndipo ichi chafika; pakaŵa nyakhuwinda na chiwuli vikabenerera charu chapasi, kupanga ichi cha mdima. Ndipo Chiuta wakati, “Kuŵeko kuwara,” ndipo mdima ukamara, ndipo kukaŵa mtambo wambura mabingu.

⁶⁵ Ndipo ine nkugomezga kuti iyo ndi nthuwa ya Chiuta yakuchitira vinthu. Iyo... mu Baibolo, vesi lakurondezgaگو likuti, vesi 4 likuti, “Ndipo Iyo wakapatulanya kuwara kufuma ku mdima. Ndipo kuwara Iyo wakakuchema ‘muhanya,’ ndipo mdima Iyo wakauchema ‘usiku.’” Ndipo Mazgu gha Chiuta nyengo zose ghakupatulanya Kuwara kufuma ku mdima. Mukuwona? Ndi Mazgu agho ghakuchita kupatulanya, wonani, Kuwara kufuma ku mdima.

⁶⁶ Chiuta nyengozose wakuchita chinthu chenechira, para Iyo wanozgeka kuti wagwiriske ntchito chirichose. Umo Iyo wakawanozgekera kuti wagwiriske ntchito nyenyezi yakale iyi, panji chirichose icho chikaŵako, charu ichi, Iyo wakayenera kuti wapatulanya kuwara kufuma ku mdima. Para Iyo wanozgeka kuti—kuti wagwiriske ntchito—gulu la wanthu, Iyo wakwenera kuti wapatulanye Kuwara kufuma ku mdima.

Para Iyo wanozgeka kuti wagwiriske ntchito munthu payekha, Iyo wakupatulanya Kuwara kufuma ku mdima. Mukuwona?

⁶⁷ Kuwara kukwiza na Chiuta. Ndipo... Kumbukirani, kuwara kukiza na Mazgu Ghake ghakuyowoyeka. Mazgu gha Chiuta ghakati, “Kuweko kuwara,” penepapo kukaŵavye kuwara, ndipo Iyo wakatuma kuwara kuti kupatulanye mdima kufuma ku kuwara.

⁶⁸ Lizgu ili lakulangura likafumiskapo mtambo mwakuti zuwa lingamanya kuwaramo. Ndipo Mazgu Ghake muhanyauno ndigho ghakufumiskapo madera ghose gha kuwura kugomezga.

⁶⁹ Ine nkhayowoyanga, nanguwa na—nanguwa na, ine nkugomezga, nanguyowoyeskana na wanthu eleveni pambere nindafike ku gome mlenji, mkati muno. Wakukomwa chomene...

⁷⁰ Dazi linyake mubwezi wane muchoko, Jim Poole, mnyamata wake muchoko, iwo wakaghanaghana kuti iyo wakaŵa na suzgo la mtima, wakachimbilira nayo ku chipatala. Likaŵa suzgo la asthma, likamuponya mnyamata wachichepere... Iyo wakatondekanga... Mtima Wake uchoko kudukanga, na kuthutanga, ndipo—ndipo iyo wakaliranga ndipo wakatondeka kusanga mvuchi wake, ndipo mnyamata wachichepere wakawoneka ngati kuti iyo wakafwanga, para iwo wakati wafika nayo kuno. Ndipo ine nkhanozgekeranga kuti nirute ku chipatala; iwo wakiza nayo kuno. Ndipo nkakora woko lake lichoko; ine nkhati, “Icho chachita ichi, chikhoso chakufuma chamupweteka mwana. Ndipo, chikhoso chakufuma, kufunda muthupi kwamupweteka mwana wachichepere. Imwe mulindireni iyo. Mu mazuwa ghakuwengerenga ine nkikhumba kuti ndizakamuwoneso iyo. Iyo wazamkuwa kuti wakuzura na chikhoso chakufuma.” Ndipo apa iyo ngwakuzura na chikhoso chakufuma, imwe wonani. Mukuwona?

⁷¹ Sono, vichi? Chiuta wakupatulanya mdima kufuma ku kuwara, panji kuwara kufuma ku mdima. Ndipo Iyo wakupatulanya nyifwa kufuma ku Umoyo, ndipo Iyo wakuchita ichi kwizira mu Mazgu Ghake. Mazgu Ghake ndicho nyengo zose ghakupanga ichi.

⁷² Sono, kuwara! Enya, sono, mbewu yikaŵa kale pa charu chapasi. Ine nkugomezga kuti Chiuta wakapanda mbewu. Ndipo malinga kuti zuwa likamanyanga kufika ku mbewu yira, iyi yikayamba kumera. Ndipo ndicho chifukwa ichi chikatorera waka mazuwa kuti vinthu ivi vimere, chifukwa mbewu yikaŵa kale mu dongo. Chose ichi iyi yikakhumbikanga kukaŵa kuwara.

⁷³ Ndipo umo ndimo Chiuta wakuchitira muhanyauno. Mbewu Yake yirimo kale umu, Mazgu Ghake. Chinthu chimoza pera Iyi yikukhumbikwa ndi Kuwara pa Iyi. Ndipo Iyo ndi Kuwara kula, pakuti Iyo ndi Mazgu. Mazgu na Kuwara ndi chinthu

chimoza. Umoyo mwenemula ndi Kuwara kwa Mazgu, wonani, ndi Umoyo. Nyongolosi ya umoyo yiri mkati mu njere, ndipo njere. . . umoyo ndiwo ukumera ndipo ukubaba umoyo kufuma mu njere. Umo ndimo kuti Khristu, mu Mazgu, wakupanga Mazgu kuti kuchita icho Igho ghakwenera kuchita. Kuyana waka na umoyo mu njere ya tirigu, panji chirichose icho chiriko; uwu ukupangiska tirigu kuchita icho uyu wakwenera kuchita, chifukwa ndi umoyo uwo uli mwa uyu. Umoyo wose!

⁷⁴ Ntheura, Umoyo uliko kwizira mu Mazgu gha Chiuta ghakuwonekera. Umoyo ukwiza na Mazgu gha Chiuta pera ghakuwonekera. Malinga ili liri waka mu Bhu, ngati ili, ili lingamanya kukayikirika. Kweni para ili lawonekera, ntheura imwe mukuwona chipaso cha icho Ili likayowoya, pakuwa kuti lawonekera, ntheura uko ndi Kuwara pa—pa Mazgu. Mukuwona? Icho ndicho chikwiziska. . . Mazgu ghakayowoya ntheura, ndipo, pamanyuma, para ichi chikukwaniriskika, uwo ndi Umoyo mu Kuwara, Kuwara kukwiziska Umoyo. Kuwara kukwiziska Umoyo.

⁷⁵ Kupanda tirigu kuwaro uku, uyu. . . ndipo kuwika uyu mu chipinda chapasi, kumuwundira yose uyu, ndipo uyu—ichi uyu wapambikenge chirichose yayi, chifukwa uyu wangachitika yayi. Kuliye kuwara kula. Kweni malinga kuwara kwamufika uyu, ntheura uyu wababenge umoyo usange iyi ndi mbewu yakuti yingamera.

Icho ndi chinthu chenechira icho chiriko mu Mazgu. Wonani, Mazgu ndi Chiuta, ndipo para Umoyo wafika pa Agha, ichi chikwiziska Agha. . . Kuwara kukufika pa Agha, ichi chikwiziska Mazgu ku umoyo kamozaso. Muwiro uliwose nyengo zose uli kuwa ntheura. O, umo ise tikuwongera vinthu vikuru ivi, umo kuti Mazgu ghakukhozgeka ghakukhozgeka ndi Kuwara kwa Mazgu ghakuyowoyeka. Mukuwona?

Chiuta wakati, “Kuweko kuwara.”

⁷⁶ Sono, uli usange Iyo wakayowoya waka ichi ndipo kuwara kukawoneka yayi? Ntheura ise tikumanya yayi kwali uwo ndi unenesko panji yayi. Ise tikumanya yayi kwali Iyo ndi muneneska. Ise tikumanya yayi kwali Iyo ndi Chiuta panji yayi, chifukwa Iyo wakayowoya waka kuti, “Kuweko,” ndipo kukaŵako yayi. Mukuwona?

Ntheura pamanyuma para Chiuta wakuyowoya ndipo ise tikuwona ichi chiripo, ntheura uko ndi Kuwara uko kukuwara, Unenesko wa Mazgu. Mukuwona? Kuli Kuwara na Umoyo.

⁷⁷ Umoyo wose wachilengedwe ukwizira mu Mazgu Ghake ghakuyowoyeka. Ndipo zuwa ndi Mazgu Ghake ghakuyowoyeka. Iyo wakayowoya kuti Iyo wakalenga kuwara kukuru kuchanya, kwa muhanya, ndipo kuwara kuchoko kwa usiku. Mukuwona? Ndipo umoyo wose wachilengedwe ukwenera kwizira mwa Mazgu ghakuyowoyeka gha Chiuta. Luwa lingakura yayi

kwambura kuwara kwa Mazgu ghakuyowoyeka gha Chiuta pa ili, pakuti zuwa ndi, z-u-w-a, ndi Mazgu ghakuyowoyeka gha Chiuta, para Iyo wakati, “Kuweko kuwara.” Mukuwona? Ndi umoyo wakuyowoyeka wa Chiuta. Ndipo palije kanthu kwali wanthu wakuyezga chomene uli kuti—kuyowoya *ichi, icho, panji chinyake*, ichi chikukhalirira chimozi. Imwe mukwenera kuwa na zuwa lira, ntheura umoyo, wachilengedwe, ungamanya kwizira mwa Mazgu ghakuyowoyeka gha Chiuta.

⁷⁸ Ndipo Umoyo wauzimu, Umoyo Wamuyirayira, ungamanya kwizira mwa Mazgu ghakuyowoyeka gha Chiuta gha Umoyo. Umoyo wakaŵa M-w-a-n-a nyengo iyi. Mwa Iyo ndi Kuwara, ndipo mwa Iyo mulije mdima; ndipo Iyo ndi Kuwara kwakuyowoyeka na Chiuta. Ndi unesko uwo? Mazgu ghakuyowoyeka gha Chiuta, pakuti, “Mu mtendeko mukaŵa Mazgu, ndipo Mazgu ghakaŵa na Chiuta, ndipo Mazgu wakaŵa Chiuta.” Ndipo Agha ndi Chiuta muyirayira. Mukuwona?

Ndipo chikutolera Kuwara kwa Chiuta kuti kufike pa Mazgu, kuti kupange Agha ghaŵe ghamoyo. *Apa* pali icho Iyo wakayowoya, sono rekani Kuwara kuware! Amen! Rekani Kuwara kuware, ndipo Kuwara kwiziskenge Lizgu lililose ku malo Ghake ghakwenera, mu nyengo Yake. Amen! O! Imwe wonani, para nyengo yafika!

⁷⁹ Nyengo zinyake njere yira yikuwa mu dongo, chigonere, ulendo wose mu—nyengo yakuzizima, ngati mbewu, tirigu wa mu nyengo yakuzizima wapandika mu dongo. Kweni para zuwa lira laŵalirapo makora waka, o, uyu wakwenera kuti wakhale wamoyo. Mukuwona? Ndipo uyu wangakhala wamoyo yayi kwambura zuwa.

Ndipo Chiuta wali kupanga malayizgano ku muwiro uli wose na dazi lililose. Ndipo para Kuwara kwafika, ndipo kukuŵalira pa uyu, uyu wapambikenge ndendende icho Mazgu ghakayowoya, chifukwa Iyo ndi Kuwara na Umoyo.

⁸⁰ Mazgu gha Chiuta ghakwizira mwa Baibolo pera. Baibolo la Chiuta ndi—mawonekero gha kulembeka gha Mwana wa Chiuta, chifukwa Baibolo likayowoya kuti Ili ndi uvumbuzi wa Yesu Khristu. Ndi Chiuta kujivumburanga Iyomwene kwizira mwa Khristu, ndipo Khristu ndi Mazgu. Ndipo chikutorera Kuwara kwa Chiuta kuti kuŵalire pa Mazgu ghara, kuti kukhozgere Ichi, kusimikizgira kuti Chiuta wachali kuyowoya Umoyo, Umoyo Wamuyirayira. Iyo walenga kuwara kwa chilengedwe, kwiziska umoyo. Umoyo ukwizira mu Kuwara pera, Mazgu kuwonekera, panji kuzgoka thupi. Para malayizgano ghose ghazgoka, mu Baibolo, ghawonekera, ndi penepapo Yesu Khristu, Mazgu, wakazgoka thupi pakati pithu. Chiuta nyengo zose wakuteweta kwizira mwa munthu. Munthu ndi muteweti wa Chiuta.

⁸¹ Sono, usange kwafunda chomeniko pachoko mkati muno kwa imwe, imwe mungamanya kukhizgira mawindo musi,

panji chirichose imwe mukukhumba kuchita, chepeskani moto mu mbaula. Panyake wakupwelera pa malo wangamanya kuchepeskako moto pachoko. Ine nkhuwona wānandi wakupulika chithukivu. Ndipo ndi kwakuthukira kuyimirira pano, naposo, ntheura—ntheura kumbukirani icho. Ine ndine wakukondwa kuti ndi kwakuthukira m'malo mwa kuzizima, chifukwa ine—ine nkhutemwa kuthukira. Ine...Kuthukira nyengo zose kukupereka kuwāra, umoyo, chikutorera moto.

⁸² Wonani sono, “wakazgoka thupi.” Para Mazgu ghazgoka thupi, Igho ghakuwonekera. Ngati, kutora Mazgu na kughawika Igho mu malo ghakwenerera na mtundu wakwenerera wa dongo, Igho ghapambikenge. M—mbewu yipambikenge mtundu wake. Ndipo Mazgu, kwizira mu mtundu wakwenerera wa mtima, igho ghajiwoneskerenge ighoghene. Igho ghapambikenge kuwāra. Igho ghawonekenge pa ichi. Viri makora.

⁸³ Kulije chachilengedwe, kulije chakuthupi panji chazimu, chingamanya kukhala chamoyo kwambura Kuwāra kwa Chiuta. Umoyo ntheura ungamanya kwizira mu Kuwāra pera. Kulije chakuthupi panji kulije chazimu chingamanya kukhala umoyo kwambura Kuwāra kwa Chiuta. Ghanaghanani za icho. Viri makora. Kweni para Iyo wakatitumira ise Kuwāra, wonani, ndipo kwakuchita vinthu vyose ivi, ndipo pamanyuma ise tikuwukana Uwu; sono ilo ndi gawo lachitima, ndi para Kuwāra kwakanika para Uku kwatumika kwa ise.

⁸⁴ Sono kasi imwe mungalingalira munthu munyake muhanyauno kuyowoyanga, “Ine nkhuwana waka kuyowoya kuti kuli chinthu ngati zuwa. Ine nkhuwomezga yayi kuti kuli zuwa”? Ndipo iyo wakukanjira mu chipinda chapasi, ndipo—ndipo wakujara miryango yose, ndipo wakukhala mu mdima, ndipo wakati, “Kulije chinthu ngati zuwa. Kulije chinthu ngati kuwāra.” Imwe mbwenu mumanyenge, nkhanira penepapo, pali chinyake chakwanangika m'mutu na munthu yura. Mukuwona? Chiripo chinyake chakwanangika, para iyo wakukanjira mu chipinda chapasi cha mdima ndipo wakukana kuzomera uweme wa kuwāra kwakuperekeka na Chiuta. Chiripo chinyake chakwanangika na iyo. Iyo wakughakhumba yayi marazi ghake ghakufunda. Iyo wakuyikhumba yayi nkhangono yake yakupereka thanzi. Iyo wakukukhumba yayi kuwāra kwake, kuti wayendengemo. Iyo watemwenge kukhala mu mdima. Ichi chikuwoneska, m'mutu, chinyake chanangika, kuthupi, na munthu.

⁸⁵ Ndipo ine nkhuwoyoya ichi na chitemwa chose na ntchindi. Ntheura pali chinyake chakwanangika ku uzimu na munthu uyo wawerenge mu mabungwe ghake gha chigomezgo na kukana kuwona Kuwāra kwa Baibolo penepapo Uku kukuwāra nkhanira panthazi pake. Chiripo chinyake chakwanangika na iyo. Wonani, wakuwerera mu vigomezgo vyake na mawonekero, ndipo wakujara muryango ndipo wakuti, “Kulije chinthu ngati

Icho. Mazuwa gha minthondwe ghali kujumpha. Kulije chinthu ngati machirisko Ghauzimu, kulije chimoza cha vinthu ivi. Chira chikaŵa cha mupostole.” Munthu wazerezeka ku uzimu. Mukuwona? Chiripo chinyake chakwanangika na iyo. Iyo—iyo—iyo wakhizgira pasi makatani ndipo waukana Mzimu Mutuwa uwo ungamanya kwiza pa iyo. Usange iyo wangachita...

“Usange imwe mukukhala mwa Ine, ndipo Mazgu Ghane mwa imwe, pamanyuma, Kuwara kuwaranga pa Mazgu agha, rombani icho imwe mukukhumba.” Mukuwona? Mukuwona?

⁸⁶ Chiripo chinyake chakwanangika, kuti iyo wakumanya kukana vyawanangwa vyakuperekeka na Chiuta ivyo Chiuta wapereka kwa ise kuti tikhalenge umoyo, Mazgu Ghake. “Warunji wakhalirenge umoyo chipulikano.”

“Ndipo munthu nthu wakhalenge wamoyo na chingwa pera, kweni na Lizgu lirilose,” nthu gawo la Mazgu, “Lizgu lirilose ilo likufuma mu mlomo wa Chiuta.” Ndipo para munthu wakanenge waka Icho, chiripo chinyake chakwanangika na munthu yura; chinyake chakwanangika na chakumuchitikirani chake, icho iyo wakuyowoya kuti wakumutemwa Chiuta ndipo pamanyuma wakumukana Chiuta. Chiripo chinyake chanangika na munthu. Ise tikumanya icho, kwambura muzgezge wa nkhaiyiko. Iyo wakuchikana Ichi, wakuruta mu malo agha, ndipo wakuti, “Sono ine mbwenu... Ine nkukhumba kumanya chirichose yayi za Ichi. Rekani kuniphalira ine chirichose za Vinthu ivi. Ine, ine nkugomezga chirichose yayi za Ichi. Imwe, virije ntchito ivyo mukuyowoya!”

⁸⁷ Munthu wakayowoya, nthu kale chomene. Ine nkhamuphaliranipo. Iyo wakati, “Ine nkupwerera yayi usange iwe unганиwoneska fifite wakuchizgika ku kansa, na kuniwoneska madokotala fifite ghakukhozgera za iwo, ine nkugomezga yayi. Ine nkupwerera yayi usange iwe ungawuska wakufwa, nkhanira panthazi pane, ine ningagomezga yayi ichi.” Wonani, chiripo chinyake chakwanangika na munthu yura. Chiripo—chiripo—chiripo. Ndipo—ndipo, kweni, munthu wakaŵa mupharazgi, wonani, wonani, wakwenera kuti wakaŵa mupharazgi.

Kweni chifukwa chakuti waka bungwe nthu likugomezga mu—mu nkhangono za Chiuta, nthu wakugomezga kuti Mazgu, Ighe ghakang’anamura waka icho Ighe ghakayowoya, munthu wakuchimbilira mu chipinda chapasi ichi, chakale chakununkha, chakubinkha, chipinda chaukazuzi cha bungwe, ndipo wakukana kuthukira na marazi ghakupereka Umoyo wa Mzimu Mutuwa, Yesu Khristu, uyo ndi mweneyura mayiro, muhanyauno, na muyirayira. Ntheura chiripo chinyake chakwanangika na munthu yura. Mukuwona?

Iyo watemwenge kukhala mu ghakununkha ghara, ghamdima, na vinyake ntheura, kuruska kukhala mu Kuwara

kwa Chiuta na kwa Baibolo ilo likayowoya, kuti, “Yesu Khristu ndi mweneyura mayiro, muhanyauno, na muyirayira. Milimo iyo Ine nkhuchita imwe muzamuchita namweso. Nanga ndi yikuru kuruska iyi imwe muzamuchita, pakuti Ine nkhuruta ku Wadada Wane.” Chiripo chinyake chakwanangika na munthu yura. Kwambura nkhayiko, napachoko pose, chiripoo chinyake chakwanangika.

⁸⁸ Ndipo kwa munthu iwe ukutegherezga ku ichi, charu chose, kulikose iwe ungamanya kuwa, chiripo chinyake chakwanangika na chakukuchitikirira chako, para iwe ukuyowoya kuti iwe ukumutemwa Chiuta ndipo ukukana Mazgu Ghake. Chiripo chinyake. . .Iwe ukukana chenechira. . . Ndicho chifukwa vinthu ivyo ntha, mpingo uli mu kawiro kake, ndipo vinthu vingachitika yayi umo Chiuta wakalayizgira, ndi chifukwa chakuti imwe ntha nanga mukughapokerera Mazgu panji kwenda mu Kuwara. Baibolo likati, “Tiyeni tiyende mu Kuwara, umo Iyo waliri mu Kuwara, nthaura Ndopa za Yesu Khristu, Mwana wa Chiuta, zikutitozga ise ku kwananga kose.” Kwananga ndi “kuwura kugomezga.”

⁸⁹ Nthaura usange ise tikwenda mu Kuwara kwakupika na Chiuta kwa ora, nthaura Chiuta wakutora Mazgu ghara agho ghaperekeka ku ora ndipo wakukhozgera Ichi.

Ngati ndiumo Iyo wakachitira mu Genesis 1:3, wakati, “Kuweko kuwara,” ndipo kuwara kukawoneka. Mazgu Ghake ghakayowoyeka, ndipo kuwara kukarondezga Ichi, ndipo kukafumiskapo nyakhuwinda. Ndipo mdima ukaruta ku kona yimoza, ndipo kuwara kukaŵara kulwandi linyake.

⁹⁰ Umo ndimo Chiuta wakuchitira muhanyauno. Iyo wakutuma Mazgu Ghake gha ora ili, ndipo Mzimu Mutuwa wakwiza ndipo wakupanga Mazgu ghara kukhala ghamoyo. Ndipo mdima ukuruta ku vigomezgo vyawo na mabungwe, kweni Kuwara kukuwoneka chifukwa ndi Mazgu gha Chiuta ghakukhozgeka kuti Mazgu Ghake ndi unenesko. Sono, palije chakukayikiska za icho, icho chiri waka ndendende m’Malemba. Viri makora.

⁹¹ Sono, ise tikusanga kuti—wanarumi wavinjeru, wanarumi wavinjeru wa Chipangano Chakale, wakarondezga chawanangwa chakuperekeka na Chiuta. Iwo wakarondezga Mazgu gha Chiuta, ku Kuwara, chifukwa ghakaŵa Mazgu agho ghakapereka Umoyo. Sono imwe mukuti, “Kasi iwo wakarondezga uli?” Enya, iwo wakaŵa, mtundu wa, wavinjeru, ise tikupulikiska.

⁹² Ndipo pamanyuma ise tikusanga kuti Balaam, muprofeti, kale mu Maŵazgo 24:17, Balam wakaŵa ngati wavinjeru iyomwene. Iyo wakaŵa muprofeti, mu unenesko, ndipo iyo wakachima umu ndipo wakati Nyenyezi yiwonekenge kufuma mwa Jacob.

Ndipo para wânarumi wâvinjeru aŵa wakati wawona kuti Mazgu gha Chiuta ghakati Nyenyezi yiwonekenge kufuma mwa Jacob, iwo wakachirondezga chimanyikwirowo chichoko chira chakuperekeka na Chiuta kuruta ku chawanangwa cha Kuwâra Kwamuyirayira.

Ntheura ndimo wâchitirenge wânthu wâvinjeru muhanyauno, awo nthâ mbakuburumutizgika na vigomezgo, wârondezzenge ghakuperekeka na Chiuta, Mazgu ghakuyowoyeka mpaka iwo wâuwone uzari wose wa Nkhongono ya Chiuta ukuwonekera mu ora ili. Iwo, iwo wâkuwuwona uwu, ndipo iwo wakumanya kuti ichi chiri umu mu Malemba. Chiuta wakalayizga ichi ku nyengo iyi.

⁹³ Palije kanthu kwali ndi malo ghalinga ghaku wâkusambilirako, kwali ndi vinthu vinyake vinandi uli, wakayowoya munthu wavinjeru, “Chifukwa, imwe mwatimbanizgika m’malinaliro ghinu!” Virimika viwiri iwo wakawâ pa ulendo. Iwo wakajumphâ vyaru vinandi, ndipo iwo wakayowoyanga, “Kasi imwe mukuyankhu?”

⁹⁴ “O, ise tawona Nyenyezi Yake Kuvuma, ndipo ise tafika kuzakamusopa Iyo.”

Ndipo para iwo wakati wâfika mu Yerusalemu, hedikota ya bungwe, iwo wakawavye zgoro. Iwo wakakwera na kukhira misewu, kuchemerezzanga, “Kasi Iyo walinkhu, wababika Fumu ya Wayuda?” Iwo wakamanya chirichose yayi za ichi.

Ntheura, iwo wakang’anamukira ku Mazgu, kuti wâfufuze. Iwo wakarondezga, wakamanya kuti Nyenyezi yira yikaŵarongozgeranga iwo ku Kuwâra Kwamuyirayira. “Tirongozgereni ise ku Kuwâra Kwinu kwakufikapo.” Ndipo Mazgu ndigho ghakumurongozgerani imwe ku Kuwâra, ndipo Kuwâra ndiko kukupangiska Mazgu kukhozgeka. Wonani, iwo wakawâ wânarumi wâvinjeru.

⁹⁵ Ndipo wânarumi wâvinjeru muhanyauno, nthâ wâ-... “Vinjeru vya charu ichi ndi kupusa kwa Chiuta.” Wasayansi wînu wose, na imwe mwaŵanthu mwaŵeneimwe mukugomezga pa masambiro ghanyake ghakuru, panji chinthu chinyake, kumuphaliraningi imwe umo imwe mungapatulira atom; ichi nthâ chingamupani imwe Umoyo. Kulije chinyake chingamanya kumupani imwe Umoyo kweni Mazgu ghakuyowoyeka gha Chiuta. Ndi kwenekuko kwekha pera uko Umoyo ula ungizira, uli kwizira mu Mazgu Ghake ghakuyowoyeka.

⁹⁶ Ndipo icho chiri makora, kumanya umo mungapatulira atom. Ine nakhumbanga nthena wakamanya yayi ichi. Kweni usange iwo... Iwo wakwenera kuti wâchite ichi, chifukwa charu ichi chikukholera muhanyauno... Ichi chikayenera kuti chichitike, kuti wâphuliske makululu ghakuru agha mu dongo, kuti wâpangiske nthukunyira yira kuti yifume na kuparanya charu ichi kamozaso, kuti wapange charu chiphya; uko

ŵarunji ŵazamkwenda pa fuvu la ŵaheni, uko kwananga kuzamkuruwika. Chirichose chiri na nthowa ya kujipanga ichochene kuti chiwereremo. Ndipo munthu, uyo wakapika kuti wakhalenge pa charu chapasi ichi, mwa vinjeru vyake yekha, kutoranga khuni la kumanya m'malo mwa Khuni la Umoyo, iyo waparanyenge charu chapasi icho Chiuta wakamupa iyo kuti wakhalengepo. Kweni iwo ŵeneawo ŵachali pa Khuni la Umoyo, ŵazamkwiza ku machanya ghaphya na charu chapasi chiphya, uko kulije urwari panji nyifwa. Kuŵara! Kuŵara, Fumu, titumireni Kuŵara.

⁹⁷ Ŵakaŵa Ŵangelo ŵa Chiuta awo ŵakawoneska kuŵara pa phiri, kuti ŵarongozge ŵaliska kuruta ku Kuŵara Kwamuyirayira. Wonani, ichi chikwiza na Kuŵara pera. Umoyo ungamanya kwizira mu Kuŵara pera. Ŵaliska, ŵakakhumbanga kuti ŵamanye. Imwe mukumanya, para fumu yababika, iwo ŵakuŵa na kwimba, kuchitanga kuheni kukuru, para fumu yababika. Sono, Iyo wakababika mwa chisisi chomene, ndipo wakababikira mu chiŵaya, mu—chakuryeramo viŵeto uko ng'ombe na ŵakavalo ŵakaryeranga, kweni ndipouli Iyo wakaŵa Fumu. Ndipo—Ŵangelo ŵakiza ndipo ŵakayimba sumu ku ŵaliska, mu Kuŵara.

Ŵangelo, iwoŵene, ŵakaŵa kuŵara uko kukawoneka na Mazgu gha Chiuta. Iwo ŵakaŵa na Mazgu gha Chiuta, ndipo ŵakaŵaphalira iwo, “Muhanyauno, mu msumba wa David, mu Betelehemu, mwakubabika Khristu Muponoski.” Ŵangelo ŵakaŵa na Mazgu, ndipo Mazgu ghakizira mu Kuŵara, kuti ghaŵarongozge. Ndipo iwo ŵakarondezga Mazgu gha Ŵangelo, kuruta ku Kuŵara Kwamuyirayira. Iwo ŵakamusanga Mwana kula, wakavungika mu saru zikhomi, umo Iwo ŵakayowoyera. Pakuti, imwe wonani, Umoyo ukwizira mu Kuŵara pera.

⁹⁸ Wonani, Iyo wakaŵa Mazgu ghakazgoka Kuŵara, panji wakazgoka Kuŵara. Mazgu mu muwiro ula, Iyo wakaŵa Kuŵara kwa Mazgu kwa muwiro ula, chifukwa ŵaprofeti ŵakale ŵakayowoya za Iyo, ndipo apa Iyo wakwiza ndipo wakakhozgera kuti Iyo wakaŵa Kuŵara kwa Mazgu ghakuyowoyeka gha Chiuta. Mukuwona? Vyose ivyo ŵaprofeti—ŵakayowoya, vikakwaniriskika mwa Iyo, wonani, ŵaprofeti kumanyuma uku na Mazgu.

Umo Chiuta wakaŵira ku chiyambi, para Iyo wakati, “Kuŵeko kuŵara,” ndipo kuŵara kukawoneka.

Sono muprofeti wakati, “Mwali wazamkuyima, wazamkubaba Mwana. Iwo ŵazakumuchema Zina Lake Immanuel, pakuti Ili lizamkuŵa Chiuta na ise.” Sono, iwo ŵakayowoya ichi, Mazgu ghakayowoyeka; kweni Iyo wakaŵa Kuŵara. Kasi Iyo wakaŵa njani? Kukwaniriskika. Aleluya! Iyo wakaŵa kukwaniriskika kwa Mazgu ghara. Iyo wakaŵa kuwonekera kwa Mazgu ghara.

⁹⁹ Ntheura ndimo kuliri muhanyauno, Mazgu gha Chiuta ghakwaniriskika pa ora! Uko ndi Kuwara. Ndi Chiuta kujiwoneskanga Iyomwene. Iyo wakaŵa Kuwara kwa charu.

¹⁰⁰ Ndipo para waprofeti, wakakhuwirizgika na Mzimu Mutuŵa, wakati, “Kwa ise Mwana wababika, kwa ise—Mwana wapika, panji Mwana waperekeka; ndipo Zina Lake wati wachemekenge ‘Muphemaniski, Kalonga wa Mtende, Chiuta Mwenenkhongono, Dada Wamuyirayira,’” icho chikaŵako. Kasi Iyo wakaŵa njani? Kuwara uko kukakwaniriska Mazgu ghara, amen, Kuwara uko kukakwaniriska Mazgu ghara.

¹⁰¹ Mu Mateyu, mu Mateyu Mutuŵa chipatulo 28, ise tikusanga. Ndipo para Yesu wakati wawuka ku wakufwa, Iyo wakaŵaso Kuwara kwa Mazgu ghakuyowoyeka gha David, agho ghakati, “Ine ntha nditiwusidenge uzima Wake mu gehena; nesi Ine nditi ndizomerezge Yumoza Mutuŵa Wanekuti wawone chivundi.” Nyifwa yikaŵa mu mdima. Kweni Iyo wakajura vididimizgo vya nyifwa, ndipo wakanjira mu iyi, ndipo wakafumamoso mu iyi. Iyo wakaŵa Kuwara, Mazgu ghakukhozgeka, kuti wakufwa wangamanya kukhala wamoyo pamanyuma pakuti iwo wafwa. Iyo wakaŵa.

¹⁰² Pa Dazi la Pentekosite, kula kukaŵa Kuwara uko kukawoneka para Mzimu Mutuŵa wakati wafika.

Yesaya wakayowoya, mu chipatulo 28 cha Yesaya, Yesaya wakayowoya kuti, na, “Dango likwenera kuŵa pa dango; mzere ukwenera kuŵa pa mzere; apa pachoko, ndipo apo pachoko.” “Koreskani ku icho ntchiweme.” “Pakuti na milomo yachikwikwi na malilime ghanyake Ine ndiyowoyenge ku wanthu aŵa. Ndipo uku ndi kupumura, uwu ndi Mupumulo uwo Ine niperekenge kwa imwe. . .Ndipo vyose ivi iwo wakapulika yayi; wakafumapo, wakapukunya mitu yawo.”

Ndipo para pa Dazi la Pentekosite, para Mzimu Mutuŵa wakati wafika pa wanthu wara, ndipo iwo wakachita ngati wanarumi wakuloŵera na wanakazi, kuzendamiranga pasi pa nkhongono ya Mzimu Mutuŵa. Ndipo iwo wakaruta ndipo wakapukunya mitu yawo, ndipo wakati, “Wanthu aŵa waloŵera, wakhuta vinyo muphya,” na vinyake ntheura. Uku mwakufikapo kukaŵa Kuwara, Mazgu agho ghakachimika, ghakuwonekera.

¹⁰³ Ntheura ndimo kuliri mu muwiro uliwose, Mazgu ghakuwonekera, ghakwiza ku Umoyo, ndi Kuwara kwa muwiro ula, kula Mazgu ghakuwonekera. Ngati ndiumo kukaŵira mu Genesis 1, para Chiuta wakati, “Kuŵeko kuwara,” ndipo kuwara kukaŵako. Para Chiuta wakati kuzamkuŵa Mwana; ndipo Mwana wakaŵako.

¹⁰⁴ Para Chiuta wakayowoya, mu Joel 2:28, “Kuzamuchitika mu mazuŵa ghaumaliro, Ine ndizamkupungulira Mzimu Wane pa wanthu wose; wana winu wanarumi na wana wanakazi

ŵazamuchima; pa ŵateŵeti Ŵane ŵanakazi na ŵantchito ŵanakazi Ine ndizamkupungulira Mzimu Wane; ŵanarumi ŵinu ŵanichi ŵazamuwona mboniwoni; ŵanarumi ŵinu ŵalara ŵazamuwona maloto.” Ndipo vinthu vyose ivi ivyo Iyo wakalayizga, para Ichi, Mzimu Mutuŵa wakafika, wakaŵa Kuŵara pa Mazgu ghara. Para Mazgu ghakati ghawonekera, nthaura Ighe ghakazgoka Kuŵara.

Iyo ndi Kuŵara. Iyo ndi Kuŵara uko ise tikwenera kurondezga. Iyo ndi Kuŵara kwekha pera. Ŵangelo ŵakasanga Kuŵara, ndipo ŵakakurondezga Uku kuyakafika kwa Iyo.

¹⁰⁵ Sono, mu miwiro yose, Chiuta wakakhazikiska vinandi chomene vya Mazgu Ghake ku muwiro uliwose. Chiuta nyengo zose wakatuma munyake uyo Mazgu ghara ghangamanya kunjiramo na kuwoneska Kuŵara kwa Ichi. Kuti, muwiro uliwose, ichi chikuchita chinthu chenechira, nyengo zose chikuchita icho.

¹⁰⁶ Iyo wakaŵa kukwaniriskika, umo ine nanguyowoyera, wa vyose Vyauzimu, nkhongono zituŵa za ŵaprofeti. Iwo ŵakaŵa ŵachiuta ŵachokoŵachoko. Para Mazgu gha Yehova ghakati ghafika kwa munthu, Yesu wakayowoya, Iyomwene, kuti iyo wakaŵa chiuta. Imwe mukumanya icho. Iyo wakati, “Usange dango linu likayowoya, ndipo ŵadada ŵako kale kula, ŵakaŵachema iwo, awo Mazgu gha Chiuta ghakizirako, ŵakaŵachema iwo ‘ŵachiuta,’ kasi imwe mukundisuska uli Ine, mukuti, para Ine nanguti, ‘Ine ndine Mwana wa Chiuta yura?’” Mukuwona?

Penepapo, Chiuta Iyomwene, Uyo wakayowoya Mazgu kwizira mu ŵaprofeti, Iyo wakaŵa kuwonekera kwa Mazgu ghara ghakuyowoyeka. Ndipo usange muprofeti wakachemeka chiuta, chifukwa iyo wakaŵa kuwonekera kwa Mazgu gha muprofeti munyake, kasi imwe mungamususka uli Iyo penepapo Iyo wakaŵa chinthu chenechira? Iyo wakaŵa Mwana wa Chiuta, umo Iyo wazamkuchemeka Mwana wa Chiuta.

¹⁰⁷ Iyo wakaŵa Mesiya uyo wakalayizgika kale chomene uyo charu chakhala chikulindizga. Iyo wakaŵa phangano la Umesiya lakuwonekera.

¹⁰⁸ Muwoneni Iyo para Iyo wakayimirira kula. Iyo wakati, “Usange Ine nthā nkhuchita milimo ya Adada Ŵane, ipo mundisuske Ine.” Mukuwona? “Kweni usange imwe mungandigomezga yayi Ine, gomezgani milimo iyo Ine nkhuchita. Iyi yikuphara Icho Ine ndiri. Iyi yikumuphalirani imwe Icho Ine ndiri.”

Imwe wonani, lachiburumutira lira, ora la mdima ilo iwo ŵakukhalamo, iwo ŵakachiwona yayi Ichi. Iwo ŵakapulikiska yayi. “Kasi Iyo wangaŵa uli Icho? Kasi Iyo wangaŵa uli Mwana wa Chiuta, penepapo Iyo wakababikira nkhanira kusika uku mu Betelehemu?” Usange iwo ŵakamanyenge waka,

Mazgu ghakayowoya kuti Ichi chizamuchitika mu nthowa yira. “Chifukwa, dada Wake, Joseph, ndi kalipentara. Mama wake, chifukwa, ichi mwafikapo chikugomezgeka pakati pa wabale withu kuti Iyo wakababikira pathengere.” Mukuwona? Kweni ndipouli Mazgu gha Chiuta ghakayowoya icho.

¹⁰⁹ Iyo wakati, “Sandani Malemba, pakuti mwa Igho imwe mukughanaghana kuti muli na Umoyo Wamuyirayira, ndipo Igho ndi Gheneagho ghakuyowoya Icho Ine ndiri. Igho ndi Gheneagho ghakuyowoya za Ine, Malemba Ghatuwa agha.” Ntheura kasi Iyo waka wa njani? Kuwara kwa Chiuta. Ndicho chifukwa Iyo wakati, “Ine ndine Kuwara kwa charu.”

¹¹⁰ Ntha kuti Iyo wakayowoya waka kuti, “Ine ndine Kuwara,” kweni Iyo wakati, “Imwe ndimwe Kuwara.” Usange Mazgu Ghake ghali mwa imwe, kujichitiranga ukaboni Ighoghene, ntheura imwe ndimwe Kuwara kwa charu. Wonani, ise tikusanga kuti, Kuwara kwa muwiro uli wose kukawoneskera chimozi.

¹¹¹ Ntheura ine nkhukhumba kuti ndifumbe fumbo, umo... pambere nyengo yithu yindamare. Chifukwa, ntchifukwa uli iwo waka wa... iwo wakachikana ichi? Kasi iwo wakachita uli ichi, penepapo... Baibolo lawo lenelira, ilo iwo waka wazganga, likawonekeranga panthazi pawo. Sono wazgani mwankhongono chomene sono.

¹¹² Sono kumbukirani, ine nkhuwoyoya ku wanthu wanandi pa nyengo iyi, imwe wonani. Ntha foru panji fayivi handiredi muno, kweni ine—ine nkhuwoyoya ku masauzandi ghanandi.

¹¹³ Yimiskani miniti pera. Yimiskani chakujambulira tepi chinu ndipo fumbani fumbo ili. Ntchifukwa uli munthu msopisopi, munthu muweme... Ntchifukwa uli Joseph wakafumba? Mukuwona? Ntchifukwa uli Jo-...? Chifukwa chakuti iyo wakapenja yayi Lemba.

Ntchifukwa uli wasembe wakafumba? Chifukwa chimoza iwo ntha... iwo wakamanya ichi. Nikodemo wakayowoya makora ichi. Iyo wakati, “Musambizgi, ise tikumanya Imwe ndimwe musambizgi kufuma kwa Chiuta. Kulije munthu wangachita icho Imwe mukuchita pekhapekha Chiuta wa we na iyo. Ise tikumanya icho.” Kweni kasi chika wa chivichi? Myambo yawo yika watondeska iwo kuchita ichi.

¹¹⁴ Ntheura ntchifukwa uli iwo, wakamukana Mesiya? Ndi chi-... Ntchifukwa uli iwo wakakuna Kuwara kula? Apa pali Mazgu agho iwo wakamanya kuti ghazamkukwaniriskika, kweni para Mazgu ghakati ghawonekera kuwoneska kuti Mazgu gha Chiuta ghakakwaniriskika (Linganizgani icho na muhanyauno. Mukuwona?) penepapo mula, chikalembeka mu Mazgu, kuti icho chizamuchitika, ntheura ntchifukwa uli wanthu wara wakachina ichi? Wasambizgi. Chifukwa iwo wakakhalanga mu kung'azima kwa kuwara kunyake. Ndicho ichi. Iwo wakakhalanga mu kung'azima.

Icho ndicho iwo wakuchita muhanyauno. Iwo wakukhala . . .

Chifukwa icho iwo wakachikana ichi ndi chifukwa chakuti iwo wakukhala mu kung'azima kwa kuwara kunyake. Mukuwona? Sono, iwo wakakhalanga mu kung'azima kwa icho Moses wakayowoya, iwo wakakoreska. Iwo wakakhalanga mu kung'azima kwa vichi? Muwiro unyake uwo ukajumpha.

Ndipo ndi chifukwa chenechira muhanyauno kuti Uthenga uwu, wakuti, “Yesu Khristu wachali chimozimozi,” wakuwukana, chifukwa wanthu wakukhala mu kung'azima kwa miwiro yinyake. Chifukwa chenechira, iwo wawukanenge Uwu. Sono ise tikuwona.

¹¹⁵ Ndipo Webster wakuyowoya, kuti, “Kung'azima ndi mtundu wa kuwara kwautesi. Kung'azima ndi kuwara kwautesi; ndi chirichose icho chikung'azima.”

Ngati-ngati kung'azima kwa maji pa msewu. Imwe mukukhira na msewu, wanandi wa imwe mukwendeska magalimoto, ndipo mukulaŵiska pasi kunthazi kwinu. Para imwe mukuwona zuwa lira pasi, ili likuponya kuwara, ndipo ngati kuwara kwautesi, kuwoneka ngati kuti pali maji palipose pa msewu. Kweni, para imwe mwafika kula, palije chirichose kula. Ndi kwautesi waka, kuwara kwakutesi, kung'azima kwa kuwara kweneko.

Icho ndicho devulu wakuchita muhanyauno, wakuwawoneska wanthu kuwara kwautesi, Mphara ya Mipingo, gulu la mabungwe, ilo lizamuwoneka kuti ndautesi. Chifukwa, ndi chifukwa chakuti kuli Kuwara kweneko kukuwara. Kuwara kweneko kula kukaŵaranga yayi, kuwara kwautesi kungaŵako yayi kula. Kuwara kweneko kukuwara. Ndipo icho ndi . . . Iwo wakukhala mu kung'azima kwa muwiro unyake, chinthu chinyake, pakuti Ichi ntchakubisika, chiri kujumpha.

Sono, kung'azima, kung'azima uku nkhwatesi. Uku ndi kung'azima kwa zuwa.

¹¹⁶ Ndipo ako ndi kachitiro, iwo wakachitira chinthu chenechira, kung'azima kwautesi kwa Kuwara kweneko.

¹¹⁷ Sono, ichi chikasimikizgika kuti Iyo wakaŵa Kuwara kweneko. Iyo wakaŵa Kuwara. Ntchifukwa uli iwo wakamanya kuti Iyo wakaŵa Kuwara? Kasi imwe mumanyenge uli kuti Iyo wakaŵa Kuwara? Chifukwa Mazgu agho ghakalayizgika ghakawonekera mwa Iyo, ntheura Iyo wakaŵa Kuwara kwa Mazgu ghara ghakuyowoyeka. Amen! O, icho pafupifupi chingandipangiska ine, wa Baptist wa chipentekosite, kuchemerezga. Wonani, ghanaghanani za ichi!

¹¹⁸ Kung'azima, wonani, kukhalanga mu kung'azima! Kweni para Mazgu ghaneneska ghakukhala umoyo, uko ndi Kuwara, icho Chiuta wakayowoya.

Sono, uli usange Chiuta wakayowoyenge, mu mtendeko, “Kuŵeko kuŵara,” huh, enya, ndipo pakaŵa chinthu chinyake chikawoneka, wonani, kung’azima waka? Wonani, ichi nthena chikaŵapo yayi, nangauli, icho Chiuta wakayowoya. Yayi, ichi nthena chikaŵapo yayi. Uli usange Chiuta wakati, “Kuŵeko kuŵara,” ndipo mbwenu nyakhuŵinda munandi wakiza? Wonani, uku nthena kukaŵa kuŵara yayi. Kweni, chifukwa icho kuŵara kukawoneka, ghakaŵa Mazgu Ghake ghakuwonekera.

Ndipo muhanyauno, para Chiuta wayowoya kuti vinthu vyantheura vizamkuchitika pa nyengo iyi, ndipo imwe mukuchiwona ichi chikuchita, kasi ntchichi? Ndi Kuŵara pa Mazgu gha Chiuta. Ichi ndi Mazgu ghakuzgoka Kuŵara, kujiwoneskeranga Ighoghene.

119 Sono, iwo ŵakati, “Kasi Iwe ukuti ise ndise njani? Chifukwa,” iyo wakati, “Iwe ukuyezga kuti. . .Ise tikumanya kuti Iwe ndiwe wakufuntha. Chifukwa, Iwe ndiwe muSamariya; Iwe uli makora yayi m’malingaliro Ghako. Enya, Iwe uyezgenge kuti. . .Ndinjani wangatiphalira. . .Ise tikumanya kuti Iwe ukababikira mu kwananga. Ise tikumanya yayi uko Iwe ukufumira. Ise tirije mbiri ya uko ndi Kwako mu magulu githu. Chifukwa, Iwe ndiwe wakufuntha. Iwe uli na chiŵanda.” Mukuwona? Ŵakati, “Chifukwa, Iwe watimbanizgika m’malingaliro Ghako.” Kweni Iyo mwakufikapo wakaŵa wanadinadi, Kuŵara kweneko kwa Chiuta, kuŵaranga.

Ndipo kung’azima kukaburumutizga, maso ghawo. “Ise tiri na Moses ngati murongozgi withu!”

120 Iyo wakati, “Usange imwe mukamugomezgenge Moses, imwe nthena mwangundimanya Ine.”

121 Ndipo usange imwe mungagomezga Yesu na Baibolo, imwe mbwenu mulimanyenge ora ili leneilo imwe mukukhalamo. Iwo ŵakuti, “Enya, ise ndise Ŵakristu. Ise. . .” Usange imwe mukaŵenge, imwe mbwenu muyimanyenge milimo ya Khristu ku nyengo iyi. Wonani, imwe mbwenu muchimanyenge ichi.

122 Yesu wakati, “Ŵaprofeti wose ŵara ŵakayowoya za Ine. Ndipo usange imwe mukugomezga ŵaprofeti ŵara, chifukwa, imwe nthena mwandimanya Ine. Milimo yane yikunivumbura. Chifukwa, icho iwo ŵakayowoya kuti Ine ndizamuchita, Ine nkuchita ichi. Ndipo ndinjani wangandisuska Ine sono za kuwura kugomezga?”

123 Ndipo kweni iwo nthā ŵakachiwona ichi. Chifukwa? Maso ghawo ghakajarika, na kung’azima; wonani, kung’azima kwa chinthu chinyakeso kuti iwo ŵakatora icho Mazgu ghaneneska ghakayowoya ghakaŵa. Sono ghanaghanani za ichi. Ghanaghanani za ichi. Iwo ŵakayowoya kuti iwo ŵakagomezga Mazgu ghara. Kweni myambo yawo yikang’anamura visko

vyawo ku kureka kuwona Mazgu ghaneneska, kung'azima, ipo iwo wakatondeka kuchiwona chinthu cheneko.

Ntheura ndimo kuliri muhanyauno. Ntheura ndimo chiri kuwirako mu muwiro uliwose. Wonani, m—Mazgu ghaneneska ghauwara, kweni iwo wali kukhazikika mu bungwe, mwakuti, iwo wangaghawona yayi Mazgu ghara. Iwo wakulaŵiska pa kung'azima, ndipo iwo mbachiburumutira. Kung'azima kukuburumutizgenge iwe. Kuli chakutchinga kuwaro kwa ichi. Ichi chimuburumutizgeninge imwe. Ndipo, ichi, para . . .

¹²⁴ Yesu wakati, “Imwe wachibulumutira, kurongozganga wachiburumutira.” Iwo nthena wakaŵa nako kukwanira kuti wachiwone ichi, kuti wawone Icho Iyo wakaŵa. Kweni iwo wakachita yayi, chifukwa iwo wakakhalanga mu kung'azima kula.

¹²⁵ Sono, kung'azima, umo ine nanguyowoyera, ndi kuwara kwautesi, mawonekero ghautesi, kapulikiskiro kautesi ka Kuwara kweneko. Kapulikiskiro kautesi; ndi chinyake icho—icho chikwenera kuti chiwoneke ngati Ichi, kweni ndicho yayi Icho.

¹²⁶ Sono nthowa yimoza pera iwo wakamanya kuphara mphambano, chifukwa vinthu vyenevira ivyo Yesu vikasimikizgira Icho Iyo wakaŵa, kuti Iyo wakaŵa Kuwara. Iwo wakaghanaghana kuti iwo wakaŵa mu Kuwara. Kweni sono usange imwe mungayima waka miniti pera na kulingalira uyo wali mu Kuwara, ntheura.

¹²⁷ Sono, muhanyauno! Usange kunangiska kwauzereza kwantheura kukapangika na wanthu wa mu mpingo wa nyengo yira, chinthu chauzereza icho chikachitika, wabale, kasi imwe nthu mukughanaghana kuti ndi nyengo yakuti ise tiyime ndipo tilingalire kasi Kuwara ndi vichi? Tiyeni tileke kupanga kunangiska kwauzereza kwantheura. Kweni imwe mukuchita ichi. Imwe mwachita kale ichi, wonani, ndipo mukamanya yayi ichi, chimozimozi umo iwo wakaŵira kale. Sono tilekezge miniti pera ndipo tifufuze icho Mazgu ghakuyowoya gha muhanyauno.

¹²⁸ Usange iwo wakayimenge na kughanaghana, “Apa Iyo wakukwaniriska, ku chilembo, ndendende icho Mazgu ghakayowoya kuti Iyo wazamuchita.”

Ndipo Iyo wakaŵabechera iwo, umo ine nkhumubecherani imwe! Mukuwona? Mukuwona? Ine nkhumubecherani imwe kuti mulaŵiske mu Mazgu, sandani Malemba, muwone usange ili ndi ora yayi. Mukuwona? “Sandani Malemba, pakuti mwa Igho imwe mukughanaghana kuti imwe muli na Umoyo Wamuyirayira, ndipo Igho Gheneagho ghakuyowoya za Ine.” Igho ndi Gheneagho ghakuyowoya za mlimo uwu muhanyauno. Milimo iyoyene yikuphara kuti ichi chikuchitika, ndipo Lemba likuti ichi chizamuchitika, ntheura uku ndi Kuwara kwa nyengo iyi. Mazgu gha Chiuta ghakayowoya ntheura.

129 Myambo yinu na vinthu ndivyo ndendende Baibolo likayowoya, kuyana waka na iwo weneawo wakapukunya mitu yawo ndipo wakafumapo. “Magome ghose ghakuzura na maukuzi,” Baibolo likayowoya. Ndipo kula ndiko iwo wakaŵa. Iwo wakagomezga yayi ichi. Iwo wakapukunya mitu yawo. Ndipo, mabwana, kasi imwe mukumanya? Ndipo, wabale, kasi imwe mukumanya ichi, kuti, para imwe mukukana chinthu chenechira icho Chiuta wakukhozgera panthazi pinu, kuti imwe mukuchita chinthu chenechira iwo wakachita, mukuwerera ku maukuzi ghinu gha mwambo?

130 “Umo ntcheŵe yikurutira ku maukuzi ghake.” Usange iyi chikamuseruska iyo nyengo yakudankha, ichi chimuseruskenge iyo nyengo yachiŵiri. Usange mpingo wa Katolika, pakuŵa bungwe ndipo ukapanga bungwe lakudankha, ukiziska urwari ku mpingo; nthaura uchitenge wa Lutheran, wa Methodist, na yinyake yose ya iyo, wa Baptist, wa Prezibetere, na ŵa Pentekosite. “Ntcheŵe yikuwerera ku maukuzi ghake, ndipo nkhumba yikuwerera ku unyakasi wake.” Mukuwona? Ise tifikengeko ku icho mu maminiti ghachoko, para Fumu yazomerezga.

131 Kung’azima, kwendanga mu kung’azima, wonani, kuŵara kwautesi, kapulikiskiro kautesi ka Kuŵara kwaunenesko. Iyo wakasimikizgira kuti Iyo wakaŵa Kuŵara.

Chifukwa, Iyo, pakuŵa mu . . . nthowa ya wachoko chomene, o, mwe, mamiliyoni kwimikana na Iyo! Ntha pakaŵa nanga ndi yumoza pa wanthu sikisi, yumoza pa wanthu nayinte, pa charu chapasi, wakamanya kuti Iyo wakaŵa pano. Ntha, ine nkhusachizga, yumoza—yumoza pa Wayuda handiredi, panji ntha nanga njumoza pa fifite ŵa iwo, panji yumoza pa fote ŵa iwo, ine ndiyowoyenge, panyake wachoko kujumpha apo, ŵa m’charu Chake Yekha, wakamanya kuti Iyo wakaŵa kula. Ndipo iwo weneawo wakamanya kuti Iyo wakaŵa kula, wakamughanaghanira Iyo kuti wakaŵa chinyake chautesi, chifukwa bungwe likawaphalira iwo kuti icho ndicho Iyo wakaŵa. Mukuwona?

Kweni ndipouli Iyo wakaŵa Kuŵara kweneko uko kukayowoyeka kufumira ku Genesis, mu mtendeko, ndipo wakaŵafumba iwo kuti wasande Malemba ndipo wafufuze usange Iyo ntha wakakhalanga mu nyengo yira; usange Iyo, milimo iyo Iyo wakachita, ntha yikakwaniriska ndendende icho chikalayizgika za nyengo yira. Amen. O!

132 Ndi chinthu chakukhumbikwira chomene uli ichi, m’bale! Ise tikukhala mu nyengo yiweme.

133 Iyo wakasimikizgira kuti wakaŵa muneneska. Iyo wakaŵa Kuŵara kwenekula uko iwo wakayowoya kuti iwo wakasopanga. Iwo wakayowoya kuti wakasopanga Kuŵara kula.

Ndipo ntheura ndimo kuliri muhanyauno. Iwo wakuyowoya kuti iwo wakusopa Icho. Wapentekosite wakuyowoya ichi. Iwo wakuyowoya kuti iwo ndiwo, ndipo mbachiburumutira chomene kuti iwo wakuchiwona yayi ichi. Chifukwa? Iwo wakupanga bungwe, ndipo, kweni kung'azima ku maso kwawo. Mukuwona? Mwambo ndiwo wanthu wanyake wakakhazikiska pamoza, ndipo wakati, "Ise tirutenge ndipo tipangenge *ichi* na *ichi*, na *ichi*, na *icho*." Sono ise tifikenge ku ntchifukwa uli icho chikenera kuti chichitike, para Fumu yazomerezga.

¹³⁴ Wonani, milimo Yake yikaŵa Mazgu ghamoyo Ighoghene. Icho Iyo wakachita ghakaŵa Mazgu ghamoyo Ighoghene, kuwoneskanga kuti Iyo wakaŵa Kuŵara kula uko kukalayizgika kufuma ku mtendeko wa charu. Iyo wakaŵa Kuŵara kula. Kuŵara Kwake pa Mazgu ghakulayizgika gha muwiro kukapanga Agha ghakhale ghamoyo kufika ku ndendende icho phangano likayowoya kuti Igho ghazamuchita, kweni iwo wakachikana Ichi kufikira kuti iwo wakatondeka kuchiwona Ichi. Mukuwona? Kweni Iyo wakaŵa Kuŵara kwa muwiro ula.

¹³⁵ Iyo wakaŵa Kuŵara uko iwo wakayowoya kuti wakasopanga. Iwo wakaghanaghana kuti iwo wakasopanga Chiuta mweneyura wa chakulengeka. Iwo wakakhalanga ndipo wakasopanga kung'azima, ndipo Yesu wakati, "Imwe mukundisopa Ine pawaka, mukusambizganga myambo ya munthu kuŵa Chisambizgo, ndipo ntha Mazgu." Iyo ndi Mazgu, ndipo Iyo wakaŵa Mazgu ghakawonekera. Iwo wakayenera kuti nthena wakachimanya ichi.

¹³⁶ Ine nkugomezga kuti icho chikunjira mwakuzama, kulikose ichi chikupulikikwa, wonani, kuti ichi ndi Mazgu ghakuwonekera. "O," mukuti, "o, ise tiri nago Mazgu." Chifukwa, Mazgu, waliyose wakunyamura Baibolo, uyo wakukhumba. Kweni, para Mazgu ghakhozgeka, ghawonekera!

Chifukwa, mukuti, "Enya, ise tikugomezga!"

¹³⁷ Enya, bwana, iwo wakagomezga, ulendo wose. Ntheura wakuchita Satana. Wafarisi ŵara, ndinjani ŵangaŵasuska iwo, za kuwura kugomezga? Kweni iwo ntha wakagomezga Mazgu gha nyengo yawo. Iwo wakasopanga kung'azima kwa chinthu chinyakeso.

Ndi chinthu chenechira iwo wakuchita muhanyauno. Mukuwona? Iwo wakukoreska kwa Lutera kuroske- . . . myambo, panji—panji myambo ya Wesley, na wanyake wose, mwambo wa Chipentekosite. Kweni wakuti vichi za wa ora?

Wafarisi wakakoreskanga myambo yawo. Kweni kuseri kwa myambo yawo kukaŵa Mazgu ghaneneska gha Chiuta ghakizanga kuti ghawoneskere, ndipo, para Igho ghakati ghachita, Igho ghakaburumutizga maso ghawo. Iwo wakatondeka kuchiwona Ichi chifukwa iwo wakalaŵiskanga chinthu chinyakeso.

Ntheura ndimo kuliri muhanyauno! Nkhuromba Chiuta wazomerezge icho chinjire mkati, kufikira kuti ichi chifike nkhanira ku wanthu kuti wagomezge ichi. Nyengo yamara chomene kuruska umo imwe mukughanaghanira.

¹³⁸ Mwana wane, Billy Paul, iyo wakuyowoya mu tulo twake, kweni iyo nthu wakuwa na maloto kawirika-wiri. Iyo wakuwa nalo limoza usiku unyake ilo likamusunkhunya iyo. Wakati iyo wakalota kuti iyo wakuwa mu tchalitchi, ndipo—ndipo iwo... Ine nkhuwa nindanjire.

Wakati, para ine nkhati nafika, moto ukawurukanga kufuma mu maso, ndipo ine nkhati, “Nyengo yiri pano. Iyi yamara.”

Ndipo waliyose wakayamba kulira, “Ine ningachita yayi! Wana wane!”

¹³⁹ Ndipo nanga ndi muwoli wane wakati, “Ine ningamupangiska yayi Sara kuti warombe thumbiko pa thebulo,” na yinyake ntheura. Ndipo ine nkhati...

Iyo wakati, “Ine nkhuenera kuti ndirute nkhamutore Loyce na—na mwana.”

¹⁴⁰ Ine nkhati, “Loyce wangiza yayi sono. Mwana ndi mwanichi chomene kuti wamanye. Billy, ora liri pano. Ise tikwenera kuti tirutenge.” Ine nkhati, “Ndi pakati pausiku sono. Pambere zuwa lindafume, Yesu wawenge pano. Usange chiri ntheura yayi, ipo ine ndine kaboni mutesi wa Khristu.”

Ndipo munyake wakayowoya, wakati, “Kulije munthu wakumanya miniti panji ora.”

¹⁴¹ “Ine nthu nkhuayowoya miniti panji ora. Ine nkhati, ‘Nyengo yinyake pakatikati pa sono na kufuma kwa zuwa.’” Ndipo ine nkhati, “Tiyeni—tiyeni tirutenge.”...?... Ine nkhati, “Kweni ise tiri pa nyengo. Tiyeni tirutenge.”

Ndipo ise tikanjira mu galimoto, ndipo tikauyamba, ndipo ise tikayamba kukwera phiri. Ndipo para ise tikati tachita, kukawoneka ngati kuti kuwara kukanjiranga mu mitambo, kweni mdima pa charu chapasi. Iyo wakati Ine nkhuayimika galimoto kumphepete kwa msewu, ndipo wakakwezga mawoko ghane ngati ntheura, moto kuwurukanga ndithu kufuma mu maso. Ndipo iyo wakayowoya kuti ine nkhati, “Fumu, ine ndachita ichi pa kulangura Kwinu. Ine nachita ichi chifukwa chakuti Imwe mukandiphalira ine kuti ndichite ichi munthowa iyi. Ine nachita vintu ivi kwakulingana na icho Imwe mwandiphalira ine.”

Ndipo ine nkhuapereka chimanyikwiro kuti wala-wiske ku phiri likuru la malibwe; ndipo—Kuwara, kwambura mawoko, kukadumura Libwe kufuma ku phiri, uzitu wakukwana masauzandi gha makilogiramu, ndipo apa Ili likwiza. Ine nkhati, “Ng’anamukirani mitu yinu; kula-wiskako yayi. Chose chiwenge kuti chamara mu maminiti ghachoko waka.” Wakati,

ntheura kuchetamiskika kukuru kutuŵa kukiza kufuma kulikose, apo Libwe ili likizanga kurazga ku malo.

¹⁴² Iyi panyake yingawa kuti yamara chomene kuruska umo ise tikughanaghanira. Kula, wonani, icho ndendende ndi cha m'Malemba, imwe wonani, "Libwe, kwambura mawoko, likadugumurika kufuma ku phiri."

Ndipo ntheura limoza la mazuŵa agha ichi chizamkuŵa mwantheura umo, penepapo imwe muzamkulira kukhumba chinyake. Ine nkhati kwa iwo, "Imwe muli kuŵapo nayo kale nyengo yira. Chiuta rutaruta wakhala wakumuchenjezani imwe, nyengo na nyengo. Enya." Ine nkhati, "Nanga kuti usange wangaŵa mwana wane ndamwene, panji kwali ndinjani uyu, ora liri apa. Ine ningayowoya waka icho Iyo wandiphalira ine kuti niyowoye, ndipo ichi chizamkuŵako kula," ndipo ichi chikaŵako.

Ndipo—ndipo pamanyuma, mbwenu kwamabuchibuchi [M'bale Branham wakuwomba mawoko ghake—Munozgi], apa Iyo wakwiza, "Libwe ladumurika kufuma ku phiri, kwambura mawoko." Daniel wakachiwona icho, imwe mukumanya, kale virimika vinandi vyajumphu. Billy wakamanya chirichose yayi za icho, kweni ili likaŵa—likaŵa loto likatumika kwa iyo kufuma kwa Fumu.

¹⁴³ Sono, wonani, iwo ŵakuyowoya kuti ŵakumusopa Chiuta mweneyura uyo iwo ŵakamuhoyanga. Ndipo chinthu chenechira chawezgeka muhanyauno, na chifukwa chenechira, kukhalanga mu kung'azima m'malo mwa Kuŵara. Kuŵara kukuru kwawoneka. Viri makora.

¹⁴⁴ Wonani mdima uwo ise tirimo muhanyauno! Wonani icho chikuchitika muhanyauno! Wonani kukomana, kukorererana, mikangano! Chifukwa, ichi chafika ku kukwaniriskika. Ine nkhuomezga wakaŵa Billy Graham wakayowoya, mu ungoro wake waumaliro, "Mu virimika teni kufuma sono, mwenekokaya waliyose wa California wakwenera kuti wazakayeghenge futi kuti wajivikilire iyomwene. Imwe ntha mungaŵikapo dango lakukwanira lakuŵakanizga." Ŵanthu ŵazerezeka mitu; ŵakulasana, ŵakukomana, na kukorererana, chirichose, wonani. Ichi chafika waka pakuhenipa chomene, wonani, pa misewu. Wonani, iyi ndi—iyi ndi nyengo iyo ise tikukhalamo, nyengo ya chiSodom. Mukuwona?

Kweni kuliko Kuŵara kukuŵara! Usange iwo ŵakalaŵiskenge waka, usange iwo ŵakachiwonenge waka, ŵakalaŵiskenge mu Mazgu na kuwona icho ichi chikwenera kuŵako mu ora ili, iwo mbwenu ŵamanyenge icho chikuyezga kuti chichitike.

¹⁴⁵ Sono, iwo ŵakuyowoya kuti iwo ŵakusopa Kuŵara kula, ntheura ndimo iwo ŵakayowoya kuti iwo ŵakasopanga Kuŵara kula, kweni iwo ŵakasopanga mu kung'azima kwa kuŵara

kunyake m'malo mwa kwenekokweneko. Mukuwona? Iyo wakaŵa Kuŵara.

¹⁴⁶ Vigomezgo na myambo, mu kaŵiro kawo kakuburumutizgika, vikaŵafumiskako iwo kufuma ku Kuŵara kwaunenesko kwa Mazgu ghaphangano. Mazgu agho Chiuta wakakhozgera, kwizira mwa Yesu, Kuŵara kwa charu, wakiza ndipo wakapanga Mazgu ghara kuŵa ghamoyo nkhanira ndendende mu nyengo Yake, ndendende kufika ku mazuŵa. “Iyo wazamkudumulikapo mkatikati mu masabata sevente, uwo mbunenesko, cheneicho ndi virimika vitatu na hafu vya uchimi Wake. Mesiya wazamkwiza, Kalonga, ndipo wazamuchima, na mazuŵa ghatatu na hafu gha ichi, nthaura Iyo wazamkudumulikapoko kufuma pa ŵamoyo, na kupanga mphepisko.” Ndipo icho ndi ndendende. Iyo wakapharazga virimika vitatu na hafu. Ndipo yawo. . .

¹⁴⁷ Ndipo Salmo lenelira ilo David wakati, “Chiuta Wane, Chiuta Wane, kasi Imwe mwandisidirachi Ine?” Masalmo 22, “Viwangwa Vyane vyose, vikundilaŵiska Ine. Iwo ŵakupukunya mitu yawo. Iwo ŵakunilambalara Ine.” Virimika eyiti handiredi na fifite, pambere chindachitike, para David wakayimba sumu yira mu Mzimu, ndipo ichi chikaghanaghanirika kuŵa uchimi, ndipo chikaperekeka. Iwo ŵakimbanga sumu zira mu tempile penepapo Sembe yenyira yikalenderanga pa mphinjika, na mawoko Ghake, ndipo ŵakamuvotora. “Ndipo iwo ŵakavotora mawoko Ghane na marundi Ghane.” Mukuwona? Mukuwona kula? Nthaura, chifukwa? Iwo ŵakakhalanga mu kung'azima. Iwo ŵakakuwona yayi Kuŵara.

¹⁴⁸ Kasi imwe mungalingalira munthu wazeru kuchitanga icho? Ntha kujumpha umo ine ningamanya kumulingalira munthu wazeru kurutanga m'chipinda chapasi na kunjira mu mdima, na kuguziranga vijaro vyake pamoza, na kuti, “Ine nkhekana kuwona kuti kuliko kuŵara.” Ndi vifusi.

Ndipo wauzimu wake wafumamo, pamalo ghanyake, para munthu wakuwona kuti Baibolo liri kulayizga ichi, ndipo wakuchiwona ichi chikukhala chamoyo nkhanira panthazi pake ndipo chikuwonekera, ndipo pamanyuma rutaruta kukhalanga mu vigomezgo vira na vinthu kuwaro kula ivyo vikukana Ichi. Ndi kulekerera kwauzimu. Uwo mbunenesko ndendende.

¹⁴⁹ Apa Iyo wakaŵa sono. “Iyo wakaŵa—Iyo wakaŵa Kuŵara kwa charu, ndipo charu chikamanya. . . Iyo wakiza ku Ŵake Yekha; Ŵake Yekha ntha ŵakamumanya Iyo. Iyo wakiza mu charu, ndipo charu chikalengeka na Iyo, ndipo charu chikamumanya yayi Iyo.” Mukuwona? “Kweni wose awo ŵakamumanya Iyo, kwa iwo Iyo wakapereka nkhangono kuti ŵazgoke ŵana ŵa Chiuta, kwa iwo ŵeneawo ŵakagomezga pa Iyo.”

¹⁵⁰ Kumbukirani, ise nthā tingakhālira umoyo wa kuwāra kwa mayiro. Kuwāra kwa mayiro kwamara. Uku kulije munthowa yiriyose. Uku, ndi kuwāra kwa mayiro, ndi chikumbusko waka. Kuwāra kwa zuwā kwa mayiro ndi chikumbusko waka, panji, ndi mudauko. Ise tingakhala yayi mu kuwāra kwa mayiro, munthowa yiriyose. Ndipo chimozimozi, nangauli ndi zuwā lenelira, zuwā lenelira, kweni dazi lililose ilo likupereka nkhongono zake mwakulimbika pachoko, kuti likhwimiske njere ya vuna. Mukuwona?

¹⁵¹ Zuwā likwiza muhanyauno, wakukhwimanga pachoko. Dazi lililose sono uyu wakufika pa kukhwima pachoko, wakukhwima pachoko, ndipo kufikira kuti paumaliro tirigu, uyo wakaŵa chigonere kula, uyu—uyu wayambenge kuwoneska umoyo. Para pajumpha kanyengo, a—umoyo ukuyamba kumera, nthaura ukukuranga pachoko, ukukuranga pachoko. Marichi, Epuleru, Meyi, Juni, Julayi, uyu wali mu vuna nyengo yira, imwe wonani. Zuwā lenelira kuwāra muhanyauno, mu—mu Janyuware panji Disembara, ilo liri kuchanya kula kuthukizganga chiwuvi chira na kuchisungunuranga ichi pa njere yira, kuchizgoranga ichi maji; ndi zuwā lenelira, kweni tirigu yura wakakhalanga wamoyo yayi mu kuwāra kwenekula kwa zuwā mu Juni. Wonani, uyu wangachita yayi ichi. Wonani, zuwā likwiza mwankhongono pachoko dazi lililose, ndipo njere yikwenera kuwā yakukhwima pachoko kuti yipokere kuwāra kwa zuwā.

¹⁵² Ilo ndilo ndi suzgo muhanyauno. Njere iyo yikamijika mu wawiskewo wakwambirira, kale kula mu—mwa Lutera na Wesley na iwo, iyi yikatinilira; iyi yingatora yayi Mwana, Mwana wakukoma iyi. Iyi yikakana kumera. Mukuwona? Ili likadumura iyi, iyi yikafumako iyoyene ku phekesi, ngati, ndipo yikiza kudera *uku* ndipo yikajipanga iyoyene kanthu kachoko. Iyi yikuzgoka chikantha, pamanyuma, ndipo mukaŵavye Umoyo mu iyi. Njere yikwenera kuti yikhwimenge na kuwāna yankhongono, apo Mwana wakuwā wankhongono zuwā lililose.

¹⁵³ Sono tiyeni tiwone miniti pera. Ise tilawisiskenge miwiro ya mpingo. Kuli miwiro seveni ya mpingo. Ndipo ngati miwiro yira ya mpingo, uliwose, wonani umo Iyo wakayowoyera kwa iwo icho uzamuchita, umo njere yizamukhwimira na kukhilira ku ora laumaliro ili uku, ora ili laumaliro ilo ise tikukhalamo. Ntheura mipingo yikwenera kuti yichite chinthu chenechira, wonani, mipingo.

¹⁵⁴ Sono wonani, Lutera wakamija njere, ndipo Lutera wakaŵa njere ndipo iyo wakamija iyi. Viri makora. Ntheura wakaŵa Wesley; ndipo, kweniso, nthaura wakaŵa Pentekosite; nthaura wakaŵa wa Baptist, wa Nazarene. Kweni, imwe wonani, sono Lutera nthena wakawerera yayi na kukakhala mu kuwāra kwa bungwe lakudankha, Katolika. Yayi, bwana; iyo wakaŵa kuwāra kunyake. Yura wakaŵa Chiuta kukhwimiskanga

yinyake. Sono kagulu kachoko kakafuma kufuma mwa icho, chisisimuso chira cha Lutera.

¹⁵⁵ Pamanyuma chkiza chisisimuso cha Wesley, ndipo pamanyuma, mu icho, chifukwa, iwo wakatondeka kuwerera na kukachita cha wa Lutera. Mukuwona?

Ndipo pamanyuma mwakurondezgako kukiza cha Pentekosite. Ndipo pamanyuma wa Pentekosite wakapanga bungwe ndipo wakachita chinthu chenechira, wakazgoka chikantha. Wonani.

¹⁵⁶ Kweni njere yikurutirira. Sono ise tiri mu muwiro unyake. Ntchifukwa uli iwo wakutondeka kuyipokerere Iyi? Ntchifukwa uli iwo wakutondeka kuwona kuti njere yakhwima? *Apa* pali Mazgu ghakulayizgika gha nyengo iyi. Ntchifukwa uli iwo wakutondeka kuyiwona Iyi? Chifukwa iwo wakukhala mu kung'azima kwa wa Lutera, kung'azima kwa Wesley, kung'azima kwa wa Baptist, kung'azima kwa wa Pentekosite. Iwo wakukhala mu kung'azima kwa kuwara kunyake. Ndicho chifukwa iwo wangapokera yayi Kuwara kwa Mazgu gheneko ghakukhozgeka umo Chiuta wakalayizgira. Vididimizgo Seveni vira, uko chamchindindi chose chikavumbukwa, vingamanya kwizaso na kuwaphalira chifukwa icho vyamchindindi ivi vikachitikira ngati ntheura; ndipo, kweni, para icho chafika, iwo wakuruta kutali na Ichi kuruska kale. Iwo walije pakugwenthera.

¹⁵⁷ Chiuta wachita ichi kwizira mu Mzimu, kwizira mu mauvumbuzi. Iyo—Iyo wasimikizgira ichi mwakufikapo, kwizira mu sayansi na chinyake chirichose, kuti ndi Unenesko, kuti ndi Unenesko. Ndipo kweni iwo wakukhumba ndipera kukhala mu kung'azima kwa Pentekosite, “Ine ndine wa Assemblies! Ine ndine wa Oneness! Ine ndine wa Mpingo wa Chiuta! Ine ndine *ichi!*” Wonani, kukhalanga mu kung'azima kwa muwiro wa virimika vyakale vya m'ma fote, fifite. Kukhalanga mu kung'azima kwa wa Lutera. Kukhalanga mwa wa Wesley, wa Baptist, wa Prezibetere, panji wa Nazarene wanyake, kung'azima kwa muwiro unyake wa mpingo uwo ukarutirira ndipo ukapanga bungwe ndipo ukachita chinthu chenechira, ndipo wakukana na kufumapo pa Kuwara penepapo Uku mwakufikapo kukuwara.

¹⁵⁸ Ndipo imwe mukukhala mu mawonekero ghautesi. Ine nkhuwoyoya icho mwantchindi, wonani, kweni imwe...ntha kuti nimupwetekeni imwe, kweni kuti nimupamphuskeni imwe. Imwe mukukhala mu mawonekero ghautesi.

Uli usange Yesu, wakati “Chifukwa, imwe ndimwe wachiburumutira, ndipo imwe mukurongozga wachiburumutira”? Iwo wakatondeka...Iyo wakayezga kuwaphalira iwo; ndipo wakachita yayi ichi. Wakati, “Warekani iwo. Usange wachiburumutira wakurongozga wachiburumutira,

iwo wose wati wawenge mu chibuwu.” Ilo ndi ora ilo ine ndafikako! Usange iwo wakhuwarenge, ine ningachitapo kanthu yayi. Nachita chose icho ine ningachita. Ine nachita ndendende.

Ine nachita ichi pa kulangura Kwinu, Fumu. Imwe ndimwe kaboni.

Kufumira 1933, kusika pa mronga, para Kuwara kula uko imwe mukuwona, kukakhira pasi, Uku kuli kuwa nkhanira muno mu kachisi ndipo kwachitira ukaboni kwa imwe, virimika vyose ivi. Ndipo chirichose Uku kukayowoya kuli kufiskika. Ndipo rutaruta iwo wakurutirira. “Rekani wachiburumutira warongozge wachiburumutira.” Ine nilindizgenge waka ora lira; Iyo wafikenge, limoza la mazuwa agha.

¹⁵⁹ Wonani, kukhalanga mu kung’azima kwa Lutera, kukhalanga mu kung’azima kwa Wesley, kukhalanga mu kung’azima kula kale kula, ndicho chifukwa iwo wakutondeka kuwona Kuwara kweneko. Usange iwo wangayima maminiti ghachoko, na kutora waka Baibolo na kuwazga Ili, iwo mbwenu wawonenege kuti . . . uku ndi Kuwara uko kukalayizgikira ora ili.

¹⁶⁰ Sono ise titorenge vinyake vya vinthu ivi mu miniti pera. Iyo wakalayizga, kwakulingana na Malaki 4, vinthu ivi vizamkuchitika. Iyo wakalayizga, ulendo wose mu Malemba, ivi vizamuchitika. Mukuwona?

¹⁶¹ Wonani Israel nayoso, chilinganizgo chithu, mu ulendo. Wonani, wakaryanga manna, gheneagho ghakawa Kuwara-Umoyo, uwo ukawapa iwo nkhongono, Umoyo. Ndi unesko uwo? Israel wakarya yayi manna agho ghakawa gha mayiro agho ghakawa pa iwo. Agha ghakanangika. Agha ghakavunda. Agha ghakawa ghaweme yayi kwa iwo. Iwo mbwenu wafwenge, kurya agha. Manna agho ghakawasunga iwo wamoyo mayiro ghangamanya kuwakoma iwo muhanyauno. Baibolo likayowoya kuti mukanjira majeremusi mu agha, ngakunangika. Ndipo mana, iwo wakayenera kuti watore manna ghaphya dazi lililose. Amen.

Ndipo kasi ichi ntchichi? Wanthu awo wakukhalira umoyo manna gha Lutera, Wesley, na iwo kale mwenemula, imwe mukurya chakurya chakunangika icho chikumukomani imwe, ku uzimu. Ichi chikumukomani imwe, mukufwira mu myambo yinu.

¹⁶² Gha mayiro ndi, manna gha Luther, nthu ghangagwira ntchito yayi ku wa Methodist. Manna gha Methodist ghangagwira ntchito yayi ku wa Pentekosite. Manna gha Pentekosite ghagwirenge ntchito yayi ku muhanyauno. Mukuwona icho ine nkhung’anamura? Dazi lililose agha ghakiza, dazi na dazi, ghafureshi, ndipo nthaura ndimo ghali kuchitira mu miwiro ya mpingo.

Manna gha Lutera ukaŵa uthenga wa kurunjiskika. Uthenga wa Wesley ukaŵa kuwonekera kwa kutuŵiskika. Pentekosite ukaŵa kuwezgereska kwa vyawanangwa. Kweni uwu ukuvumbura Libwe la pamutu, dazi laumaliro, Khuni la Mkwatibwi, weneuwo ngwakususkana na chose ichi, ndipo kweni Uku ndi Kuŵara kwenekula kwa ŵakukhwima.

Ngati zuŵa lenelira, likuŵara muhanyauno, lizamukhwimiskanga njere kunozgekera vuna mu Julayi. Mukuwona icho ine nkhung'anamura? Kweni kuŵara kwa muhanyauno kuzamuchita chiweme chirichose yayi kumanyuma kula mu Julayi. Uku nkhwankhongono chomeniko. Tirgu wakure mwakukwanira; uyu ngwakunozgeka kupokerere uku. Amen. Mwakusimikizga ngwakunozgeka. Iwo ŵangazomera yayi ichi sono; uyu wangachita nyengo yira. Nyengo yikaŵa yiweme yayi, nyengo yira; iyi ndi sono.

¹⁶³ Imwe mungasuska yayi chilengedwe cha Chiuta. Iyo wali na dango, ndipo, kususka dango lira, kukukoma chakumera chinu. Imwe mukwenera kuti muchite kwakulingana na marango ghakuyowoyeka gha Chiuta, ndipo marango Ghake ndi Mazgu Ghake. Dango lirilose ndi lizgu lakuyowoyeka. Ndipo lizgu ndi ghanoghano lakuwonekera. Mukuwona? Sono ise—ise tikumanya kuti uwo ndi unesko.

¹⁶⁴ Mboniwoni ndi vichi? Mazgu gha Chiuta, panji chinyake chakuyowoyera, panji chakuroskereka cha chakuchitika. Ndipo mboniwoni iyo ŵaprofeti ŵakaŵa nayo, ndipo Yesu wakaŵa nayo, Paulos wakaŵa nayo, na iwo wose, ndipo yikayowoya za nyengo iyi, kukaŵa kuroskereka kwa icho chizamuchitika. Ndipo apa ise tikuwona chakuroskereka chikuwonekera, ndipo ŵanthu nthā ŵakumanya ichi. Mukuwona icho ine nkhung'anamura? Sono, manna gha mayiro...

¹⁶⁵ Laŵiskani kuno, kasi imwe mukamanyanga? Zuŵa, z-u-ŵ-a, liri kwenda, Kuvuma kuruta Kuzambwe, umo ili likayendera nyengo yiriyose. Kasi imwe mukamanyanga icho? Ndipo, wonani, miwiro ya mpingo yikachita chinthu chenechira. Vichi? Zuŵa, m-w-a...z-u-ŵ-a, likayambira Kuvuma. Ndipo chitukuko chiri kwenda na zuŵa, kuŵara kwa kuyowoyeka na Chiuta kwakuti iwo ŵakhalengemo. Iwo ŵali kwenda, kurondezanga zuŵa, ŵawone uko ili likarutanga.

¹⁶⁶ Umoyo iwowene, para imwe mwababika, uli ngati zuŵa. Imwe mukurutilira, nkhanira kukafika ku kutchona kwa zuŵa, kufumira ku kubabika kwinu kukafika ku kutchona kwa zuŵa.

¹⁶⁷ Munthu wali kwenda kuruta kuzambwe, nyengo zose. Chitukuko chakale chomene icho ise tiri nacho ndi China, mu vyaru vya kuvuma. Yerusalemu...Ndipo, wonani, ichi chikurutirira kwendanga kurazga kuzambwe, ndipo apo ichi chikurutirira na kurutiliranga, kuruta Kuzambwe.

¹⁶⁸ Ntheura ndimo muwiro wa mpingo uli kwendera mukachitiro kakuyana, mwa M-w-a-n-a wa Chiuta. Wonani, Paulos, mpingo wakwambilira, ukayambira Kuvuma; uwu ukayenda kufumira kula, ukayambuka—m—m—nyanja, ukanjira mu Germany. Uwu uli kupanga vikoka vitatu. Laŵiskani kuno. Kufumira ku Asia, kukhilira mu—mu Palestina, uwu ukayambuka nyanja ukaruta ku Germany; yura wakaŵa Lutera. Ndipo uwu ukaduka kufuma kwa Lutera, ukajumpha English Channel, ukanjira mu England kurongozgeka na Wesley. Ndipo kufumira kwa Wesley, uyu wadukira ku Mphaka za Kuzambwe, kufika ku United States. Ndipo ichi, usange imwe mwendenge kuruta kunthazi, ichi chikuwereraso Kuvuma. Iyi ndi nyengo yakumise kale.

¹⁶⁹ Wonani umo miwiro ya mpingo yiri kwendera. Lutera... Paulos, wakudankha, kale mu muwiro wakwambilira; pamanyuma ukiza ku Ireland, kwa Irenaeus, na vinyake ntheura; kurutirira kukhira kunjira mu France; kufumira kula, ukaruta mu Germany; ukaruta mu England; rutaruta kurutanga Kuzambwe.

Ndipo sono ise tingarutiriraso yayi. Uwu ndi muwiro waumaliro. Ndipo kasi Baibolo likuyowoya vichi za muwiro waumaliro uwu? Wonani, mukalaŵiskiro pa malo, ŵakumanya mudauko, na pafupifupi munthowa yiriyose imwe mungakhumba kuchitora ichi. M'Malemba, chakudankha; Lemba, nkhumanya, chakudankha. Ukaboni, mwa um dauko, munthowa yiriyose iwe mukukhumba kuti muchitore ichi, ise tiri ku umaliro, muwiro wa mpingo waumaliro.

¹⁷⁰ Ndipo, wonani, apo uwu ukarutanga kunthazi uwu ukawanga wankhongono na wankhongono. Ndipo ntheura ndimo lachitira leneko, gulu lichoko la Mpingo kukuranga kufuma ku kurunjiskika, kutuŵiskika, ubapatizo wa Mzimu Mutuŵa, ndipo sono wafika ku Libwe la pa mutu, kujikhazikiska ilolene. Kulije mabungwe para uwu wajumpha. Ghazamkuŵakoso yayi. Wonani, chingachitika yayi, wonani, ise tiri Kuzambwe.

¹⁷¹ Kuti nimuwoneskeni waka, kwizira mu vilinganizgo vyose na chinyake chirichose. Ndipo laŵiskani pa masiteji ghatatu ghara, vikoka vitatu. Ise tifikengeko ku icho usiku uwu, wonani, wonani, umo ise tiriri ku nyengo yaumaliro. Ichi mbwenu waka...

¹⁷² Z-u-ŵ-a layenda ngati M-w-a-n-a; M-w-a-n-a ngati z-u-ŵ-a. Mpingo wayenda chimozi, kufumira ku Miwiro Seveni ya Mpingo, na vinyake ntheura. Chitukuko chiri kwenda nkhanira kufika Kuzambwe, ndipo Mpingo uli kwenda nkhanira kufika Kuzambwe. Ndipo sono usange ise tikuruta patali kujumpha apo ise tiri sono, ise tikuwerera Kuvuma kamosaso. Imwe mukunyamuka kufuma ku Mphaka za Kuzambwe, imwe

mukuruta kuwerera ku China, Japan, nkhanira mukuwereraso kumanyuma. Mitunda seveni sauzandi kusirya, imwe murute nkhanira ku Vuma kamosaso. Ntheura, Kuvuma na Kuzambwe kwakumana, ndicho chekha chiriko ku ichi. Ise tiri ku umaliro. Kulije icho chakhalako.

¹⁷³ Ndipo chinthu chenechira chachitika, muhanyauno, icho chikachitika kale kula. Chinthu chenechira chakumana Kuzambwe ndicho chakumana Kuvuma. Wanthu kukhalanga mu kung'azima kwa kuwara kunyake uko mwakufikapo kukayezganga kuwoneska Kuwara uko kukizanga, ndipo wakukana Uku, chifukwa iwo wakatora kung'azima m'malo mwa Kuwara. O! "Ndipo kukaŵa Kuwara kukuru mu charu cha Wamitundu; Zabulun, Nefutali; wa ku Galileya, . . . mu Galileya, charu cha Wamitundu."

¹⁷⁴ Uwu ndi muwiro wa mpingo wa nambala seveni. Kumbukirani, ndipo nyengo yiriyose kuti zuŵa lira likayamba kuwala Kuvuma, ndi zuŵa lenelira ilo likuwara Kuzambwe. Ndipo Mzimu weneula uwo wakhala ukuwako ulendo wose mu miwiro, ngati ntheura, ndi Mwana mwenyura muhanyauno. Kweni, kasi ichi ntchichi? Kuyana waka na kukhwimanga, nyengo. Zuŵa ilo liripo sono, lizamkuŵa zuŵa lenelira ilo likukhwimiska njere nyengo iyi yakupuruta, wonani. Kweni kasi ichi ntchichi? Ndi zuŵa ili, kusazgako icho ili lizamkuŵa. Ndipo muhanyauno, mu muwiro uwu waumaliro, ndicho iwo wakawŵa, kusazgirapo Ichi.

Ndipo kweni iwo wakukhumba kuti wakhalenge kale kula, ngati wakutinilira, wakukhilira kusika mu maukazuzi, zakale za vyaru- . . . chipinda chakale cha bungwe na visambizgo, ndipo wakuhizgira pasi vyakuwaburumutizga vyawo, wakuti, "Ine nkukana kuchiwona Ichi. Chose ichi ndi kupusa." Ndipo para Baibolo lenelira, ilo iwo wakuyowoya kuti wakugomezga, likuvumbukwa na Mzimu Mutuŵa weneula kuperekanga Kuwara mu mazuŵa ghaumaliro!

¹⁷⁵ Kasi imwe mwanguwona? Ndipo woneseskani mwatcheru chomene kula mu Malaki, umo iyo wakagaŵira icho, "Chipulikano cha wawiskewo ku ŵana, ndipo ŵana ku wawiskewo." Wonani, Mzimu weneula uko Uwu ukaŵawuska kale kula, uko Uwu ukuwawuska uku kamosaso, chinthu chenechira. Wonani, kusinthaniskananga waka, ndendende, wawezgereskeka kamosaso. Chifukwa, chifukwa? Kuvuma na Kuzambwe kwakumana. Uli nkhanira panthazi pithu, ndipo kweni iwo wakuchiwona yayi ichi. Chifukwa? Ndicho chifukwa Yesu wakati, "Walekeni waka iwo, ntheura. Iwo mbachiburumutira, kurongozganga wachiburumutira, iwo wose ŵawenge mu chibuwu."

¹⁷⁶ Kuwara kwa miwiro yinyake kukawoneskeranga Kuwara uku pera. Mukuwona? Zuŵa muhanyauno likuwoneskera waka,

ndi kuwoneskera kwa zuŵa ilo lizamkuŵako Julayi uyu panji Ogasiti, usange Chiuta...la vuna. Ndipo Mwana, wa Lutera, Martin Luther, na Wesley, na Sankey, Finney, Knox, Calvin, Moody, ŵanyake wose ŵara, ŵanarumi ŵakuruŵakuru ŵara kumanyuma kula awo ŵakaŵa na kuŵara kula; ndipo John Smith wa mpingo wa Baptist, na Alexander Campbell, mpingo wa Campbellite, na Wasambiri ŵakuchemeka ntheura ŵa Khristu, Mpingo wa Chikristu, na mazina ghanyake ghanandi agho iwo ŵakapereka kwa iwo. Ŵanarumi wose ŵara kale kula, mu miwiro yawo, ŵakawoneseskeranga waka icho chizamkuŵako uku ku umaliro.

¹⁷⁷ Ndipo ntheura uku, ŵana, para ŵakwambiska ŵara ŵakati ŵaruta, kasi iwo ŵakuchita vichi? Iwo nthā ŵakakhalilira pa phekesi. Iwo ŵakafumako ku Ichi ndipo ŵakajipangira iwoŵene chikhoko chichoko kuwaro uku. Cheneicho, imwe kufumako ku chawanangwa cheneko gha Umoyo, imwe mulije Umoyo. Imwe mufumisikeko chikhoko ku chinthu, ndipo mupande ichi kuwaro uku mu dongo, ichi chiŵenge chigonere pasi ndipo chivundenge. Ndipo ntheura ndimo imwe muliri, mukuyezganga kurya manna ghakuvunda kufuma kale mu mazuŵa ghara.

Vuna yakhwima! Yesu wali na thebulo lakunozgeka, uko ŵatuŵa ŵa Chiuta ŵakurya Chakurya chakukhwima cha nyengo iyi, kwizira mu Kuŵara kwa Ivangeli ilo likukhozgera na kusimikizgira kuti Iyo wali pano muhanyauno. Amen. Watuŵa ŵakurya Chingwa.

¹⁷⁸ Ghanaghanani waka. Chikhoko chakale cha mayiro, wonani, kupanda yayi ichi kumanyuma kula. Ichi ntchakuvunda. Iyi nthā, iyi yingakhala yayi na ichi. Yayi, bwana. Iyi nthā yimuchitireninge chiweme. Ichi chimerege yayi. Ichi chafumako ku Umoyo; ndipo Mazgu ndi Umoyo. Uwo mbenesko. Chikhoko chikumbotoka, nyevulira zichoko zakale zikumbotoka, na vinthu ngati ivyo. Iyi yikujipanga waka bungwe iyoyene ndipo yikumbotoka. Iyi yikukana kurutirira kukhala na Umoyo.

Kweni Kuŵara kukukhozgera Iyi. O, mwe! Enya, bwana.

¹⁷⁹ Cha mayiro ndi, o, mwe, umo ise tikwenera kuti tichiwone icho! Wonani, kuti, vinthu vyakuvunda vya mayiro, kurya yayi ivi muhanyauno. Mukuwona? Ichi chiri na mphorozi mu ichi. Imwe mukuzimanya mphorozi zichokozichoko icho ine nkhezichema izi? Ine nkhumanya yayi. Ine—ine nkhumanya vinandi yayi vya umoyo wa majeremusi, kweni ine nkhumanya kuti ise nyengozose tikuzichemanga izi mphorozi. Iyi yikunjira mu chirichose para ichi chavunda pachoko. Mukuwona? Ine nkchikhumba yayi chakale ichi. Usange imwe mwakhorwa na ichi, rutirirani, kweni ine yayi. Kweni kumbukirani. . .

Imwe mukuti, “Ntheura ntchifukwa uli ichi chikaŵa chiweme mayiro?”

¹⁸⁰ Usange imwe mukamanyenge kuti umoyo uchoko weneula uwo ukaŵa pa tirigu pakudankha, usange uwu ukukhalirira mu njere, uwu ukupangiska njere kurutilira. Icho ndi chinthu chenechira icho chikupangiska tirigu kuti wapange maluŵa, ndicho chikaŵako mayiro; kweni usange uwu wajipaturanya iwowene kufuma ku njere, ndipo uwu ukukhwima yayi, ntheura uwu ukufwa. Mukuwona? Kweni usange uwu wayendera mu ndondomeko, ndondomeko ya kupereka umoyo, apo uwu ukufwa uwu ukusazgana waka na chinyake ndipo ukupanga njere. Usange uwu ndiwo yayi, kasi uwu ukufumira nkhu? Amen. Imwe mukupulikiska ichi?

¹⁸¹ Ngati Fumukazi ya ku England, nyengo yimoza, iyo wakaruta ku kampane yikuru yakupanga mapepala, ndipo iyo wakayowoya kuti iyo wakukhumba kuti wawone mu vigayo vyakupanga mapepala. Ntheura iwo ŵakamuwoneska iyo vigayo vyakupanga mapepala vya virimika vinandi vyakale, pambere iwo ŵakaŵa ŵandayambe kupanga ili kuŵa vyakufewa na vintu, ntheura iwo ŵakasanga...kupanga mapepala kufuma ku ichi. Ntheura iwo...Enya, pakati pajumpha kanyengo, iyo wakanjira mu chipinda umo mukaŵa kalikose yayi kweni mulu ukuru wa vigamba, ndipo iyo wakati, “Kasi ichi chikafumirankhu? Kasi ichi ntchivichi? O,” iyo wakayowoya.

M—m—uprezidenti wa chigayo wakati, “Ichi ndi—ndicho ise tipangirenge mapepala, vigamba vyakubinkha ivi.”

Iyo wakati, “Icho, kupanga mapepala?”

“Enya.” Ntheura iyo wakatondeka kugomezga ichi.

¹⁸² Ntheura para iyo wakati waruta, mwanarumi wakatora mulu weneula vigamba vyakubinkha, ndipo wakayiyendeska mu ndondomeko yinyake, ndipo wakapanga igho ghakutowa, pepala lituŵa, imwe mukumanya, likati layendera mu ndondomeko ndipo likapanga leneko...Ndipo wakaŵikapo chithuzithuzi chake pa ili, ndipo wakatumia ichi kwa iyo, kujiwoneskanga iyomwene mu ichi icho iyo wakachema “vigamba vyakubinkha.”

¹⁸³ Sono icho ndicho chiriko. Vintu vyakufwa vya mayiro, uthenga wa Lutera, uthenga wa Wesley, uthenga wa Pentekosite, usange ichi chingayendera mu ndondomeko ya Mzimu Mutuŵa wa Chiuta na Mazgu ghakukhozgeka, ichi chiwoneskenge chithuzithuzi cha Yesu Khristu, Fumu. Amen. Kweni usange imwe mukuchileka ichi chigonere, ichi ndi vigamba vyakubinkha. Mukuwona?

¹⁸⁴ Ichi chikwenera kuti chiwumbike kupanga chinthu chinyakeso. Lutera wakwenera kuti wawumbike kunjira mwa Wesley, ndipo Wesley wakwenera kuti wawumbike kunjira mwa Pentekosite, ndipo Pentekosite wakwenera kuti wawumbike kunjira mwa Khristu. Ichi chikwendera mu ndondomeko. Ntheura Ivangeli liri kwendera mu ndondomeko. Ichi chikupanga. Muwiro wa Lutera, wa kurunjiskika, ise

tikugomezga icho; wa Wesley, wa kutuwiskika, ise tikugomezga icho; wa Pentekosite, wa kuwezgereskeka kwa vyawanangwa, vya Mzimu Mutuwa, ise tikugomezga icho, mwakusimikizga. Kweni, kuwumbira ichi pamoza, kasi imwe mukupanga vichi? Yesu, mbunenesko, mweneyura mayiro, muhanyauno, na muyirayira. O! Ichi chipangene Yesu.

¹⁸⁵ Para munthu wali mwa kunyengutulira visulo wakupanga belu, iyo wali na kaliriro kanyake ako iyo wakwenera kuti waŵike mu ili. Para iyo wakunozgera chakuwumba chake ndipo wakuthiramo chisulo, iyo wakuwikamo mkuwa unandi mwakuti, chisulo chinandi mwakuti, copper munandi mwakuti. Chifukwa? Iyo wakumanya nkhanira ndendende wakuti wangaŵikamo, wakulipasa ili kaliriro kakwenerera.

Ndipo icho ndicho Yesu wachita na Mkwatibwi Wake. Iyo wakaŵikamo unandi mwakuti wa Lutera, unandi mwakuti wa Methodist, na unandi mwakuti wa Prezibetere, na unandi mwakuti wa Pentekosite, mu uwu. Kweni kasi Iyo wakupanga vichi? Chithuzithuzi Chake Yekha.

Kasi ichi ntchichi? Kuyana waka na Uthenga wa piramidi, imwe wonani, iyi yikukuranga makora, iyi, yikufika ku kusongoka uku, na Libwe la pamutu. Utumiki wa Yesu Khristu, pa charu chapasi, ukwenera kuwa chimozi ngati utumiki uwo Iyo wakaŵa nawo, panji Iyo wafika yayi ku uwu. Kuyana waka na mutu, kufika ku marundi. Mutu. . . Marundi ndi marundi yayi, kweni mutu ukunyamura marundi, panji ukupanga marundi, ukughaphalira agha kwakuti gharute. Imwe mukupulikiska ichi? Mwakufikapo, uku ndi Kuwara kwa ora.

¹⁸⁶ Wesley wakaŵa Kuwara kukuru. Ngati ndiumo Iyo wakayowoyera kwa Yohane Mubapatizi, “Iyo wakaŵa Kuwara kukuru ku ora lake.” Mwakusimikizga, iyo wakaŵa.

¹⁸⁷ Yayi. Enya, bwana, vigamba vyakutowa. . . Panji, vigamba vyakubinkha vya mayiro, usange imwe mukukhalira mwantheura umo, ichi chikwenera. . . iwi viwenge waka vigamba vyakubinkha nyengo yose. Ichi chikatamikira chakulinga chake, ngati chakuvwara, kweni sono ichi chazgoka pepala.

Kurunjiskika kukatumikira nyengo yake, mu kurunjiskika pasi pa Lutera, nthura ichi chikayenera kuwa kutuwiskika mwa Wesley. Ndipo kutuwiskika kukatumikira nyengo yake, kufikira kuti ichi chikazgoka ubapatizo wa Mzimu Mutuwa. Ndipo ubapatizo wa Mzimu Mutuwa ukatumikira nyengo yake; kufikira kuti Mzimu Mutuwa (cheneicho, kuli Chiuta yumoza pera) ukunjira mu Mpingo, ndipo Mpingo mwa Khristu, ndipo ichi chikupanga Yesu Khristu kuwonekera pa charu chapasi, icho Iyo wakalayizga umu mu Baibolo. Panyake mungomezga yayi ichi; ine ningamupangani yayi imwe kuchita icho. Ine ndiri na ntchito ya kupharazga waka Mazgu. Mukuwona? Uwo mbunenesko.

¹⁸⁸ Ntheura imwe mukuchiwona ichi? Kasi imwe mukuchiwona icho? Usange imwe mwachita, ichi chiwenge ngati—munthu nyengo yimoza wakaruta ku...mu nyengo, wakaruta ku Wales, mu nyengo ya chisisimuso cha Welch. Gulu la wanthu likaruta kufuma ku United States. Ntheura iwo wakukhira kusika, ndipo iwo wakayowoya kuti iwo wakakhumbanga kuti wamanye nyumba umo iwo wakachitiranga chisisimuso ichi cha ku Welch. Wanandi wa imwe mukukumbukira chisisimuso cha ku Welch, chisisimuso chikuru chikayambika pakati pa—wanthu wa ku Welch mu Wales. Ntheura wanarumi awa, wapharazgi wakuruwakuru awa, na wanyake ntheura, wakaruta kufuma ku United States, iwo madokotala gha vyauzimu. Iwo wakakhumbanga kuti waruteko ndipo wakawone chinthu chikuru icho iwo wakachita, imwe mukumanya.

Ntheura iwo wakayendanga kukhira na msewu, ndipo iwo wakati...wakakumana na wapolisi mulara pachoko wakayimirira pa kona, wakazingilizganga nthonga yake, imwe mukumanya, na kwimbanga na likhweru—sumu, ngati ntheura. Iwo wakati, “Enya, iyo wakwimba sumu na likhweru. Ise panyake tiruteko, ndipo tikamuwone iyo, tikawone icho iyo wamuchita. Chifukwa, tikamufumbe fumbo iyo.”

Ntheura iwo wakaruta kwa iyo, ndipo wakati, “Bwana, kasi chisisimuso cha Welch chirinkhu?”

¹⁸⁹ Iyo wakavura chisoti chake; iyo wakati, “Mabwana, chisisimuso cha ku Welch chikuchitikira mkati *umu*,” mu mtima wake. O, ndicho ichi, iyo waka wa chisisimuso cha ku Welch.

O Chiuta, usange ise—tingapulikiska waka kuti ise ndise chithuzithuzi cha Yesu Khristu, Mazgu Ghake ghakuwonekera. Imwe ndimwe chithuzithuzi cha Mazgu Ghake. Mukuwona?

“Kasi chisisimuso cha ku Welch chikuchitikira nkhu? Kasi ichi chiri mu nyumba uli?”

Iyo wakati, “Bwana, ichi chiri mu mtima wane.” Iyo waka wa chisisimuso cha ku Welch. Uwo mbunenesko.

¹⁹⁰ Ndipo muhanyauno Mpingo ukwenera kuti uwe Yesu Khristu mu kuchita pa charu chapasi. “Pakuti Ine ndiri wamoyo, imwe muli wamoyo namweso; ndipo Umoyo Wane uwenge mwa imwe. Milimo iyo Ine nkuchita, imwe muzamuchita namweso.” Mukuwona? Mpingo ukwenera kuti ufike ku malo ghara, nawoso. Ndipo Iyo wakalayizga kuti uwu uzamuchita ichi, ndipo uwu uzamuchita. Uwu ukwenera kuti ufike munthowa iyo. Ntheura, imwe wonani, icho ndicho chikuchitika. Ise, ise tikwenera kuti tiwe ntheura.

Iyo ndi Kuwara.

¹⁹¹ Ntheura Nowa waka wa Kuwara mu nyengo yake. Iyo waka wa Kuwara. Nowa waka wa Kuwara kula. Iyo waka wa Kuwara ku vichi? Kutu wapange Mazgu gha Chiuta, “Ine

niparanyenge munthu pa charu chapasi, uyo Ine nalenga. Zenga ngaraŵa, ndipo wose wakhumbenge kunjira mu iyi wati wâponoskekenge.”

Nowa wakaruta kuwaro kula, wakati, “Kuli nthowa yimoza, ndipo iyo ndi ngaraŵa.”

¹⁹² Iwo wakati, “Wakunyanyira wakale.” Iyo wakaŵa Mazgu ghakuwonekera. Nowa wakaŵa Kuŵara mu nyengo yira, mwakusimikizga wakaŵa. Nyengo yake, muwiro wake, iyo wakawoneska Kuŵara.

¹⁹³ Moses wakaŵa Kuŵara mu ora lake. “Ine nadi nizamkumuyenderani imwe,” Chiuta wakayowoya kwa Abraham. “Ine ndizamkwiza, ndipo Ine ndizamkutora wanthu Wane, na woko lankhongono, ndipo Ine ndizamuwoneska nkhongono Zane mu Egupto.”

Ndipo para Moses pachanya kula wakati wakumana na chivwati chira chakugolera kula, ndipo wakasanga kuti INE NDINE wakaŵa mu chivwati chira, Moses wakaruta kusika kula, ndipo iyo wakaŵa Kuŵara. Amen. Ndicho chifukwa iyo wakamanyanga kutora fuvu linyake, na kuliponya ili muchanya na kuti, “Kuŵeko mphanthi pa charu chapasi.” Iyo wakaŵa na Mazgu gha Chiuta. Kasi kukachitika vichi? Fuvu likayamba kuputa, ndipo mphanthi zikayamba kuwoneka. Aleluya! Chifukwa? Iyo wakaŵa kuwonekera kwa Kuŵara kwa Mazgu gha Chiuta, “Ine nithirenge chilengo mu Egupto.” Iyo wakaŵa muprofeti. Icho iyo wakayowoya chikakwaniriskika. Iyo wakaŵa Kuŵara kwa nyengo yira. Iyo wakaŵa Kuŵara kwa Chiuta.

¹⁹⁴ Faro panyake wakaŵa na chirichose iyo wakakhumbanga kuti waŵe nacho, na wanyake wose ŵa iwo, ŵasofi wose wakaŵa nacho icho iwo wakakhumbanga, kweni Moses wakaŵa Kuŵara. Chifukwa? Iyo wakawoneskanga Mazgu gha Chiuta, ghakuwonekera. Chiuta wakalayizga, “Ine ndizamkuwafumiska iwo, pasi pa woko lankhongono, ndipo Ine ndijitorenge pa Ndamwene uchindami.” Icho ndicho Iyo wakachitanga.

Ndicho chifukwa Moses wakasimikizgira kuti iyo wakamanya kulenga. Ntha chifukwa chakuti iyo wakakhumbanga kuti walenge; chifukwa Chiuta wakamuphalira iyo kuti wachite. “Ndipo na icho, ‘Ruta ku gulu, yowoya, ‘Namachero...’” Yehova Chiuta wayowoya waka kwa ine, “Tora fuvu lakuzura woko ndipo liponye ili muchanya mu mtambo, ngati nthaura, ndipo romba ichi.’ Paliye yiriyose apa, kweni iyi yitiwengeko kula.” Amen!

O, ine nkugomezga kuti mwagona yayi. O! Kuwonekera!

¹⁹⁵ Iyo wakati, “Ine natumika. Chiuta wakayowoya ku wadada withu, mwakusimikizga Iyo wazamkutiyendera kusika uku ndipo wazamkutifumiska ise. Ine nafika kuti

ndimusimikizgireni imwe kuti ora liri pafupi. Tayani icho imwe muli nacho. Tiyeni tirutenge!” Enya.

¹⁹⁶ Wanyake w̄a iwo w̄akati, “Enya, ine nkhubomezga...” Dathan wakati, “Ine ntha nkhubhanaghana kuti pali kuchimbilira kulikose. Ise tingaw̄a w̄akusekerera yayi za ichi.” Ndipo kukawoneka ngati kuti ichi chikatondeka, kanayi panji kankhonde. Kweni, mwakuyana waka, ichi chikarutirira.

¹⁹⁷ Iwo w̄akaghanaghana. Iwo w̄akafuma ndipo w̄akati, “Ise timubwanyenge na mawe Moses uyu! Wafumepo iyo pa ise! Ise tikumukhumba yayi iyo mu lithu—gulu lithu kuno.”

Moses wakarutirira waka kwenda, munthowa yiriyose, chifukwa iyo wakaŵa Umoyo, iyo wakaŵa Kuŵara kwa nyengo yira. Icho iyo wakaŵa nacho, kasi chikaŵa chivichi? Chiuta kuwoneskanga Mazgu Ghake ghakulayizgika mwa Moses, ndipo Moses wakaŵa Kuŵara.

¹⁹⁸ Eliya wakaŵa Kuŵara. “Ruta kuwaro kula ndipo ukakhale pa phiri lira! Ine nalangula wachaholi kuti w̄akuryeske iwe.” Amen! Enya, bwana.

¹⁹⁹ Iyo wakwiza wakuwerako wali na NTHEURA WAKUTI YEHOVA. “Ntha nanga ndi jumi litiwenge kufuma Kuchanya mpaka ine nizakalichemeske ili.” Amen! “Zuŵa panyake lingaw̄ara, imwe panyake mungachemeska mabingu ghose, na kuchita chirichose imwe mukukhumba kuchita, kweni ntha nanga ndi jumi litizenge mpaka ine nizakalichemeske ili.” Kasi iyo wakaŵa njani? Kuŵara! Aleluya! Iyo wakaŵa Kuŵara. Kuŵara! Iyo wakaŵa Mazgu gha Chiuta ghakuwonekera.

²⁰⁰ Iwo w̄akaghanaghana kuti iyo wakaŵa wakuzenthuka, chikhaliye muchanya kula. Iyo wakaŵa na w̄antchito w̄akumuryeskanga iyo; ndipo iwo w̄akafwanga na njala. Iwo w̄akakhumbanga kuti w̄akhalenge mu myambo yawo; kurutiriranga. Ntha Moses, panji ntha Eliya, iyo wakakhalanga nkhanira mu Kuŵara. Chikhaliye kula mumphepete mwa mronga, Kerit, ndipo wakaŵanga waka na nyengo yiweme; wakaryanga chakurya, na munyake kuti wamupwelerere iyo, na chirichose. Iwo w̄akaghanaghana kuti iyo wakaŵa wakuzenthuka, kweni iyo wakaŵa—iyo wakaŵa Kuŵara.

²⁰¹ Iwo w̄akuti, “Heyi, kasi chachitika ntchichi na mutuŵa wakale yura wakukunhuruka uyo ise tikaŵa nayo kudera kuno? Enya, imwe mukumanya kasi? Munyake wakazengeranga dazi linyake, ndipo wakati iwo w̄akamuwona iyo wakhala kula mumphepete mwa nthowa, kutali nkhanira pachanya pa phiri lira kula. Ine nkhubhanaghana kuti munthu mulara yura wafokerathu, kufika nyengo iyi.” O, yayi. Iyo wakaŵa Kuŵara. Iyo wakaŵa Kuŵara. Iyo wakaŵa Kuŵara kwa Chiuta, mu nyengo yake.

²⁰² Yohane, para iyo wakati wafika ku charu chapasi, ndipo wakaruta ku mapopa kuti wakatore masambiro ghake

kufuma kwa Chiuta, nthu ku seminare. Iyo wakayenera kuti wamurongore Mesiya. Ntheura para iyo wakati wafika, Yesu wakati, “Iyo wakaŵa wapadera ndipo Kuŵara kukuru.” Alaluya! Chifukwa? Iyo wakaŵa Mazgu ghakuwonekera.

Yesaya wakayowoya ntheura. Ndicho ichi. Uwo mbunenesko. “Iyo wakatuma lizgu mu mapopa, kuchemerezganga, kuti, ‘Nozgani nthowa ya Yehova, ndipo nyoroskani chipata Chake, nyoroskani nthowa.’ Iyo wakamanyanga kuchemerezga, yumoza...lizgu la yumoza kuchemerezganga mu mapopa.” Apa iyo wakwiza. Kasi iyo wakaŵa njani? “Lizgu la yumoza kuchemerezganga mu mapopa.”

Kasi iyo wakaŵa njani? Kuwonekera kwa Mazgu, Kuŵara. Chiuta mweneyura uyo wakayowoya mu Genesis; uyo wakayowoya ichi, ndipo apa kukwiza Kuŵara. Apo Iyo wakayowoyera, “Kuŵeko kuŵara,” pakuti zuŵa, zuŵa likawoneka, ntheura Iyo wakati kuzamkuŵa lizgu la yumoza kuchemerezganga mu mapopa, apa ili likwiza. Ili likaŵa Kuŵara kwa ora lira.

²⁰³ Iyo wakayowoyaso, mu mazuŵa ghaumaliro! Amen! Ndi Kuŵara kwa ora, kuchemerezganaga mu mapopa gha Babulone, “Fumaniko kwa iyo, ŵanthu Ŵane, mwakuti imwe muleke kuŵa ŵakusangana na zakwananga zake. Nthu mungakhwaskanga chinthu chake chaukazuzi! Fumako ku ichi! Chimbirani ku ukali uwo ukwiza!”

²⁰⁴ Yohane wakayowoya chinthu chenechira. “Mbavi yaŵikika ku msisi wa khuni.” Wakaŵavye masambiro, nthu wakayowoya ngati mupharazgi. Iyo wakayowoya za njoka, na nkhu, na makuni, na mbavi, na vinthu, iyo iyo wakamanyanga, mu mapopa. Iyo nthu wakalerekerera mu zinyake zakuzirwa izi, zikuru, vinthu viweme iwo ŵali navyo muhanyauno, ngati ndiumo iwo ŵakaŵira navyo mu nyengo yira. Iyo wakiza na chiyowoyero chake yekha. Iyo nthu wakayimirira na kuti, “Ah-men.” na kupanga kugwadira kose uku kwakunyanyira. Iyo wakiza nkhanira pakweru, kufuma ku mapopa, wawizwazwa na wamawonekero ghakofya. Wakati, “Rekani imwe kuyamba kughanaghana kuti, ‘Ine ndiri mu *uwu* ndipo ine ndiri mu *uwu*.’ Chiuta ngwamagomezgeko ku mawe agha kuwuskira ŵana kwa Abraham.”

²⁰⁵ Rekani kughanaghana kuti pakuti ndimwe ŵa Methodist, Baptist, Prezibetere, kuti imwe muli na kutemwereka na Chiuta. Chiuta ngwamagomezgeko kutora ŵakuguriska moŵa na ŵazaghali mu msewu, kupanga ŵana ŵa Chiuta kufuma mwa iwo. Munyake wati waupulikenge Uwu, ndipo munyake wagomezgenge Uwu.

²⁰⁶ Iyo wakayowoya, kweniso, “Mbavi yaŵikika ku msisi wa khuni. Ndipo khuni lililose ilo likugomezga yayi, likudumulikira

pasi ndipo likuponyeka mu moto.” Ntheura ula ukaŵa uthenga wake. Iyo wakaŵa Kuŵara kwa nyengo yira.

207 Yesu wakati, “Iyo wakaŵa Kuŵara kukuru na kwankhongono, ndipo imwe mu kanyengo kachoko mukakhumba kuti muyende mu uku.”

208 Ndipo kasi Yohane wakayowoya vichi, muprofeti? “Iyo wayimilira pakati pinu sono nthena. Ine ndine wakwenerera yayi kumasura skapato Zake. Ndipo para Iyo wafika waka pa malo, ine nifumengepo.” O, mwe! Pakuti, Iyo wakaŵa Kuŵara.

Kulije Kuŵara kuŵiri panji kutatu, ntha mabungwe ghanayi panji ghankhonde ghakupambanapambana. Kukaŵa Kuŵara kumoza. Kulije Methodist, Baptist, Lutheran, Prezibetere. Khristu ndi Kuŵara, ndipo Kuŵara ndi Umoyo. Ndipo Mazgu ghakuwonekera ndi Kuŵara kwa ora.

209 “Kuŵeko kuŵara, ndipo kuŵara kukaŵako.” Enya, bwana. “Kuŵeko Kuŵara,” ndipo Kuŵara kuliko! Iyo wakayowoya kuti kuzamkuŵa nkhwaga mu nyengo iyi, ndipo Kuŵara kuliko. Iyo wakwiza. Ine nkhumomezga ichi. Laŵiskani pa malayizgano gha muwiro uwu. O, mwe!

210 Kuŵara kulikose uko kukaŵarapo, miwiro iyi ya mpingo, ise tikuwona umo iwo. . . Ichi—ichi chiri kuŵa cha mawonekero gha chitima kuchiwona, kukananga. Chivumbuzi 3, ine niri nacho nalemba apa, Chivumbuzi 3, ndipo ine nkhumanya icho—icho ine nayowoyanga kumanyuma kula.

211 Laŵiskani ku phangano la ora ili, ilo ise tikukhalamo; Kuŵara kwakukanika. Kasi iwo ŵakachitachi? Iwo ŵakachikana Ichi kale kula. Chifukwa? Iwo ŵakakhalanga mu kung’azima. Kasi iwo ŵakuchita vichi muhanyauno? Chinthu chenechira.

212 Enya, kasi—kasi ndiwe Mukhristu? “Ine ndine wa Lutheran. Ine ndine wa Baptist. Ine ndine wa Prezibetere.”

Icho nthā chikung’anamura chinthu chimoza. Panyake ungayowoya waka kuti iwe ukaŵa “nkhumba yilara, nkhumba yanichi,” panji chinyake chirichose iwe ukukhumba kuti ujicheme wamwene. Mukuwona? Icho, icho pafupifupi ndicho ichi chikung’anamura. Sono nthā—nthā muyuyuro kwa iwe, kweni usange iwe ukuchitora ichi ku gawo la fundo, uwo mbunenesko.

Ine nangufumba fumbo, “Mukhristu?” Uyo ndi Khristu mwa iwe. Ndipo usange Khristu wali mwa iwe, ipo Mazgu ghali mwa iwe. Ndipo ntheura usange Mazgu ghali mwa iwe, para Kuŵara kwaŵara, kasi iwe uyendenge uli kuworo kwa Uku? Wonani, ilo ndilo fumbo. Uko ndiko kuli mkati sono, Kuŵara. Kuŵara kwa kumise kukuŵara. Khuni la Mkwatibwi likuŵara.

213 O, kumbukirani, iwo ŵakaphata Khuni lakale lira. “Ndipo icho kapuchi wakareka, mandowa warya; na icho mandowa

wakareka, chibungu charya.” Icho Methodist wakareka, Babptist warya; icho Baptist wakareka, Pentekosite warya. Iyo wakati, “Khuni ili likaŵako,” Joel kula, “likadumulika ulendo wose kufika ku chisinga,” kweni iyo wakakhumbanga kuti wamanye usange ili lakhalengeso lamoyo. O, enya! Iyo wakalisunga Khuni lira. Iyo wakalisunga Khuni lira, enya, bwana, pakuti ili likaŵa Mkwatibwi Wake.

Ndipo Iyo wakati, “Ine nizamkuwezgereska, wakuti Yehova.” Kasi ichi ntchichi? “Ine nizamkuwezgereska ichi, chose icho ŵa Lutheran ŵakurya, na icho ŵa Wesley ŵakarya, na iwo wose. Ndipo ine nizamkuwezgereska ichi, chifukwa chose ichi chichali mu msisi wa Khuni.” Mukuwona?

Ichi chiri chigonere uko mu dongo. Kuyana waka na umoyo uwo ukaruta kusi, umo ine nanguyowoyera za mlongosi, uwu uli chigonere kula. Ndipo mbata ya Chiuta yizamulira, dazi linyake, ndipo ŵakusoreka ŵara ŵa Lutheran, ŵa Methodist, ŵa Baptist, awo ŵakaŵavye chakuchita na bungwe lililose . . .

²¹⁴ Lutera nthā wakapanga bungwe lililose. Moody nthā wakapanga bungwe lililose. Likaŵa gulu lira la ma Rickys, pamanyuma pa iyo, ndilo likapanga bungwe, likatora chikhoko. John Smith wakapanga bungwe lililose yayi. Paliye wa ŵanyake wose wakapanga bungwe; kukaŵa Kuŵara kwa ora. Lutera, Wesley, panji nthā yumoza wa ŵanyake wose; likaŵa gulu lira pamanyuma pake, likiza, ilo likapanga bungwe.

²¹⁵ Mzimu Mutuŵa nthā wakapanga bungwe lililose mu Pentekosite. Pentekosite ndi chakukuchitikira, bungwe yayi. Uwu ukapanga lililose yayi. O, yayi. Kweni munthu uyo wakuyowoya kuti ndi wa pentekosite, wakulipanga bungwe ili. Icho ndi chikhoko uko, chikufwa. M'malo mwakudinikizga ichi pa papela, na kupanga chithuzithuzi chathunthu cha Yesu Khristu kuwonekera; yayi, iwo ŵakajiguzira iwoŵene kuwaro, nthēura iwo ŵaliye chakuchita na Ichi. Warekeni waka iwo.

²¹⁶ Kweni ise tikusanga sono kuti, Kuŵara uku, Khuni ili, Khristu, wakukanikaso na mpingo. Chifukwa? Pa chifukwa chenechira iwo ŵakachita pakudankha, kung'azima kwakale kwautesi kwa kuŵara kwa mazuŵa ghanyake. Ndipo “Iyo ndi mweneyura mayiro, muhanyauno, na muyirayira.” Ŵaheberē 13:8 wakuti Iyo waliko. Iyo ndi mweneyura muhanyauno umo Iyo wakaŵira kale, chifukwa Iyo wakuchita chinthu chenechira Iyo wakachita. Mazgu gheneghara, Khristu yura . . .

²¹⁷ Tegherezgani, ine nkhuKhumba kuti nimutorereni waka imwe sono, ndipo zomerezgani ichi chiŵe cha ndamwene. Ine nkhumanya yayi, ine ndiri pachoko . . .-nkughanaghana kuti kwali ine nizamwene icho sono panji yayi, wonani, tepi iyo. Ine nizomerezenge waka kuti iyi yikhale penepapo. Mukuwona?

²¹⁸ Ine nkhuKhumba kuti ndimufumbeni chinyake imwe. Wonani, laŵiskani ichi. Wonani, “Iyo ndi mweneyura mayiro,

na muyirayira.” Wonani. milimo Yake, yeneiyo Iyo wakachita, yikujiwoneskera iyoyene. Sono tegherezgani mwacheru. Para Iyo wakayimirira kula, mu Yohane 14:12, Iyo wakati, “Milimo iyo Ine nkhuchita imwe muzamuchita namweso. Yikuru kuruska iyi imwe muzamuchita, pakuti Ine nkhiruta ku Wadada Wane.” Sono, Iyo wakayowoya ichi. “Kuchanya na charu chapasi vimarengo, kweni Mazgu ghara ghazamkutondeka yayi.” Sono usange ise tiri ku umaliro wa muwiro, kasi yirinkhu yikuru yira “milimo yikuru” yizamkufumira nkhu? Mukuwona? Ise tiri pano. Ise tilije. . .

²¹⁹ Tegherezgani, usange kalendara ya Chiroma njaunenesko, ise tiri na - sikisi...ise takhala na virimika sate-sikisi. Virimika thu sauzandi virivyose, charu chikufika ku umaliro wake. Virimika thu sauzandi vyakudankha, chikaparanyika na maji; virimika thu sauzandi vyachiwiri, Khristu wakiza. Ichi ndi 1964 chikuruta; virimika sate-sikisi. Sono, kalendara ya wamanyenyezi ya ku Egupto yikuti ise tiri kuwaro na virimika seventini, “tajumpha na virimika seventini kufumira kula,” icho chikutilekera virimika nayintini vyakukhalako.

Yesu wakati, “Ntchito yizamkudumulika, chifukwa cha Wakusoreka, mzire ntha kuzamkuwa munthu wakuponoskeka.” Kasi ise tirinkhu?

²²⁰ “Milimo iyo Ine nkhuchita imwe muzamuchita namweso. Mtundu weneula, kweni yikuru, imwe muzamuchita.” Sono wonani. Tegherezgani mwacheru. Kwerani pa ghinu...Ine nkhuromba kuti Chiuta wajure mtima winu na malingaliro ghinu, kufika ku kapulikiskiro, mwakuti imwe mupulikiske kwambura kuyowoya kuti ichi ntchakusuzga apa. Wonani. Iyo wakayowoya dazi limoza. . .

Tiyeni tiwonopo yinyake ya “mlimo yikuru” Iyo wakachita. Tiyeni tilekezge waka pa vinthu vyakuwengerengeka. Tiyeni tighanaghane.

Nyengo yimoza, Iyo wakati, “Imwe muwapase chinyake chakuti warye.”

Iwo wakati, “Ise tirije chirichose.”

Wakati, “Kasi imwe muli na vichi? Ndipaseni Ine icho imwe muli nacho.”

Ndipo iwo wakati, “Ise tiri na vingwa vinkhonde vya tirigu na somba ziwiri.”

Iyo wakati, “Zaninge navyo kwa Ine.”

²²¹ Ndipo Iyo wakatora vingwa vyabarley vinkhonde vyamusuma ndipo wakayamba kumenya vingwa. Ndipo, kufuma ku chamusuma chiyambi, Iyo wakapanga chakurya. Ichi chikakwanira fayivi sauzandi. Ndi unenesko uwo? Ntheura Iyo wakati, ndipo Iyo wakatora somba, “Ndipaseni Ine somba.” Iyi yikawa somba, kwamba na kwamba. Ndipo Iyo wakatora,

somba yira, somba yinyake na somba yinyake, ndipo wakaryeska fayivi sauzandi. Ndi unenesko uwo?

Kweni mu mazuwa ghaumaliro Iyo wakaŵavye kalikose. Iyo wakayowoya waka, ndipo wakati, “Yowoya uyu waŵenge apo,” ndipo uyu wakaŵako kula, kwambura chirichose mu ili. Iyo wakaŵavye benga; kukaŵavye waliyose kula. Iyo wakayowoya waka kuti, “Kuŵeko,” ndipo chikaŵako. Mukuwona? O, Mazgu Ghake ngambura kutondeka, ndipo Igho ghakwenera kuti ghafiskike.

²²² Ine ningamanya kumuphalirani vinthu ivyo vingamanya kumusunkhunyani imwe. Mukuwona? Ichi chiriko kula para Iyo wakuti ichi chiriko kula. Rekani Iyo wayowoye ichi. Wonani, nkhanira ndendende.

²²³ Wonani, Kuvuma, Kuzambwe apa kwafikaso ndipo kwakumana na Kuvuma. Wakaŵa Moses, wakatora nanga ndi mchenga, ndipo wakati, “Ziŵeko mphanthi,” na vinyake ngati ntheura, “pa charu chapasi.” Kweni mu nyengo yaumaliro iyi Iyo wakatora chirichose yayi; wonani, Mazgu pera. “Rekani ichi chiŵeko,” ndipo ichi chiripo. Icho chayowoyeka, umo ndimo ichi chitiwiringe.

Ine nkikhumba kuti ndiyowoye za vinyake vya vinthu ivyo usiku uwu, wonani, wonani, za icho chikachitika, mwakuti imwe mungamanya kuwona kuti Iyo ndi Chiuta ndipera. Mazgu Ghake ntha . . .

“Milimo iyi yeneiyo Ine nkichita imwe muzamuchita namweso, ndipo yikuru kuruska iyi imwe muzamuchita. Ine nkhatora somba kuti nipange somba; imwe ntha mukwenera kuti muŵe na somba.” Mukuwona? Iyo ndi Chiuta ndipera, ndi Mwana mweneyura ndipera. Mwana mweneyura wa Chiuta uyo wakatora somba kufuma ku somba, ndi Mwana mweneyura wa Chiuta muhanyauno. “Milimo iyi yeneiyo Ine nkichita imwe muzamuchita namweso. Nanga ndi yikuru kuruska iyi imwe muzamuchita.” Iyi yizamukuzgika, “Yikuru kuruska iyi imwe muzamuchita.” Ndipo ŵanthu ŵakukana kuchiwona ichi. Huh! “Milimo yikuru!”

²²⁴ Kuŵara kwautesi. Imwe mukumanya, ine naghanaghananga waka za chinyake. Ine nkhayowoyanga chomene za England, kweni ine naghanaghananga za kuŵara kwautesi. Kuno ntha kale chomene, imwe mose mukukumbukira kwiba kukuru chomene kula—uko England wakaŵa nako, uko kukachitika. Kukaŵa kuyimiskika kwa madola seveni miliyoni. Ine nkhekayika usange kukaŵako kunyake mu charu kwakulinginizgika na ichi. Kuyimiskika kukuru, mwasonosono, kwa madola seveni miliyoni, nanga ndi Scotland Yards yingapulikiska yayi.

Imwe mukumanya umo iwo ŵakachitira ichi? Kugwiriska ntchito kuŵara kwautesi. Iwo ŵakaŵika kuŵara pa msewu wa

njanji, ntchenjezgo, kurutirira kukhira mpaka uku kukafika ku kuwara kuswesi, ndipo wakawayimika iwo. Ndipo kula kwiba kukachitika, nkhanira pa malo ghakwenerera. Kuwara kwautesi kukapereka kwiba kukuru chomene uko vyaru vikamanyapo. Uku kukabira vyaru. Za kuyimiskika kukuru chomene, kwiba kukuru chomene, uku kukachitika pakugwiriska ntchito kuwara kwautesi.

225 Ndipo kwiba kukuru chomene uko mpingo wa Chiuta uli kuwapo nako ndi kuwara kwautesi, kung'azima, bungwe lawo. Uku kwawabira iwo kufuma ku nkhangono ya Mzimu Mutuwa. Uku kwatora kufuma mu mpingo chingwe chenechira cha Umoyo. Uku kuli kuwabira Mazgu iwo, para iwo wazomerezga kachitiro kachigomezgo m'malo mwa Mazgu. Uku kuli kuwabira iwo.

O, iwo wakuyowoya kuti iwo wali na Mazgu. Mazgu ghakujikhalira umoyo Ighoghene ku muwiro; Igho ghakujivumbura Ighoghene pakweru. Iwo wakuyowoya kuti iwo wakawa na Mazgu, nawoso, kale kula mu mazuwa gha Yesu. Kweni Ili likati, "Iwo wakawona Kuwara kukuru," ndipo iwo wakakukana Uku. Iwo wakakuwona Uku, kweni wakakukana Uku.

226 O, kuwara kwautesi, enya, uku kukapangiska mpingo kwibirika kukuru chomene uko kuwapo nako. Vigomezgo vya bungwe vyakuzizima, m'bale, nthavikhwimiskenge Mazgu ghakukhozgeka, njere. Baibolo likati, Yesu wakati, "Mazgu gha Chiuta ndi—Mbewu iyo mumiji wakamija." Mukuwona? Ndipo vigomezgo vyakuzizima nthavighakhwimiskenge Mazgu ghara. Yayi, yayi!

Mazuwa gha mphepo zakuzizima ghakhwimiskenge tirigu yayi. Yayi, mwakufikapo! Ichi chikutora kuthukira kwa zuwa, chifukwa ghakawa Mazgu ghakuyowoyeka gha Chiuta kuti ghachite chinthu chantheura.

Ndipo ichi chitorerenge Mazgu ghakuyowoyeka gha Chiuta, muhanyauno, kuti ghawoneske watuwa wa Chiuta kuti Yesu Khristu ngwamoyo. Kuyana waka naumo Iyo wakawira mayiro, Iyo wali muhanyauno. Vigomezgo na mabungwe vizamuchita yayi ichi. Ivi ndi vyakuzizima na vyambura kupwerera, ndipo njere yivundirenge nkhanira mu dongo. Iyi yingamera yayi pasi pa icho.

227 Ndicho chifukwa, muhanyauno, ise tiri nacho icho ise tikuchita. Ngati wakutemweka withu M'bale Billy Graham, wa chisisimuso chikuru. Ine nkughanaghana kuti Chiuta wakumugwiriska ntchito mwanarumi. Kweni wonani icho iyo wakuchita; wakuruta kuwaro kula pakati pa wa Baptist na wa Prezibetere. Icho imwe mukuchitachi? Mukutora gulu la wakujoyina mpingo.

228 Mukuwona uko wa Southern Baptist wakupanga chiwawa kusika kula chifukwa chakuti iwo wakawa na mabungwe ghanandi chomene, panji, bungwe lawo likakura chomene kuruska la Protestant lililose? Wakatolika wakawaruska iwo wose, pafupifupi, chirimika chamara. Imwe mukuchiwona ichi mu nyuzi? Uwu nadi ukachita. Kudandaula yayi, uku kuwatorengi wose iwo, chifukwa uku kukutorera wa Baptist na wose, nkhanira pamoza. Ndipo iwo wose mbamoza, ndipo wakumanya yayi ichi.

Mphara ya mpingo, Mphara ya Mipingo, yikuwapanga waka wose chinthu chenechira. Bungwe likuwika. . . Chifukwa, ntchifukwa uli imwe mukukhumba kuti mukhale kudera *uku* panji kudera *uku*? Malinga imwe mukukana *Ichi*, kasi chikupanga mphambano uli? Kasi imwe ntha mukugwiriska ntchito mazina gheneghara gha bungwe, kuyana waka naumo imwe muliri pa malo ghomoza? Chimoza, chikoko; ndipo chimoza chinyake, lusimbo. Ntheura, apo imwe muli, ntheura ntha chikupanga mphambano yiriyose.

229 Ndi kwenekuko iyo wali kuwa. Iyo wakadyakapo chididimizgo chake cha kukhozgera, ndipo kula imwe mwachitora ichi. Ndipo kula wose uwu ukurongozga, nkhanira kurunjika ku Nyumba Yituwa, na ku Washington, DC, na—na Mphara ya Mipingo, ndipo kula imwe mukuruta. Waliska wakawatorera iwo nkhanira kumanyuma, ndendende icho Baibolo likayowoya kuti iwo wazamuchita.

Mwe, nakhumbanga nthena koloko yira yayendanga mwaluwiro nthena yayi!

230 Sono, ghanaghanani waka sono apo ise tiri. Lawiskani pa malayizgano gha nyengo iyi, ghakukanikaso. Umo mipingo yachitira mu nyengo yaumaliro iyi, kung'azima kwa bungwe!

231 Kukhalanga mu kung'azima kwautesi ndicho chifukwa Uwu ukhwimenge yayi. Ndicho chifukwa kuti, Mazgu agha, imwe mukuyiwona yayi minthondwe.

232 Wasembe wakandifumba ine, ntha kale chomene, ndipo iyo wakati, “Bwana Branham,” iyo wakati, “kasi iwe ukubapatiza uli?” M—msungwana munyake uyo wakafuma kuwaro kwa mpingo uwu; ndipo wakawereranyuma ndipo wakatorana na mnyamata wa Katolika, ndipo wakaruta ku mpingo wa Katolika. Ndipo iyo wakati wamunjizgenge iyo mu mpingo.

233 Ine nkhati, “Ine nkhamubapatiza iyo mu ubapatizo wa Chikhristu.”

Iyo wakati, “Bishop wakukhumba kuti wamanye.”

Ine nkhati, “Viri makora, uwo uli apo.”

Wakati, “Kasi iwe ukulumbira ku ichi?”

234 Ine nkhati, “Ine nkhlumbira yayi munthowa yiriyose.” Ndipo iyo wakati. . . “Enya,” wakati, “usange iyo wangatora

yayi mazgu ghane pa ichi, enya, icho chiri makora. Chifukwa, ine nkhlumbira yayi. Baibolo likati, 'Ntha mungalumbira kuzunura machanya; ichi ndi Chizumbe cha Chiuta; charu chapasi ndi chitambaliro Chake. Rekani enya winu waŵe "nya," ndipo yayi, "yayi."'" Ine nkhati, "Iyo wakwenera kuti watore mazgu ghane pa ichi."

Wakati, "Enya, iwe—iwe wanguti 'Ubapatizo wa Chikhristu,' kasi iwe ukung'anamura vichi, wakuchita—wakuchita kubizga?"

²³⁵ Ine nkhati, "Iyo ndi nthowa yekha ubapatizo wa Chikhristu ukuchitikira." Ine nkhati, "Ine nkhamubapatiza iyo mu mronga wa Ohio; nkhamubizga iyo mu maji, mu Zina la Yesu Khristu, ndipo nkhamuwuska iyo. Ine nkhamubapatiza iyo mu 'Zina la Fumu Yesu Khristu,' weneuwo ndi ubapatizo wekha pera wa Chikhristu uwo uliko."

Wakati, "Enya, bwana." Iyo wakalemba ichi ngati nthura. Ndipo iyo wakati, "Chachilendo!" Wakati, "Iwe ukumanya, mpingo wa Katolika kale ukabapatizanga munthowa iyo."

Ine nkhati, "Pauli?"

Ndipo iyo wakayowoya. Wakarutirira, ndipo vidumbirano vikarutirira pa kanyengo. Ndipo iyo wakati, "Enya, ise ndise ŵa Katolika ŵa pakudankha."

²³⁶ Kumanya nga kuti, kula kuli nkhanira—mabuku, imwe mukumanya, na mudauko pa ichi, ine nkhati, "Uwo mbunenesko, kweni," ine nkhati, "mukurekerachi imwe kuchita ichi muhanyauno?"

Iyo wakati, "Ise tiri na nkhangono kugowokera zakwananga." Wakati, "Yesu, kasi Iyo wakawaphalira yayi wasambiri Wake, 'Uyo yose mwamumugowokera zakwananga zake, kwa iwo zagowokereka; ndipo uyo yose mwamumugowokera yayi zakwananga zake, kwa iwo zindagowokereke?'"

Ine nkhati, "Enya, bwana. Iyo wakachita."

Iyo wakati, "Nthura kasi icho ntha chikupereka mazaza ku mpingo? Petros wakaŵa mulara wa mpingo."

²³⁷ Ine nkhati, "Usange mpingo ugowokerenge zakwananga umo Petros wakachitira ichi." Ine nkhati, "Sono, para iwo wakafumba, 'Kasi ise tichite vichi kuti tiponoskeke?' Iyo wakati, 'Rapani, waliyose wa imwe, ndipo mubapatizike mu Zina la Yesu Khristu kuti zakwananga zinu zigowokereke.'" Ine nkhati, "Imwe kuchita icho, ndipo Ine niyendenge namwe."

"O," iyo wakati, "iwe ukuyezga kugwiriska ntchito Baibolo."

Ine nkhati, "Agho ndi Mazgu."

Iyo wakati, "Chiuta wali mu mpingo Wake."

Ine nkhati, “Chiuta wali mu Mazgu Ghake. ‘Munthu waliyose, mazgu gha wanthu wanyake, ndi utesi; Ghake ndi Unenesko.’” Mukuwona?

²³⁸ Ntheura kulije nthowa yakuti iyo wangamanya kuchiwona ichi. Kweni kula—kula iwo wakuruta, wakurutirira nkhanira mu mdima. Ndipo wa Protestant, mwa masauzandi, wakurondezga ichi. Iwo wali apa, nkhanira wafika ku kuzomerezganga vigomezgo vyawo na vinthu, wakurutiriranga nkhanira mkatikati. Mazgu kuyowoyanga nkhanira pakweru, kusimikizgiranga ichi, Yesu Khristu kujiwoneskanga Iyomwene, “mweneyura mayiro, muhanyauno, na muyirayira.” Mu kung’azima kula kwa chigomezgo, iwo wakuruta nkhanira kuwaro wakunjira mu mdima. Ngati ndiumo iwo wakachitira mu nyengo ya Nowa, ngati ndiumo iwo wakachitira mu nyengo zose, iwo wakuchitaso ichi muhanyauno, wakunjira nkhanira mu mdima! Chifukwa? Iwo wakukana Kuwara chifukwa chisambizgo cha waburumutizga iwo.

²³⁹ O, ndi ora la mdima uli ilo ise tirimo sono! U-huh! Enya, iwo wakukana Kuwara Kwamuyirayira kwa unenesko kwa Khristu, ndipo icho ndicho chikuchita ichi.

²⁴⁰ Mabungwe ghakuzizima ghangapereka Umoyo yayi ku Mazgu gha Chiuta, chifukwa ili likupereka umoyo ku bungwe lawo. Ise tiri wanandi wakujiyowoya kuti Mbakhristu sono nthena. . . La wiskani kuno, usange Mukhristu. . .

ine nkhamufumba ichi msofi uyu: “Usange. . . Ine nizomerezanenge nawe kuti mpingo wa Katolika ukawako, pa chiyambi, pa Pentekosite, ntha pa Nicaea, Rome.” Mpingo ntha ukayambira pa Nicaea, Rome, Uwu ukayambira pa Pentekosite, wonani, ku Yerusalemu ndiko Mpingo ukayambira.

²⁴¹ Kweni ine nkhati, “Apa, ine nizomerezgenge kuti wanthu awa, wazga wara, na vinthu, awo wakapokera Mzimu Mutuwa, iwo. . . mabwana ghakawona mazaza ghawo, na vinthu, ivyo iwo wakachitanga, kuwuskanga wakufwa, kuyowoyanga malilime, kufumiskanga viwanda, kuroskeranga vinthu, ndipo waprofeti pakati pawo, na wanyake ntheura, wakiza wavwara vikumba vya mberere pa iwo, wakaryanga mphangwe, wakiza ku Mphara yira ya Nicaea, na wanyake ntheura, ah, wanarumi wakuruwakuru, ndipo kula iwo wakiza kufuma kula, ndipo wakiza kula ku Mphara yira ya Nicaea, kuyimiranga Mazgu ghara.

“Kweni, mazuwa fifitini ghara gha ku ndopa, iwo wakazomera, ‘Dada, Mwana, na Mzimu Mutuwa,’ ngati chisambizgo, m’ malo mwa Chisambizgo cha Baibolo, ‘mu Zina la Yesu Khristu,’ kwizira mu icho kukiza mipingo yose ya Protestant, yikababikira nkhanira mu ichi, chinthu chenechira, vinthu vinyake vyose ivi, kapulikiskiro kautesi ka Mzimu Mutuwa, iwo wakatora, wakutora monesko, wakumwa vinyo,

‘Icho ndi *chingwa chituwa*, icho chikung’anamura, ‘Mzimu Mutuwa,’ msofi wakupereka ichi kwa imwe.”

²⁴² Sono, Baibolo ntha likuwazgika, “Para Dazi la Pentekosite likati lafika mwankhongono, apa wakwiza msofi wakukwera na msewu, kolara yakugadabulika, wakati, ‘Fumiskani kuwaro lilime linu ndipo torani chingwa chituwa.’” Yayi, Ili ntha likati, “Mwaŵanthu mose imwe uku kwererani kuno ndipo munipase ine woko linu la wenenawene, imwe wa Baptist, wa Methodist, na wa Baptist, Ine ndiŵikengepo zina lako. Mwize na kalata kufuma kumalo kunyake.”

²⁴³ Iyo wakati, “Iwo wose ŵakaŵa mu malo ghamoza, mu kuzomerezgana kumoza. Ndipo kwamabuchibuchi kukiza mphomezi kufuma Kuchanya ngati mphepo yankhongono yakuputa, ndipo iyi yikazura chipinda chose umo iwo ŵakaŵa. Iwo wose ŵakazuzgika na Mzimu Mutuwa, ndipo ŵakayamba kuyowoya malilime ghanyake, umo Mzimu ukaŵapira iwo mazgu. Ndipo kula...” Kuwaro ku msewu iwo ŵakaruta, ŵakuzendamira ngati ŵanthu ŵakuloŵera, Mariya na ŵanyake wose wa iwo, pasi pa nkhangono ya Mzimu Mutuwa.

Chifukwa, ŵanthu ŵakati, ŵakaŵaseka iwo, ndipo ŵakati, “Ŵanthu aŵa ŵakhuta vinyo muphya.” Kasi iwo ŵakaŵa vichi? Ŵakaburumutizgika na chisambizgo.

²⁴⁴ Mupharazgi muchoko yura-wambura kumanyikwa wakayimirira apo, wakuthyika Petros, ndipo iyo wakati, “Imwe madoda gha Yudeya na imwe mwaŵeneimwe mukukhala... Imwe madoda gha Yerusalemu, ndipo mukukhala mu Yudeya, rekani ichi chimanyikwe kwa imwe, ndipo pulikani mazgu ghane. Aŵa ŵaloŵera yayi. Kweni rekani ine ndimuphalireni imwe icho Lemba likayowoya icho chizamkuŵako. Uku ndi Kuŵara. Agha ndi Mazgu ghakuwonekera.” Amen.

Chinthu chenechira chikuchitika muhanyauno, ndipo iwo ŵakuchita ngati ndiumo ŵakachitira kale, ŵakafumapo ndipo ŵakapukunya mitu yawo. Wakati, “Ŵalekeni ŵekha iwo; wachiburumutira kurongozga wachiburumutira, iwo wose ŵakuwa mu chibuwu.”

²⁴⁵ O, ichi chikutorera Khristu, Umoyo Wamuyirayira, kuti wapange Mazgu gha Umoyo kufika ku kukhozgereka, kuzgoka thupi. O, mwe, lusungu! Chikutorera Mazgu...chikutorera Mzimu Mutuwa kuti wapange Mazgu gha Chiuta kuŵa ghakuchitachita.

²⁴⁶ Para Yesu wakati, “Rutani mu charu chose, ndipo mukapharazge Ivangeli ku chilengiwa chirichose.” Sono wonani, Marko 16, kutuma Kwake kwaumaliro. “Charu chose, charu chose,” ili lichali lindafike kula, wonani. “Charu chose, ndipo mukapharazge Ivangeli ku chilengiwa chirichose. Iyo mweneuyo wakugomezga,” mu charu chose, “ndipo wabapatizika wati waponoskekenge; iyo mweneuyo wakugomezga yayi wati

wasuskikenge. Ndipo vimanyikwiro ivi viw̄arondezgenge w̄eneawo w̄akugomezga.”

“Iwo w̄akoranenge chasa na mupha-...”? Yayi. “Iwo w̄aw̄enge membara muweme wa mpingo”? Yayi.

“Mu Zina Lane iwo w̄afumiskenge viw̄anda; iwo w̄ayowoyenge malilime ghaphya; iwo w̄akorenge njoka; panji, kumwa vinthu vyakukoma, ichi chiw̄apwetekenge yayi iwo; usange iwo w̄aw̄ika mawoko ghawo pa w̄arwari, iwo w̄achirenge.” O, mwe!

²⁴⁷ Kukafika kochi? “Chilengiwa chirichose.” Kukuru uli? “Charu chose,” mpaka Iyo wafikeso. “Vimanyikwiro ivi...” “Iyo mweneuyo wakugomezga pa Ine, milimo iyo Ine nkhuchita wazamuchita nayoso. Nanga ndi yikuru kuruska iyi iyo wazamuchita, pakuti Ine nkhiruta ku W̄adada W̄ane.”

²⁴⁸ O, umo ise tingamanya kuruta kutali na Ichu ndi chikuru kuruska umo ine ningayowoyera! Ise tiri mu mdima ukuru chomene sono kuruska umo iwo w̄akaw̄ira. Sono niri waka na mavesi ghakuw̄erengeka apa, pamanyuma ine nkhukhumba kuti nifike ku umaliro mwaluw̄iro umo ninga-... Ise tiri mu mdima ukuru kuruska umo iwo w̄akaw̄ira.

Ine nkhumanya kuti ine nkhumuvuskani imwe apa, pafupifupi ora na hafu. [Gulu likuti, “Yayi.”—Munozgi] Kweni, wonani, tepi iyi yikurutirira mkati mula. Mukuwona? Mukuwona?

²⁴⁹ Iwo w̄ali mu mdima ukuru kuruska umo ise tiliri. Ine nanguyowoya mazgu, agho. Chifukwa? Mipingo, mu kung’azima uku, nkhwakupuruska chomene, uku kukuwoneka ngati kuti uwu ndi Unesko. Sono, kasi Yesu wakayowoya yayi? Tiyeni tiwone Mateyu 24, wonani. Mateyu 24, Yesu wakayowoya kuti, “Mu mazuw̄a ghaumaliro, mizimu yiw̄iri yizamkuw̄a yakukozgana chomene kufikira kuti chingamanya kupuruska W̄akusoreka usange ichi chikaw̄a chamachitiko.” Patiw̄enge gulu lakusoreka lafuma kuti lipange Mpingo, mu mazuw̄a ghaumaliro. Ndipo mabungwe agha, na icho igho ghakuchema kuti ndi Unesko wawo, chiw̄enge kufupi chomene ngati Chinthu cheneko, mwakuti ichi chingamanya kupuruska W̄akusoreka, nanga ndi w̄a Pentekosite.

²⁵⁰ Sono, imwe mukumanya kuti imwe mungamutora yayi wa Pentekosite na kumupusika iyo na chinyake cha Methodist panji chisambizgo cha Baptist. Imwe nthu mumuphalirenge iyo icho. Iyo wakumanya makora. Imwe mumupusikenge yayi wa Baptist munyake na chisambizgo cha Lutera, nesi munyake. Mukuwona?

Ndipo nesi imwe mupokerenge Uthe-...mupusikenge Uthenga, sono mu Mazgu agha, kugwiriska ntchito chisambizgo chinyake cha Pentekosite, chautesi “Dada, Mwana, Mzimu Mutuw̄a,” na vinthu vyose ivi ngati ivyo, na kumanyuma kula mu vigomezgo vira ivyo iwo w̄ali navyo mu ndondomeko yira ya

bungwe. Yayi, nadi. Imwe muwapusikenge yayi iwo, chifukwa Wakusoreka wazamkupasikika yayi.

²⁵¹ Kasi ichi ntchichi? Kasi ichi ntchichi? Kupusika. Kung'azima uku, kasi uku kukuchita vichi? Uku kukurongozgera mpingo ku mphara yakukoma, kugwiriska ntchito kung'azima kwawo. Kula kuwenge kukomeka kwaumaliro, para uwu na Roma wajoyinana pamoza. Para iwo wapanga chikozgo chira cha chikoko, kula ndi kukomeka kwaumaliro. Ndipo kung'azima uku uko imwe muli nako sono, lawiskani waka icho uku kukuchita, kuwarongozgera wanthu. Ichi ndi mbuzi.

²⁵² Mbuzi nyengo zose yikuyirongozgera mberere ku kukakomeka. Imwe muli kuchiwona icho mu malo ghakukomeramo. Mbuzi yira yichimbilirenge nkhanira kula na kuyirongozgera mberere, pamanyuma iyi yidukirenge kuwaro na kupanga mberere kurutirira kukanjira mkati. Icho ndicho iyi yikuchita. Iyi nyengo zose yikuchita.

Zikaŵa mbuzi izo zikamurongozga Yesu, Mwanamberere, kuruta ku kukakomeka. Mbuzi za Chiroma! Uwo mbunenesko.

Ndi—ndi mbuzi za bungwe muhanyauno ndizo zikurongozgera mberere zambura kwananga kuruta ku kukakomeka. Wakujiwikapo iwowene, mazina ghawo pa mabuku ghara kula, ndipo iwo wamara. Ilo ndi lusimbo la chikoko. Mu Zina la Fumu, ine nkhuwoyoya. Nkhasungilira icho kwa nyengo yitali. Uwo mbunenesko. Icho ndi ndendende. Kasi chikoko ndi vichi? Kasi chikoko ndi vichi? Ndi dongosolo la urongozgi wa Chiroma, bungwe lakudankha. Kasi lusimbo lwa ichi ndi vichi? Chinthu chenechira, ndendende, chinthu chenechira ndendende umo chira chikaŵira. Kukoma, ku kung'azima!

²⁵³ Kweni panthazi pa mdima wasono, ise ndipouli takuwona Kuwara kwa Chiuta kukuwara. Umo ise tiliri wakuwonga pa icho!

²⁵⁴ Tegherezani mwatcheru. Ise takuwona Kuwara, Mazgu Ghake agho Iyo wakalayizgira ku nyengo iyi, ghakusimikizgika na ghakukhozgeka. Ndi Unenesko, Kuwara kwa nyengo iyi. O, mwe! Ine ndine wakukondwa chomene. Paliye chakwanangika. Paliye chirichose.

²⁵⁵ Kuno nthu kale chomene mupharazgi wakayowoyanga kuti iyo wakaŵa kusika mu Florida, ndipo iyo wakaŵa na—galimoto, ine nkhuwomezga yikaŵa Chevrolet, ndipo iyi yikamunangikira iyo. Iyo wakatondeka kuyinozga iyi. Ndipo iyo wakaruta ku garaja, ndipo makanika mulara pachoko wakanjiranga kusia kwa iyi na kukweranga pachanya pa iyi, na kupenjanga zingirizge; iyo wakatondeka kuyinozga iyi. Ndipo iyo—iyo wakayezga *ichi*, ndipo ichi chikagwira ntchito yayi. Ndipo iyo wakayezga chinthu chinyakeso; ichi chikagwira ntchito yayi. Iyo wakaŵikapo genereta, wakaŵikapo *ichi*, ndipo wakaŵikamo mapulagi, wakaŵikamo mapoyinti; iyo wakatondeka kupanga

iyi kuti yigwire ntchito. Iyo wakatondeka kupanga iyi kuti yigwire ntchito.

Paumaliro, mwanarumi wakavwara makora wakiza. Iyo wakati, “Uli ine nimupeniko zeru zinyake?”

²⁵⁶ Mekanika pachoko wakaŵa na mahara ghakukwanira kuti wayowoye, “Enya, bwana.”

Iyo wakati, “Imwe mutore *ichi*, ndipo mwandaniskane na *ichi* na *ichi*, ndipo,” iyo wakati, “ŵikaniso icho pamoza ndipo muiyeyze iyi.” Ndipo iyo wakatora kwandaniska na *icho*, ndipo wakaŵika ichi pamoza, ndipo iyo yikalira.

²⁵⁷ Mekanika muchoko wakang’anamuka, ndipo wakati, “Yowoyani, ndimwe anjani imwe?” Iyo wakaŵa injiniyara, General Motors’ injiniyara mulara. Iyo wakanozga chinthu. Iyo wakaŵa mweneuyo wakapanga iyi.

²⁵⁸ Ndipo, muhanyauno, para ise tikuyowoya za Methodist, Baptist, na wa Prezibetere, Mekanika Mukuru wali muno, Chata wa Mazgu Ghake, Munthu Uyo wakalenga kuchanya na charu chapasi, ndipo wakapanga Mpingo Wake! Kasi Iyo wakumanya vinandi vya icho chikukhumbikwa cha Mkwatulo, panji kasi Methodist panji mpingo wa Baptist ukumanya vinandi vya icho chikukhumbikwa? Iyo ndi Mlengi. Iyo wakumanya icho ichi chikukhumbikwa. Iyo wavwara makora mu Nkhongono ya chiwuka Chake. Aleluya! Iyo wakwenda pakati pithu, muhanyauno, mu Nkhongono ya chiwuka Chake.

Iyo wakumanya icho ichi chikukhumbikwa kuti chikhazikiske Mpingo mu dongosolo la Mkwatulo. Iyo wakapanga Ichi, ndipo wakaŵika viduswa pamoza umu mu Baibolo. Amen! Zomerezgani waka Nkhongono yiyendere mu Ichi, sono wonani Ichi chikugwira ntchito. Zomerezgani chipulikano, mu Mazgu Ghake ghakulayizgika gha muhanyauno, ghayenderere, imwe muwonenge umu Ichi chikuchitira. Chifukwa? Iyo wakapanga chinthu. Iyo wakapanga Mpingo Wake kugwiriska ntchito Mazgu. Icho ndicho Iyo wakuŵika pamoza. Ntha wakugwiriska ntchito Methodist, panji Baptist, panji Prezibetere, panji bungwe la Pentekosite; kweni wakugwiriska ntchito Mazgu Ghake. “Munthu wakhalenge wamoyo ntha na chingwa pera, kweni na Lizgu lililose ilo likufuma mu mlomo wa Chiuta.” Enya, bwana.

²⁵⁹ Fumaniko ku kung’azima kula, mkatikati mwa mdima, nyengo ya mdima iyi iyo ise tikukhalamo sono. (Niri waka na maminiti fayivi ghakhalako.) MKatikati mwa mdima, ndinjani wamufumiskengemo Mkwatibwi muchoko? Ndinjani wakumanya za Ichi? Mlengi mukuru. O, enya. Kufuma mu nthimbanizgo yose iyi ya kung’azima!

Uku, kung’azima kwa Methodist nthowa yimoza, kwa Baptist kunyake, ndipo kwa Prezibetere kunyake, ndipo kwa Pentekosite kunyake, kung’azima kose uku zingirizge. Iwo

ŵakuchimbira, ŵakuŵika zina lawo kudera *uku*, mu kung'azima umu *uku*; ŵafika kuzakafuza, chinyake kula. Ndipo ŵakwiza kudera *uku*; ndipo muli chinyake mula. Ŵakwiza kudera uku . . .

²⁶⁰ Ngati ndiumo ine nkhayowoyera kwa wasembe yura, “Usange imwe mose ndimwe mpingo wa pakudankha, ndipo imwe mukarondezga chisambizgo cha ŵanarumi aŵa ŵakakhala pamoza pa Nicaea, ntchifukwa uli imwe mulije nkhangono iyo iwo ŵakaŵa nayo kula mu mtendeko nthura? Ntchifukwa uli imwe nthu mukuchita vinthu ivyo iwo ŵakachita, vyeneivvo Yesu wakayowoya?”

Wakati, “O, ise ndise ŵanthu ŵanandi sono. Ise, ise tikukhala mu muwiro unyake.”

²⁶¹ Ine nkhati, “Kweni Mazgu ghakusinthu yayi. Iyo wakati, ‘Vimanyikwiro ivi viŵarondezungenge iwo ku miwiro yose. Kuchanya na charu chapasi vimarenge, kweni Mazgu Ghane ghazamkumara yayi.’ Ndicho ichi.”

Iyo wakati, “Enya, iwe ukuyowoya za Baibolo.”

²⁶² Ine nkhati, “Enya, Mazgu, gheneagho ndi Khristu.” Uwo mbunenesko. Ndipo nthura apo imwe muli. Mukuwona?

²⁶³ Ndipo mu kung'azima uku, ŵa Methodist ŵakuwoneska kwawo, ŵa Baptist kuwoneska kwawo, ŵa Prezibetere kwawo, uliwose kukuranga na kukuranga, nyengo yose.

Mkwatibwi muchoko wachitima, kasi Iyo walinkhu? Iyo wakachimbirira uku ku ŵa Pentekosite Oneness, kanyengo; Iyo wakuŵika zina Lake kula, ndipo Iyo wakuti, enya . . . Wakati wafufuza, wonani icho iwo ŵakuchita. Iwo ŵakwiza kudera uku, ndipo, “Imwe mukwenera kuti muŵe kwa ise. Usange imwe nthu muli mu mpingo withu, imwe nthu muli nanga ndi mu Mkwatibwi. Imwe nthu muli nanga ndi kanthu.” Rutani kudera uku ku ŵa Assemblies, ndipo wonani icho iwo ŵali nacho; kula imwe muli kamozaso. Rutani kusika ku ŵa Baptist, wonani icho iwo ŵali nacho. Laŵiskani pa Prezi- . . .

²⁶⁴ Kasi kuchitikenge vichi ku Kanthu kachoko kachitima? Mukuwona? Kweni Iyo wakuphuka. Kudandaula yayi. Iyo wamufika kula.

²⁶⁵ Munthu wakayowoyanga, kuno pafupifupi virimika vyakuŵerengeka vyajumpha. Iyo wakaŵa kusika ku New Mexico. Ine nkhapangiska ungano kula kufupi ku Carlsbad Caverns. Imwe muli kupulikapo za iwo kusika kula, ŵakuruŵakuru . . . Ndipo iwo ŵakatora mwanarumi na muwoli wake, na gulu la ŵana, ŵakakwera pa chikepi ichi, ŵakaruta ulendo wose kukhira kufika pasi nkhanira paumaliro. Ndipo para iwo ŵakati ŵafika pasi kula, iwo ŵakazimwa magesi ghose. Ndipo para iwo ŵakati ŵazimwa magesi ghose, ukaŵa mdima wa pakati pa usiku.

Ine nkhaŵapempha iwo kuti ŵachite icho mu malo agha kuno, ndipo pa nyengo yimoza kula mu Colorado kula, muwoli na ine, kumanyuma kula, tikaŵa mwenemula. Ndipo iwo ŵakazimwa magesi ghara mula. Mwe, iwe kuŵika woko lako ngati *ntheura*, iwe ukawona chirichose yayi.

Ndipo kukaŵa msungwana muchoko wakayimirira kula, ndipo iyo wakayamba kulira, “O!” Kuliranga. Iyo, iyo wakachita wofi wa ku nyifwa, kukaŵa mdima chomene. Kanthu kachoko kachitima kakapapaskanga palipose, na kuyezganga kulira na kuchemanga adada na amama ŵake, kulikose. Iyo wakatondeka kuzizipizga ichi, kukaŵa mdima ukuru chomene. Iyo wakauwonapo yayi mdima wantheura.

²⁶⁶ Ndipo pafupifupi umo ndimo kuliri sono. Uwo mbunenesko. Kuli mdima chomene mwakuti mukumanya yayi kwakuti murute. Imwe murute ku Methodist, murute ku Baptist, murute ku Prezibetere, chose ndi chinthu chenechira, wonani, kuryanga ghakale ghakufwa ghara, manna ghakuvunda ghali na mphorosi mu agha. Wonani, chinthu chenechira, chisambizgo chinyake, “Njirani ndipo mujoyine *uwu*, ndipo munyake, *ula*,” chisambizgo chakale na chirichose. Imwe nthā mukumuwona Khristu mu ichi. Mukuwona? O, imwe mukuwona ŵanthu ŵa urunji wa iwoŵene, ine ningamanya kuyowoya *ntheura*. Ŵanandi ndi ŵanthu ŵaweme mwenemula sono, mu mabungwe ghara. Ine nkhuoyowoya ndondomeko, nthā ŵanthu mkati mula. Kweni, imwe wonani, icho ndicho iwo ŵakurya. Kuŵaphalira iwo za ichi!

Ndipo *Apa* pali Chakurya chafureshi!

²⁶⁷ Ndipo msungwana muchoko uyu wayimirira apo, iyo wakaliranga, mazgu ghake pachanya, wakakhala pachoko kuti wayambe kuzirika; pafupifupi ngati ndiumo Mkwatibwi muchoko waliri. Kweni imwe mukumanya kasi? Mudumbu wake muchoko wakachemereza, wakati, “Mlongosi muchoko, kuchita wofi yayi.” Chifukwa, iyo wakayimirira nkhanira pafupi na injiniyara. Wakati, “Muli mwanarumi muno uyo wangamanya kubuska magesi.”

Kuchita wofi yayi, Mlongosi muchoko, muli Mwanarumi muno Uyo wangamanya kubuska Magesi. Iyo wangamanya kupanga Mazgu agha kuŵa ghamoyo. Ise tikumanya yayi umo Iyo wafikirenge. Ise tikumanya yayi umo, apo Iyo wafikirenge. Ine nkhumanya chirichose yayi za icho. Kweni Iyo wali muno, ndipo Iyo wangamanya kubuska Magesi. Kasi ise tifumengemo uli mu ichi? Ine nkhumanya yayi. Kweni Iyo wali muno, ndipo Iyo ndi Mweneuyo wangamanya kubuska Magesi. Enya, bwana. Iyo ndi Mweneyura. Iyo ndi Kuŵara. Iyo wakujivumbura waka Iyomwene, umo ndimo Iyo wakubuskira Magesi. Unenesko ndendende.

Ichi chikutorera Khristu, kuti wawoneskere Kuwara Kwake, pamanyuma mdima wose ukumara. Iyo wakupatulanya. Iyo wokusoloramo Mkwatibwi Wake muchoko. “Ine nitorenge wanthu kufuma pa Wamitundu, chifukwa cha Zina Lane, awo wawenge na Zina Lane.” Kasi Zina Lake ndinjani? Viri makora. Ntha Methodist, Baptist, Prezibetere, Lutheran. Ndi Yesu Khristu. Uwo mbunenesko.

²⁶⁸ Iyo ndi Kuwara, Unenesko; Kuwara, ndipo mulije mdima mwa Iyo. Ndipo Iyo wakuparanya mdima para Iyo wafika, chifukwa Iyo ndi Mazgu. Mazgu ndi Kuwara. Uwo mbunenesko. Chifukwa, Iyo wakayowoya ndipo wakati, “Kuweko kuwara,” ghara ghakawa Mazgu agho ghakuzgoka kuwara. Para Iyo wakuyowoya *Ichi*, ichi ndi Kuwara kwa muwiro ula, nyengo yiriyose.

Sono Iyo wali muno, mu—ntha mu kung’azima; kweni wanthu wakukhala mu kung’azima. Kweni Iyo ndi Mazgu ghakukhozgeka. Iyo mwakufikapo ndi—Kuwara mu nyengo ya mdima. Enya, bwana. Kung’azima kose uku kwatesi na vinthu vitimareng. Enya, bwana. Iyo wali muno. Kuwopa yayi. Buskani Magesi, Mazgu Ghake ghakulayizgika. Agha ngamoyo. Agha ghakupanga...

“Iyo mweneuyo wakugomezga mwa Ine, milimo iyo Ine nkuchita, imwe namweso.” Ntheura, ichi ndi Mazgu. “Umo Wadada wakanditumira Ine, ntheura Ine nkhumutumani imwe.” Wadada awo wakamutuma Iyo, wakunjira mwa Iyo. Yesu uyo wakumutumani imwe, wakunjira mwa imwe. Ndipo milimo iyo Iyo wakachita kale, Iyo wakuchita chinthu chenechira, chifukwa (chavichi?) Mazgu ghazgoka thupi, mu thupi la munthu, ghakujiwoneskera Ighoghene ngati Kuwara kwa nyengo iyi. Apo ise tiri. Icho chiri apo. Ichi chikuwoneska waka nthowa yakuruta ku Kuwara, mu Kuwara. Wanarumi wavinjeru, awo ntha wakuburumutizgika na visambizgo na bungwe, wayendenge mu Kuwara kula. O, mwe!

²⁶⁹ Muli Mwanarumi muno uyo wangamanya kubuska Magesi, makora waka. Kasi Iyo wakuchita vichi? Pakuchita kukhozgera Mazgu Ghake ku nyengo iyi. Yesu, Mwana wa Chiuta, Uyo wakalayizga Mazgu gha nyengo iyi, wali nkhanira muno na ise.

Kuchita mantha yayi. Rekani kuwikako zero ku ku icho iwo wakuchita; imwe kuchita, imwe muyendenge mu mdima.

Muwe wavinjeru. “Iwo weneawo wakuchita mwachinjeru,” Daniel wakati, “mu mazuwa ghaumaliro agha, wazamuchita vikuru vya Chiuta wawo.” Mukuwona? Mukuwona? Iwo wayendenge mu Kuwara, umo Iyo waliri mu Kuwara.

²⁷⁰ Kudandaula yayi. Panyake kungawa mdima, kuwoneka ngati kuti iwo watichichizgenge ise, waliyose yumozayumoza. Yose iyi, imwe wonani uthenga wawo ukuchitika, “Mipingo yichoko yose iyi na vinthu vikwenera kuti vinjirengemo sono.

Imwe mukwenera kuti munjire,” panji iwo wamujarireninge imwe. Iwo wachitenge ichi.

²⁷¹ Sono ise tikukhumba kuti tikang’anthe icho mwankhongono chomene, usiku uwu, para ine nafika ku nyengo iyi, wonani.

²⁷² Sono, iwo, “Ise wâtijarirenge.” Imwe mukwenera kuti muwe yumoza wa iwo, panji yayi. Imwe—imwe panyake muli mu icho, panji imwe mungachita chirichose yayi, mungagura yayi panji kuguriska. Ndicho ichi. Imwe mungarombera yayi warwari. Usange imwe mwasangika kuti mukutumikira murwari waliyose panji munthu munyake wali na chinthu chauzimu mkati mula, imwe mukukakika na dango la charu, kuti mukomeke. Uwo mbunenesko ndendende. Mukuwona? Imwe mukumanya icho. Uwo mbunenesko. Ichi chiri mu nyuzi zawo. Enya, bwana. Ntheura, imwe mungachita yayi ichi, imwe mukwenera kuti muwe membara wa gulu lawo.

M’bale, reka ine ndikuphalire chinyake iwe. Iwe ntchiweme uwele Khristu mwakusimikizga mu mtima wako sono nthena, chifukwa nyengo yitizenge penepapo iwe uzamkuwukhumba chomene Uwu. Iwe uli kuwara nyengo yira. Kumbukira, para chididimizgo chira chaŵikikapo, uyu wali kula muyirayira. Mukuwona? Ntheura, iwe kuchita yayi ichi. Iwe kugomezga yayi vinthu ivyo. Iwe njira nkhanira mwa Khristu sono nthena, Mazgu. Enya, bwana.

²⁷³ Chikukhozgera Mazgu, ndipo chikuwoneska kuti Ichi ndi Kuwara kwa nyengo iyi. Umo ndimo ise tikumanyira kuti Iyo ndi Kuwara, chifukwa Iyo ndi Kuwara kujiwoneskeranga Ighoghene mu thupi.

Kasi ise tikumanya uli? Iyo wakaŵa Mazgu gha Chiuta ghakuzgoka thupi. Wonani, Mazgu gha Chiuta ghakajiwoneskanga Ighoghene, kujikhozgeranga Iyomwene, para Mesiya wafika, ndicho Iyo wazamuchita.

²⁷⁴ Mwanakazi wakayowoya, pa chisime, “Para Mesiya wafika, Iyo wazamuchita vinthu ivi. Imwe mukwenera kuŵa Muprofeti, cheneicho ndi Mazgu, kutiphaliranga nkhanira ise vinthu ivi.”

²⁷⁵ Iyo wakati, “Ine ndine Iyo.” Mukuwona? Chira chikakwanira. Kuwara kukaŵalira pa Mazgu ghaphangano. Apo pali Kuwara.

²⁷⁶ Nkhanira mu msumba iyo wakaruta, wakati, “Zaninge, mumuwone Mwanarumi Uyo wakandiphalira vinthu ivyo ine ndiri kuchita. Kasi uyu ndi Mesiya mweneyura yayi?” Chira chikaŵa ichi. Mukuwona? Paliye kanthu kwali wanyake wakayowoya vichi, iyo wakamanya kuti yura wakaŵa Mesiya.

²⁷⁷ Kumbukirani, mu muwiro uliwise, mu nyengo ya mdima, Chiuta nyengo zose wali kuŵa na Mazgu Ghake kuti wapatulanye Kuwara kufuma ku mdima.

Iyo wakaŵa nagho Agha mu mazuŵa gha Lutera, penepapo mpingo wa Katolika ukaŵa na chirichose; Iyo wakatuma Lutera ngati Kuŵara kukuru, ndipo Lutera wakapatulanya Unenesko kufuma ku mdima.

Ndipo para ŵa Lutera ŵakati ŵatimbanizgika, Iyo wakapanga John Wesley, ndipo iyo wakapatulanya Kuŵara kufuma ku mdima.

Ndipo mu mazuŵa gha pentekosite, para ŵina Wesley ŵakati... na ŵa Methodist wose ŵakati ŵatimbanizgika, na ŵa Baptist, na ŵa Prezibetere, Iyo wakatuma uthenga wa chipentekosite kuti wapatulanye Kuŵara kufuma ku mdima.

Pentekosite wakawerera nkhanira kumanyuma wakanjira mu mdima kamozaso mu bungwe lawo, ŵakatora visambizgo vyawo na vintu.

Sono ora lafika kuti Mazgu agha ghakhozgeke. Iyo wakutuma Kuŵara, Mazgu ghakuwonekera, ngati ndiumo Iyo wakachitira mu mtendeko; wakutuma Mazgu, ndipo Igho ghakujisimikizgira Ighoghene. Kuliko Kuŵara, ndipo Iyo nyengo zose wakupatulanya. Chimozi zose, ngati Kuŵara kuchoko Kwamuyirayira mu mtendeko.

²⁷⁸ Kulaŵiskanga ŵana, umo ine nanguyowoyera, ine najumphana maminiti fayivi sono. Kweni rekani ine niyowoye chinthu chimoza ichi.

Muli Mwanarumi muno! Kuchita mantha yayi, palije kanthu kwali iwo ŵakuyowoya vichi. Ine ndiri kuchiwona ichi chikufika ku nyengo uko ine nkhamanya chakuti nichite chakurondezgako, kweni Iyo nyengo zose walipo. Kuŵapo kwambura kutondeka, Iyo nyengo zose waliko kula. Iyo wangamanya kubuska Magesi. Enya, bwana. Iyo wakulindizga waka, wawone icho imwe muchitenge. Iyo wangamanya kukwezga switchi nyengo yiriyose Iyo wakukhumba kuchita. Enya, bwana.

²⁷⁹ Muli Mwanarumi muno uyo wangamanya kubuska Magesi. “Iwo ŵeneawo ŵakhala mu madera gha muzgezge wa nyifwa,” ŵanyake ŵa iwo ŵakufwa na kansa, ŵanji ŵa iwo ŵakukomeka na bungwe, ŵanji ŵa iwo ŵakukomeka na visambizgo, ŵanji ŵa iwo ŵali pasi pa mwambo, na mitundu yose yira ya nyifwa, “ndipo iwo ŵawona Kuŵara kukuru.” Mwanarumi uyo wakabuska Magesi nyengo yira, ndi Yumoza Uyo wakayowoya, mu mtendeko, “Kuŵeko kuŵara.” Chiuta mweneyura, “mayiro, muhanyauno, na muyirayira,” Iyo wali muno muhanyauno, sono nthena. Kuchita mantha yayi. Iyo wangamanya kubuska Magesi.

Para kuzikizgika kwafika, kuchita mantha yayi. Kuliko Kuŵara, wakayowoya kuti Iyo wazamkuŵakwatula ŵanthu Ŵake. Uwu ntha uzamkwendera mu kusauskika. Uwu zamuchita yayi ichi. Iyo wakayowoya kuti Uwu zamuchita yayi. Uwu zamukwatulika. “Kasi iwo ŵachitenge uli ichi, M’bale Branham? Kukuwoneka kwamdima chomene!” Palije

kanthu kwali kuchitike mdima uli, imwe mungaliwona yayi woko linu kunthazi kwinu, kumbukirani waka, muli Mwanarumi muno uyo wangamanya kubuska Magesi. Iyo waukwatulenge Mpingo ula.

Imwe mukuti, “Enya, ine ndiri nkhanira . . .”

²⁸⁰ Enya, Shadreki, Misheki, na Abedenigo, wâkafika nkhanira ku ng’ango ya moto, kweni kukaŵa Mwanarumi kula Uyo wakamanya kujulira mphepo. Enya, bwana. Mphepo yikuru yankhongono yira iyo yikiza pa Dazi la Pentekosite, Iyo wakajuraso Iyi kamosaso ndipo wakakankhira kutali mphepo zose zankhongono kufuma kwa iwo, moto wose. Kukaŵa Mwanarumi kula; Iyo wakuchemeka “Mwanarumi wachinayi.”

²⁸¹ Muli Yumoza muno muhanyauno. Iyo ndi Yekha pera! Aleluya! Iyo wali na switchi ya Magesi mu woko Lake. “Iwo weneawo wâkakhala mu madera gha muzgezge wa nyifwa, Kuŵara kukuru kukawoneka.” Kuchikana yayi Ichi. Pokerani Ichi, mu Zina la Fumu. Apo ise tikusindamiska mitu yithu pakanyengo waka.

Ise tiyendenge mu Kuŵara, Kuŵara
kwakutowa,
Kukwiza uko majumi gha lusungu ghakuŵara
mbe;
Ŵarani palipose pa ise muhanya na usiku,
Yesu, Kuŵara kwa charu.

Ise tiyendenge mu Kuŵara, ndi Kuŵara
kwakutowa,
Kukwiza uko majumi gha lusungu ghakuŵara
mbe;
Ŵarani palipose pa ise muhanya na usiku,
Yesu, Kuŵara kwa charu.

Zaninge, imwe wâtuŵa ŵa Kuŵara,
chemerezgani,
Yesu, Kuŵara kwa charu;
Ntheura mabelu gha Kuchanya ghalirenge,
Yesu, Kuŵara . . .

Kasi ntchichi? Mazgu ghakukhozgeka ndi Yesu muhanyauno. Iyo ndi Mazgu.

Ise tiyendenge mu Kuŵara uku, ndi Kuŵara
kwakutowa,
Kukwiza uko majumi gha lusungu ghakuŵara
mbe;
O, wârani palipose pa ise muhanya na usiku,
Yesu, Kuŵara kwa . . .

²⁸² Na mitu yinu yakusindama. Ine nkhumanya yayi kasi mbalinga muno wâkhumbenge kuti wayende mu Kuŵara uku, pasi pa urongozgi wa Mzimu Mutuŵa, Mazgu ghakukhozgeka

gha muhanyauno? Mukuwona? Mazgu agho Chiuta wakalayizgira muhanyauno, wonani Ichi chikuwonekera!

Kasi chira ndicho Iyo wakaŵa yayi mu mtendeko? Iyo wakaŵa Mazgu. Mwana wakababika; Iyo wakaŵa Mazgu. Iyo wakaŵa Mesiya; Iyo wakaŵa Mazgu ghakukhozgeka. Ntheura pamanyuma Mazgu, Chiuta wakayowoya chi-...umaliro wali ku chiyambi.

²⁸³ Sono kuli Mazgu gha nyengo iyi, ndipo Iyo wali muno kukhozgeranga Mazgu ghara.

Mkatikati mwa nthimbanizgo, mdima na kung'azima, chose chikuwoneka ngati Ichi, kweni ndicho yayi Ichi. Ichi ntha chikusimikizgika kuti ndicho Ichi; chisambizgo.

²⁸⁴ Yesu wakati, "Usange ine nkufumiska viŵanda kugwiriska ntchito njoŵe ya Chiuta, kasi imwe mukufumiska ivi pakugwiriska ntchito vichi?" Iwo ŵakafumiska yayi ivi. Mukuwona? "Kweni, yayi, usange Ine nkufumiska chiŵanda kugwiriska ntchito njoŵe ya Chiuta, ipo Ufumu wa Chiuta wafika pafupi kwa iwe."

O, tiyeni tighanaghane za ichi, apo ise tikukwezga mawoko ghithu. Mwakuzikitizga sono, ndipo ghanaghanani, nkhanira chete.

Ise tiyendenge mu Kuŵara uku, uku ndi
Kuŵara kwakutowa,
Ndipo kukwiza uko majumi gha . . .

Pangani kurapa kwinu. Gomezgani Chiuta sono.

Ŵarani palipose pa ise muhanya na usiku,
Yesu, Kuŵara kwa charu.

Ise tiyendenge mu Kuŵara uku, ndi Kuŵara
kwakutowa,
Kukwiza uko majumi gha lusungu ghakuŵara
mbe;
Ŵarani palipose pa ise muhanya na usiku,
Yesu, Kuŵara kwa charu.

²⁸⁵ Apo iwo ŵakurutirira kwimbanga, ine nkukhumba kuti nifumbe. Muwiro uliwose chiri kuŵa chimozi. Mu mazuŵa gha Nowa, iwo ŵeneawo ŵakakana Kuŵara, kasi iwo ŵakachita vichi? Ŵakaruta ŵakanjira mu cheruzgo cha Chiuta. Kasi kukachitikachi kwa Faro mu mazuŵa gha Kuŵara kwa chivwati chakugolera, uko kukaŵa mwa Moses? Ŵakaruta ŵakanjira mu nyanja ya nyifwa. Kasi kukachitikachi kwa Dathan uyo wakayamba ndipo pamanyuma wakakana Kuŵara? Wakanjira mu lumwa la charu chapasi; ichi chikamumirimitizga iyo. Kasi kukachitikachi mu miwiro yose, kwa iwo ŵeneawo ŵakatondeka kwenda mu Kuŵara, Kuŵara kwa nyengo yawo?

Ndi Yesu nyengo zose. Wakaŵa Yesu mu mazuŵa gha ŵanthu ŵara. Ndi Yesu muhanyauno, pakuti Iyo ndi Mazgu, ndipo Mazgu ghakupanga Kuŵara. Ndi Kuŵara kwa nyengo iyi.

Ghanaghanani za ichi sono, mwakachetechete chomene, apo ise tiri na chisimikizgo, tirombe, kasi imwe mukwenda mu Kuŵara? Apo ise tikung'ung'uta iyi kamozaso.

. . . Kuŵara kwakutowa,
Kukwiza uko majumi gha lusungu ghakuŵara
mbe;
Ŵarani palipose pa ise muhanya na usiku,
O Yesu, Kuŵara kwa charu.

Tiyeni tiyimirire sono, pa marundi ghithu.

²⁸⁶ Ine nkhuromba Ŵadada Ŵakuchanya kuti ŵazomerezge Uthenga uwu unjire mu mitima ya ŵanthu awo ŵali muno, na iwo ŵeneawo ŵaupulikenge Uwu pa tepi. Ndipo nkhuromba Kuŵara kufike pa Mazgu, Mbewu, ndipo kupamphuske Mbewu yiriyose yakusankhikirathu iyo yikapandika kuwaro uku mu kung'azima uku na mabungwe. Nkhuromba iwo ŵawone ngati Nikodemo, kwali usange iwo ŵakwenera kuti “ŵafike mu usiku,” ŵafike ku Kuŵara. Perekani ichi, Ŵadada.

²⁸⁷ Nkhuromba kuti kufike kuwonekera kukuru uku, kwa Jarawe ili ilo lagumuka kufuma ku phiri, kwambura mawoko. Ili liswenge maufumu agha gha Ŵamitundu kufika pasi, maufumu ghose agha, maufumu ghauzimu na maufumu ghakuthupi. Ndipo Jarawe libenekerenge charu chose; ichi chiŵenge chakuchitika cha kuphotora. Iwo ŵeneawo Jarawe lira liswenge ŵavikitikenge kuzgoka ufu; iwo ŵeneawo ŵawenge pa Jarawe lira ŵatiŵenge lufura lakukhora.

²⁸⁸ O Khristu, nizomerezgeni ine, ngati muteweti Winu, ndifwire pa Jarawe ili, Jarawe ili la Mazgu Ghinu. Fumu Chiuta, nizomerezgeni ine niyimirire, ngati David, na ŵankhondo ŵara ŵakale awo ŵakayima na David, nizomerezgeni ine niyime na Mazgu agha muhanyauno apo ine nkhuwona Agha ghakukanika na mabungwe. Ighe ghakusungikika muchanya umu mu kamalo kachoko kakubisika kamalo kunyake. O Chiuta, ine. . . Perekani mwakuti ise tiŵe na nkhangono na chikanga, na Mzimu Mutuŵa, kuti tiyime, pakuti maora ghakuchitanga mdima na mdima.

Kweni tizomerezgeni nyengo zose tikumbukire kuti Imwe muli muno kuti mubuske Magesi. Pa ora lirilose ilo Imwe mukukhumba, Imwe mungamanya kubuska Magesi, Ŵadada. Ntheura ise tikuromba. . .

²⁸⁹ Umo Imwe mukayowoyera, “Imwe ndimwe Kuŵara kwa charu.” Perekani, Fumu, mwakuti Kuŵara kwithu, taŵeneise ndise ŵakumutumikirani Winu, tiŵarengwe mwankhongono ku ŵanyake, mwakuti iwo ŵawonenge Kuŵara kwa Ivangeli apo ise tikukhala umoyo wa ili, Fumu, dazi na dazi, kuwoneskanga kwa iwo Umoyo wa Yesu Khristu umo Iyo wakaŵira pa charu

chapasi; wakuzura na kujiyuyura na uweme, kweni na Mazgu pakuwa ghakukhalika umoyo mwa Iyo. Perekani ichi, Fumu.

Pakuti, ise tikulaŵiska kwa Imwe, Yumoza mukuru muli na switchi mu woko. Imwe mwasunga charu mu woko Linu. Imwe mwasunga vinthu vyose mu woko Linu, ndipo mukukhozga charu na Mazgu Ghinu.

O Ŵadada, tizomerezgeni ise tighapokere Mazgu; muchitenge Imwe, chonde, Fumu? Zomerezgani uwo uwe ukaboni na kukhumba kwa mtima uliwose muno.

²⁹⁰ Ŵadada, apo ise tikwimba sumu izi...Umo David wakayimbira sumu, izo zikuzgoka uchimi. Izo zikaŵa uchimi, ndipo Imwe mukazichindika izo, uchimi. Apo ise tikwimba iyi, Fumu, zomerezgani uku kuwe mu mitima yithu, namoso, apo ise tikwimba, "Ise tiyendenge mu Kuŵara uku." Zomerezgani ichi chichitike, Fumu.

Uku ndi Kuŵara kwakutowa. Agha ndi Mazgu. Ndi Khristu kukhalanga pakati pithu. Ntha icho Iyo wakaŵa; icho Iyo wali, ndipo, ise tikumanya icho Iyo wakaŵa chikawoneskera waka icho Iyo wali. Ndipo ise tikuromba, Ŵadada, kuti ŵanthu wapulikiskenge ndipo ŵayendenge mu Kuŵara kwakutowa uku. Ise tikuromba mu Zina la Yesu.

²⁹¹ Apo ise tiri chiyimilire pa kanyengo waka, ine nkukhumba kuti tose tiyimbe.

²⁹² Sono mkati muno muli wa Prezibetere, Methodist, Katolika. Ili ndi gulu lakusakanikirana, para ichi chafika ku bungwe.

²⁹³ Sono kumbukirani, rekani ichi chimanyikwe, kuti ine ntha nkhuwoyoya chirichose kususkanga ŵanthu mu kung'azima uku. Kweni ine ndasimikizgira ichi, kufika ku Baibolo, kuti uku ndi kung'azima. Usange ichi chikaŵa nthaura yayi, Khristu nthena wakuchita ngati ndiumo Iyo wakalayizgira kuti wazamuchita, na iwo. Mukuwona? Kweni iwo ŵakukana Icho. Mukuwona? Ndipo para imwe mwafika kula, kasi imwe mukusanga vichi? "Joyinani mpingo, sungani chisambizgo." Ndipo kasi ichi chikupanga vichi? Mukufika ku umaliro wa msewu, imwe mukusanga kuti uwu ukaŵa utesi, mawonekero ghautesi.

Khristu ndi Mazgu. Iyo ndi Kuŵara. Khalani umoyo sono, apo imwe mungamanya kukhala umoyo. Imwe mukhalire umoyo chinyake.

²⁹⁴ Kasi imwe mukukhalira umoyo vichi? Mwakuti imwe mungamanya kufwa. Waliyose wa imwe, kasi imwe mukugwira ntchito kuti muchite vichi? Kutu murye. Kasi mukurya kuti muchite vichi? Kutu muwe ŵamoyo. Kasi imwe mukukhala umoyo kuti muchite vichi? Kutu mufwe.

Ntheura murekerengechi imwe kukhala umoyo kuti mukhale ŵamoyo? Mukurekerachi kukhala umoyo kuti muwe ŵamoyo?

Ipo, nthowa yimoza pera imwe mungakhala wamoyo ndi kuzomera Mazgu. Chifukwa, “Munthu nthu wakhallenge wamoyo na chingwa pera,” icho ise tikupanga uku na thukuta la kutokatoka kwithu, “kweni na Lizgu lililose ilo likufuma mu mlomo wa Chiuta.” Sono Mazgu gha mlomo wa Chiuta ghakukhozgeka nkhanira pano panthazi pithu, kwizira mwa Mzimu Mutuwa. Khalirani umoyo na Uwu, muchitenge yayi imwe?

²⁹⁵ Sono ine nkhukhumba, apo ise tikwimba iyi kamoza, tiyeni waliyose wa ise wayimilire waka mu malo githu, nyoroskani ndipo koraniko mawoko gha munyake, ndipo yowoyani, “M’bale, tiyeni tiyende mu Kuwara uku,” apo ise tikwimba *Yendani Mu Kuwara*. Muchitenge imwe? Romberanani yumoza na munyake apo imwe mukuwika mawoko ghinu pamoza, apo ise tikwimba iyi pamoza; tiri na maso githu ghakujara, umo tingachitira.

Ise tiyendenge mu Kuwara, Kuwara
kwakutowa,
Kukwiza uko majumi gha lusungu ghakuwara
mbe;
Warani palipose pa ise muhanya na usiku,
(Kasi ndinjani Uyu?)
Yesu, Kuwara kwa charu.

Sono tiyeni tikwezge mawoko githu.

Ise tiyendenge mu Kuwara, ndi Kuwara
kwakutowa,
Kukwiza uko majumi gha lusungu ghakuwara
mbe;
Warani palipose pa ise muhanya na usiku,
O, Yesu, Kuwara kwa charu.
Zaninge mose watuwa wa Kuwara,
chemerezgani, (Kasi ichi ntchichi?)
Yesu, Kuwara kwa charu;
Ntheura mabelu gha Kuchanya ghalirenge,
Yesu, Kuwara kwa charu.

Tose, tiyeni tiyimbe iyi sono.


Ise tiyendenge mu Kuwara, ndipo uku ndi
Kuwara kwakutowa,
Kukwiza uko majumi gha lusungu ghakuwara
mbe;
Warani palipose pa ise muhanya na usiku,
Yesu, Kuwara kwa charu.

²⁹⁶ Na mitu yithu yakusindama sono. Kumbukirani para Israel waka wa mu ulendo wawo, kuryanga manna ghaphya dazi lililose, iwo wakayenda mu Kuwara kwa La wi la Moto. La wi lira la Moto waka wa Yesu Khristu. Baibolo likuti Ili waka wa. Ndipo muhanyauno Iyo wali nase; ise tiri nalo Ili. Ise tikumanya Iyo

wali nase, Laŵi lenelira la Moto, kuchitanga vinthu vyenevira Iyo wakachita para Iyo wakaŵa pano pa charu chapasi, kuti wakwaniriske Mazgu Ghake.

²⁹⁷ Apo ise tikuruta kufuma kuno, tiyeni tikumbukire, tisunge sumu iyo mu mitima yithu apo ise tikuruta ku nyumba zithu, apo vingerengere vikwimba sumu. Pambere imwe mundarye chakurya chinu, sindamiskani mutu winu ndipo muwongeni Chiuta chifukwa cha kutuma kuŵara kuti kupereke chakurya pa charu chapasi, cha thupi linu. Ntheura muwongeni Chiuta chifukwa cha kutuma Kuŵara kwauzimu, Mazgu Ghake, mwakuti Iyo wangamanya kupereka Chakurya ku uzima. “Pakuti munthu nthu wakhalenge wamoyo na chingwa pera, kweni na Lizgu lililose ilo likufuma mu mlomo wa Chiuta.”

²⁹⁸ Rutirirani waka kwimbanga sumu iyi kwa mwaŵene, mu nyumba yinu, pakati pa ŵanthu ŵinu, ndipo tizakakumaneso kuno pafupifupi sikisi-sate, usiku uwu, ku makadi ghapemphero na vinyake ntheura. Ise tizakumuwonani imwe nyengo yira. Mpaka nyengo yira, sindamiskani mitu yinu.

²⁹⁹ Ine nimufumbenge M'bale Neville usange iyo wangayenda wafike kuno sono, mliska, ndipo watifumiske ise na lizgu la lurombo. 

63-1229M Muli Mwanarumi Muno
Uyo Wangamanya Kubuska Magesi
Branham Tabernacle
Jeffersonville, Indiana U.S.A.

CHITUMBUKA

©2026 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umo tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.

www.branham.org